

25613
Ю 2

Каримова В.М., Сұннатова Р.И.,
Тожибоева Р.Н.

МУСТАКАЙЛ ФИКРЛАШ

2000A-1939

ЎЗБЕКИСТОН РЕСПУБЛИКАСИ ОЛИЙ ВА ЎРТА
МАХСУС ТАЪЛИМ ВАЗИРЛИГИ

ЎРТА МАХСУС, КАСБ-ҲУНАР ТАЪЛИМИ МАРКАЗИ
ТОШКЕНТ ДАВЛАТ ИҚТИСОДИЁТ УНИВЕРСИТЕТИ

Каримова В. М., Суннатова Р. И.,
Тожибоева Р. Н.

МУСТАҚИЛ ФИКРЛАШ

(Академик лицейлар ва касб-ҳунар коллежлари
ўчилари учун ўқув қўлланма)

«ШАРҚ» НАШРИЁТ-МАТБАА КОНЦЕРНИ
БОШ ТАҲРИРИЯТИ
ТОШКЕНТ – 2000

Тақризчилар:

психология фанлари номзоди,
доцент Э. Н. САТТОРОВ

психология фанлари номзоди, доцент
Н. М. СОФИНОВ

Каримова В. М. ва бошқ.

Мустақил фикрлаш: (Академик лицейлар ва касб -
хунар колледжлари ўқувчилари учун ўқув қўлланма) / —
Т.: Шарқ, 2000. — 112 б.

Сарл. олдида: Ўзбекистон Республикаси Олий ва
Ўрта маҳсус таълим вазирлиги. Ўрта маҳсус, касб-хунар
таълими маркази. Тошкент Давлат иқтисодиёт универ-
ситети.

Ушбу қўлланмада ёритилган мавзулар ёшларнинг фикрлаш, фикр
тарбияси борасидаги тасавурларини кенгайтириб, мустақил ҳамда
ижодий фикр юритиш, тафаккур қилиш қонуниятлари тўғрисида
билим беради. Китобнинг ҳар бир боби, бўлимлари ва мавзулари
сўнгига берилган топшириқлар ўқувчининг ақлий имкониятлари
чегарасини кенгайтириш, аудиторияда ва дарсдан ташқари пайтларда
мустақил равишда мантиқан фикр юритиш, тўғри, асосли ва хилма-
хил ҳолосалар чиқариш орқали тафаккурини машқ қилдиришга
хизмат қиласди.

Ақлни ривожлантириш ва мустақил фикрлаш малакаларини
ҳосил қилишга мўлжалланган машқ ҳамда топшириқлар ўқитувчи
томонидан яна тўлдирилиши ва топшириқлар тўплами тарзида
ўқувчиларга ҳавола этилиши мумкин.

256/3
1.6.2 Автордош.

2
Жанр
A O'zb. Res. DK
1959

ББК 74.57

© «Шарқ» нашриёт-матбаа
концерни Бош таҳририяти, 2000

МУНДАРИЖА

Кириш.....	4
------------	---

I қисм

ФИКРНИ ТАРБИЯЛАШ МУАММОСИ

Фикр ва фикрлаш нима?	6
Тафаккур ва мустақил фикрлашнинг ижтимоий моҳияти ..	17
Мустақил фикрни тарбиялашнинг зарурати	26
Мустақил фикрлашнинг табиий асослари	32
Ўқув фаолиятида мустақил фикрни тарбиялаш	42

II қисм

МАНТИҚИЙЛИК ВА ФИКР МУСТАҚИЛЛИГИ

Мантиқий фикрлашни биласизми?	47
Мантиқий фикрнинг сифатлари	56
Тафаккурни ривожлантирувчи ўйинлар, машқлар ва методикалар	63

III қисм

ИЖОДИЙ ТАФАККУР ВА МУСТАҚИЛ ФИКРЛАШ

Интеллект ва мустақил фикр	73
----------------------------------	----

IV қисм

МУСТАҚИЛ ФИКРНИ ИФОДАЛАШ

Мустақил сўзлаш маҳорати	84
Риторика ёки нотиқлик санъати	90
Мустақил фикрлашнинг яна бир омили	104
Тавсия этиладиган адабиётлар	110
Иловалар	111

Эндиғи асосий вазифа — кишиларимизнинг мустақил фикрлашга ўрганиши, ўзига ишончнинг ортиб боришидир. Чунки тафаккур озод бўлмаса, онг ва шуур тазиҳатдан, қулликдан қутулмаса, инсон тўла озод бўлолмайди.

Ислом Каримов

КИРИШ

Ўзбекистон Республикасининг биринчи Президенти Ислом Абдуғаниевич Каримов мустақиллигимизнинг дастлабки йилларида ёқ, халқимиз фаровонлигининг муҳим мезонларидан бири сифатида улар маънавияти, маърифати ва билим савиялари ошишини эътироф этиб, бу борада ёшлар онги, тафаккури ва руҳиятини ўзгартириш, уларни янги барпо этилаётган демократик, ҳуқуқий, озод ва обод давлатимиз талабларига мос бўлишини вазифа қилиб қўйдилар. Давлатимиз раҳбари, айниқса, ёшларни мустақил фикрлашга ўргатиш, фикр ва руҳ озодлиги ва мустақиллигининг шахс баркамоллигига бевосита алоқасини ҳар бир чиқишиларида таъкидлаб ўтдилар. «Биз — деб таъкидлайдилар давлатимиз раҳбари, — ўз ҳақ-ҳуқуқларини танийдиган, ўз кучи ва имкониятларига таянадиган, атрофида содир бўлаётган воқеа-ҳодисаларга мустақил муносабат билан ёндашадиган, айни замонда шахсий манфаатларини мамлакат ва халқ манфаатлари билан уйғун ҳолда кўрадиган, эркин, ҳар жиҳатдан баркамол инсонларни тарбиялашимиз керак». (И. Каримов. Ўзбекистон XXI асрга интилмоқда. — Т.: Ўзбекистон, 1999.)

Биз бошдан кечираётган бугунги буюк ўзгаришлар даври айнан истеъодли ва иқтидорли, зеҳни ўткир, мулоҳазали, янгидан-янги кашфиётларга қодир инсонларни тарбиялашни талаб қилмоқда ва иккинчи томондан, мустақилликнинг ўзи туб маънода ана шундай баркамол авлодни тарбиялаш учун барча шарт-шароитларни яратишга қодирдир. Зоро, мустақиллик инсонлар фикр-ўйлари, ҳис-туйғулари ва тафаккурида кескин ўзгаришлар қила олади.

Истиқлолнинг биз ҳар куни кўриб, ҳис қилаётган буюк неъматларидан бири шуки, у келажакка, эртанги кунга замин яратади. Шу маънода олиб қарайдиган бўлсак, юртимизда маънавият ва маърифат, илму фанни ривожлантириш, мала-кали мутахассис кадрлар тайёрлаш борасида амалга ошираётган ислоҳотлари айнан буюк келажакка назар, унда ҳозирланётган мустақам пойдевордир. Шу сабабли йўлбошчимиз Олий Мажлиснинг IX сессиясида «Баркамол авлод — Ўзбекистон тараққиётининг пойдеворидир» деб таъкидлаб, «Таълим тўғрисидаги Қонун» ва «Ўзбекистон Республикасида Кадрлар тайёрлашнинг миллий дастури»да бунга эришишнинг барча омиллари, йўл-йўриқлари дастурий тарзда белгилаб берилди.

«Мустакил фикрлаш» қўлланмаси билимли, ахлоқли ва маънавияти юксак шахсларни ўз тафаккури қонуниятларини билган ҳолда мустакил фикрлаш лаёқатларини аниқлаш, уни мантиқ билан боғлаш орқали, ижодий тафаккур ривожи учун зарур бўлган услублардан боҳабар бўлишга ёрдам беради, шу орқали ақту заковатини тарбиялаш учун ёрдамчи восита бўлади, деб умид қиласиз. Бобларда келтирилган ҳар бир мисол, машқ, топшириқ ва тестлар ўқувчи фикрлаши жараёнларини жадаллаштиради, унда ўзига, ўз қарашларига ишончни ҳосил қиласи. Назарий билимлар эса амалий тафаккурнинг намоён бўлишига замин бўлади.

Қўлланма ушбу йўналишда ўзбек тилида ёзилган дастлабки уриниш бўлгани сабаб унинг мазмуни, тузилиши ва самарадорлиги хусусида билдирилган ҳар қандай фикр-мулоҳазаларни муаллифлар зўр мамнуният билан қабул қиласидар ва келгуси фаолиятларида инобатта оладилар.

Биринчи қисм

ФИКРНИ ТАРБИЯЛАШ МУАММОСИ

ФИКР ВА ФИКРЛАШ НИМА?

Ақл — иймон калити. Инсон мавжуд экан, у инсоният тараққиётининг сабабчиси экан, унинг ҳар куни ва ҳар кунги бажарадиган хатти-ҳаракатлари ва ишларининг асосида, заминида унинг турли-туман ҳоҳишлари, эҳтиёjlари, орзу-умидлари, тилаклари ётади. Ана шуларнинг орасида энг муҳим ва аҳамиятлиларидан бири — бошқаларга нисбатан ақэллироқ, фаросатлироқ ва омадлироқ бўлиш эҳтиёjидир. Ақлу фаросат, унинг ҳаётдаги аҳамияти тўғрисида фикр билдирган алломаларимиз ҳам унинг тарбияловчи сифатларига эътиборни қаратганлар. Абу Носир Форобий «Инсон моҳияти ақлда, ақлнинг моҳияти ҳаракатда намоён бўлади» деганда, инсон ақлу заковати унинг кимлигини билдирувчи асосий мезон эканлигини таъкидлаган эди.

Демак, инсоннинг инсонлигини ифодаловчи ягона мезон ақл-идрок, онг ва тафаккур даражаси бўлса, уларнинг моҳиятини очиб берувчи, уларнинг миёси ва кўламига баҳо берувчи бош мезон хатти-ҳаракатлари, амаллари, ҳаётга ва атроф-муҳитга муносабат, ўз-ўзини бошқаришдаги ички қудратидир. Инсонийлик, ақл ва иймон масаласи ўтмишдаги авлод-аждодларимиз назаридан четда бўлмаганлигини «Авесто»дан олинган қуидаги парчадан ҳам кўришингиз мумкин:

Ақлли ва иймонли кимсаларга
Багишлайман шодлик, бардам руҳ...
Эътиқодман, Митраман,
Мудом сабоқ бермоқчиман,
Иймон билан фикр айласин,
Иймон билан сўз сўзласин,
Ва иймонга амал қиласин.

(«Авесто»дан)

Демак, инсоният тараққиёти, унинг агадийлигининг мезони ҳам соғлом, ақлли фикр бўлиб келган, шундай бўлади ҳам. Шунинг учун ҳам ота-боболаримиз

ақдли кишида учта хислат бўлади, дейишади. Бу — бирор нарса сўраса, одоб билан жавоб беради, бирордан ёмонлик кўрса ҳам яхшилик қиласи, халқи учун фойдали фикрларни илгари суради.

«Ақлли» ва «ақлсиз» одамлар. «Ақл» атамаси ҳаётда энг кўп ишлатиладиган тушунчалардан саналади. Буюк бобомиз Алишер Навоий асарларида бу тушунчани 27 ўринда ишлатиб, унинг 27 даражаси ва 27 сифати ҳақида фикр юритган. Хусусан, турли хил ақл сифатлари қўйидагича тавсифланган: ақл аҳли — хушёр онг эгалари; ақл восьвоси — ақл васвасаси, мафтунлик, ақл тўлқини; ақл деҳқони — онгли тушунча, мулоҳаза, тажрибали, онгли киши; ақл куйи — ақл-идрок йўли; ақл мезони — онг, ақл ўлчови, тарозуси; ақл муҳандислари — донишмандлар, олимлар, билимдонлар; ақл оллида — онгли тушуниш бўйича, ақлан; ақл пири — тафаккур устози — фаросатли кишилар; ақл саррофи — ақл заргари, ақл баҳоловчиси; ақл уйи — мия, фикру хаёл; ақл хирмони — ақл мужассамлиги; ақл чири — ақл кучи, ақл қуввати; ақл эшиги — ақл йўли, онгли йўл; ақл ўти — зеҳн ўткирлиги, хушёрлик; ақл қуши — бунга изоҳ ҳожат эмас; ақл ҳисоби — онг доираси, чегараси; ақлдин бегона — телба; ақли жавоҳиршунос — етук, комил ва сўзнинг яширин сирларини яхши тушунувчи нозиктаъб кишиларнинг идроклиси; ақли зойил — ақли кетган киши; ақли зулмоний — хира ақл, ўтмас зеҳн; ақли кулл — энг етук ақл; ақли маслаҳатбин — маслаҳат кўрсатувчи, тўғри йўл ва тўғри фикрга йўлловчи ақл; ақли мушарраф — соф, шарафли ақл; ақли мустақим — иккиланмайдиган, тўғри ақл эгаси, қатъий фикрли одам; ақли мусоҳиб — фаҳм-фаросатли киши; ақли оз — ақлдан адашмоқ; ақли салоҳ — тўғри соғлом фикр; ақли саркаш — итоатсиз, ўжар, қайсар, бўйин товловчи ақл; ақли ситамкора — жабр-зулм қилувчи, жафо етказувчи; ақлу фаҳми хурдадон — нозик ақл-фаҳм; ақлу худбин — фақат ўзини ўйловчи шахс; ақли хурдабин — ўткир, сезгир, нозик ақл ва ҳоказолар.

Шундай қилиб, мутафаккир алломамиз ақлнинг ана шундай ранг-баранг жиҳатларини ажратиб, улар асосида умуман икки тоифали ақл соҳиблари бўлиши мумкинлиги ҳақида хulosса қилишга имкон бердилар: некбин ақл эгалари ва худбин ақл эгалари. Биринчиларидағи ақл инсониятга эзгулик келтириб, ўз соҳибини ҳам баҳтли қиласа, иккинчилари — аксинча, ўз манфаати

йўлидагина ақл ишлатиб, ўзгаларга зиён етказадилар холос. (Қаранг: Иброҳимов А. ва бошқ. Ватан туйғуси. — Т., 1996, 34—45-бетлар.)

Ёшлар орасида ким ақлли бўлишни хоҳламайди, дейсиз? Швейцар ёзувчиси Й. Лафатер ўз вақтида ёзган эди: «Ақлли, доно бўлишни хоҳлайсанми? Оқилона сўраш, диққат билан тинглаш, бамаънилик билан жавоб бериш, гапиришга сўзинг қолмаганда, ўз вақтида тўхташга ўрган». Бу сўзларнинг тагида, замирида жуда катта маъно ва ҳаёт фалсафаси ётибди. Зоро, бизнинг ҳаётдаги ютуқларимиз, истак-хоҳишларимизнинг рўёбга чиқиши бизнинг ақл ва идрок калити билан иш юритишимизга боғлиқдир.

Умуман, бир қарашда «ақлли» ва «ақлсиз» одамлар ўртасида қандай фарқ бор, деган саволга жавоб қидириб кўрайлик. Ақл соҳиби бўлмиш инсоннинг хатти-ҳаракатларига ташқаридан, холис баҳо бериб кузатар эканмиз, унга вазминлик, салобат, куч ва ирода, ўринли қилиқлар хос бўлишини кузатишимиз мумкин. Акс ҳолда-чи? «Ақлсиз» одамнинг хулқида мантиқ йўқдай, унинг ишлари ўлда-жўлда, тартибсиз, сифатсиз, ўзи ҳам нима қилаётганини, ўзига нима кераклигини билмайди. Бири кўзимизга ёқимли, жозибали кўринса, иккинчиси — жizzаки, ёқимсиз, субутсиз бўлиб кўринади. Хўш, бунинг асл моҳияти ва сабаби нимада? Гап шундаки, ақлли болада аввало ф и к р бўлади. У ў й л а й д и, ҳар бир қадамини ўйлаб босади, ҳар бир гапини ўйлаб гапиради.

Фикр нима? Биз бу сўзни жуда кўп ва тез-тез ишлатамиз. Калламизга келган ҳар бир нарса, ўй ва ҳис-кечинмаларимиз аслида фикр. Яъни, бирор нарса ёки рўй берган, бераётган воқеа-ҳодиса хусусида миямиздан ўтган туйгуларимиз қўпол қилиб айтганда, фикрдир. Лекин унинг туб, психологик моҳияти шундаки, дунёни билишимизга ёрдам берадиган сезгиларимиз, идрокимиз, ҳиссиётларимиз ва бошқалардан фарқли, фикримиз орқали биз кўзимиз бевосита илғамаётган, кўз ўнгимизда бўлмаган, бўлган тақдирда ҳам ўша нарсанинг ички хусусиятига алоқадор бўлган «сирли» жиҳатларини билиш имконига эга бўламиз. Фикр бўлмаганда, табиат ҳодисаларини, ер шарининг нариги томонида рўй бераётган ҳодисаларни, мамлакатларни, масалан, Америкадай давлат борлиги ва у худудий жиҳатдан Россиядан кичик, Ўзбекистонимиздан катта эканлигини қандай англашимиз мумкин бўларди? Де-

мак, табиат, жамият, ўзимиз, яқинларимизга алоқадор барча жараёнларни, уларнинг моҳиятини, сиру-синоатини билишга имкон берувчи нарса — бу бизнинг фикрларимиз экан. Агар шу қобилият бизда бўлмаганида эди, бизнинг ҳайвонлардан фарқимиз ҳам бўлмасди.

Фикрлаш. Фикрларни тартибга солиш, уларни ўз ўрнида ишлатиш ва бошқариб туришга жавобгар бўлган жараённи психологлар *фикрлаш* ёки *тафаккур* деб атайдилар.

Тафаккур шундай жараёнки, у одамнинг бевосита кўз ўнгидаги бўлмаган, қўли билан сезмаган ёки ёнида бўлмаган нарсаларнинг ҳам кўплаб хусусиятларини билишга имкон беради. Ҳаттоқи, қоронги хонага кириб қолиб, шошиб турган вақтда ҳам бирдан ўз қадамларини секинлатиб, «бирон нарсага қалтис урилиб кетмай», деган ўй билан ҳаракатларни бошқаришга ҳам бизнинг тафаккуrimиз, фикрлашимиз ёрдам беради. Қолаверса, ҳар қандай **муаммо** ёки бизни ўйлантирадиган **вазифа** пайдо бўлганда, одамнинг бирдан ўйчан тортиб, унинг ечимини қидириши ҳам фикрлашсиз рўй бермайди.

Демак, фикрлаш — биз учун ўта муҳим ва зарур жараён экан. Шундай экан, уни қадрлашимиз, тарбиялашимиз, ривожлантиришимиз, эъзозлашимиз керак. Масалан, баъзан бир боланинг куюнчаклик билан ўртоқларига айтиб бераётган бирор воқеасининг гувоҳи бўлиб қоламиз. Биз унинг ўйлаб топилган, фантастик ҳикоя эканлигини билиб, «Роса боплаб алдаётган экансан-а?», деб сўрасак, унга ўша ўйлаб топилган воқеа шу даражада ёқади-ки, «Ҳа» дегиси келмайди. Аслида, ўша ўйлаб топилган нарсанни ҳам биз қадрлашимиз керак. Чунки унда баён этилган воқеалар бола томонидан шундай тартибга келтирилган эдик, биз ногоҳ унга ишонгимиз келади, яъни унда **мантиқ** бор. **Мантиққа бўйсундирилган** ҳар қандай фикр — фантазия иши ҳам тафаккурни тақозо этгани учун ҳам биз бу ишни ижобий, яхши деб баҳолаймиз. Ёки болаликда ҳамма эртакларни яхши кўриб тинглаган болага уни қайтариб айттирган чоғда, унда яна кўшимча сифатлар, воқеалар, одамларнинг хатти-ҳаракатлари, деталлар пайдо бўлиши мумкинлигини кузатганимиз, бу ҳам боладаги фикрлашнинг меваси. Мактабда ўқиган, ўрганган ҳар бир предмет, ундаги мавзуларнинг моҳиятини тушуниб етишга ҳам фикрлаш орқали эришганмиз. Демак, инсон ҳаётини фикрсиз, фикрлашсиз тасаввур қилиб бўлмас экан.

Фикрлаш ва ишонч. Фикрлашимизнинг яна бир муҳим томони шуки, у туфайли биз атроф-муҳитда ўзимизни дадил, эркин тутамиз. Зеро, ҳар бир нарсага, воқеа-ҳодисага холис баҳо бера оламиз. Фикрли инсон билан юқорида таъкидлаганимиз «ақлсиз» ўртасидаги фарқни ҳам шунда кўришимиз мумкинки, фикрли инсонда ўзига ишонч бўлади.

Буни оддий бир кузатув орқали синааб кўришингиз мумкин. Синфдош ёки курсдошларингиздан қайси бири бугун аудиторияга дадил, ўзига ишонч билан кириб келганини кузатинг. Сўнгра дарс мобайнида уларнинг жавоблари, ўқитувчи қўяётгандан топшириқларга муносабатини ўрганинг. Бу билан сиз икки томонлама иш қилган бўласиз, бир томондан, ўзингиз шахсан бевосита фикрлаш операциясини амалга ошираётган бўласиз, ва бошқа томондан, фикрлашнинг, бугун берилган топшириқ бўйича билимли, ақлли ўртоқларингиздаги ишонч даражасини аниқлаб оласиз.

Ишончли одамда яна мустақиллик, ўзини ҳар қандай шароитда ҳам тута олиш, босиқлик каби сифатлар ҳам бўлади. Лекин шуниси борки, кўпинча яхши, чиройли асосланган фикр ўқитувчи ёки дўстингиз билан мулоқотни тугатгандан сўнг хаёлингизга келиб, «шуни айтмадим-а?» деб афсусланасиз. Худди шундай нарса дарсни ўзлаштириш жараёнида ҳам рўй беради, яхшилаб уйда дарсни тайёрлаб келгансиз, лекин доска олдига чиққанда, ёки ўқитувчи қўққисдан савол берса, жавоб беролмайсиз. Бу ҳолатнинг сабабини биласизми?

Тўғри, жуда таниш ва мустаҳкам эгаллаган билимлар бўлса, уларни бир амаллаб, баён этишимиз мумкин. Лекин кўпинча гап фақатгина билимларимизда бўлмай қолади. Гап шундаки, биздаги тортинчоқлик, ишончсизлик ва кўркув ҳисси, ташвиш бизга панд бериши психологияда аллақачон исбот қилинган.

Айниқса, ўзимиздаги янги, ҳали ҳеч қаерда ҳеч кимдан эшитмаган фикрларимизни айтишда ҳам бу сифатлар кўпчиликка халақит беради. Сиз ўйламанг, бу фақат болаларда, ёшларда намоён бўлар экан деб, бундай ҳолат катталарда ҳам, айниқса, нотаниш аудиторияда рўй беради. Бу ҳолатларнинг салбий томони шундаки, улар биздаги бор билимларни ҳам йўқдай қилиб кўрсатади, ва бора-бора ўзгалар олдида гапирмай қўя қолишни афзал кўриб қолишга олиб келади. Хавотирланиш, ишончсизлик билан кўркув ўртасидаги фарқ уларнинг бевосита намоён бўлиши кучидадир. Шунинг

учун ҳам Сиз ҳозироқ маълум даражада ўзингиздаги ишончсизлик ва хавотирланиш даражангизни билиб олсангиз, кейинги дарсларни янада яхши ўзлаштириш, фикрингизга эрк бериш ва табиий равишда ўртоқларингиз олдида сўзлай олишга ёрдам беради.

Ишончлиликни тарбияловчи машқлар. Қуйида берилган вазиятлар сиз учун таниш. Уларнинг баъзилари сизга ёқмаслиги, сизда нохуш ҳиссиётларни кўзфатиши мумкин. Ҳар бир жумлани дикқат билан ўқиб чиқинг. Агар вазият Сизга ҳақиқатан ҳам ёқимсиз, нохуш бўлмаса, унинг рўпарасига «0» белгисини кўйинг. Агар акси бўлса, «1»рақамини кўйинг. Бошладик!

1. Сизни нимагадир танқид қилиб, кучли эътиroz билдиришмоқда.
2. Сиз бирор ишни бажараётганингизда Сизга телмуриб қараб туришибди.
3. Мактаб (лицей, коллеж) директори билан сухбат.
4. Назорат иши тугагач, ўқитувчи баҳоларни эълон қилмоқчи.
5. Бошлаган ишингиз юришмаяпти.
6. Имтиҳон топшириш керак.
7. Катта аудитория олдида нутқ сўзлаш керак.
8. Сизнинг қобилиятингиз текширилмоқда.
9. Сиз бажарган иш баҳоланмоқда.
10. Муваффақиятсизлик ва омадсизлик кутмоқда.
11. Жуда масъулиягли ва муҳим иш олдидасиз.
12. Орқангизда кулишаётганини эшитдингиз.

1—3 балл — хавотирланишнинг нормал даражаси;

4—6 балл — бироз юқори даражаси;

7—9 балл — хавотирланиш сизда юқори;

10—12 балл — жуда ҳам юқори хавотирлик даражаси.

Ўзингизни текшириб, керакли хулосалар чиқаринг ва кейинги дарсларда зийракроқ бўлинг.

Билимлилик ва ишонч. Биз юқорида хавотирланиш, ҳаяжон деярли ҳаммага хос нарса деб таъкидладик. Психологларнинг фикрича, ҳаяжонсиз фикр билдириш ҳам аслида унчалик яхши сифат эмас экан. Биз бу ерда ҳаяжон туфайли тили «лол» бўлиб қолган, билганини ҳам унугиб қўяёзган ёшларни назарда тутмоқдамиз.

Одамнинг одамлар ичida ўзини яхши ҳис қилиши, ўзига ишончни намоён қила олиши, албатта, ундаги билимларнинг бисёрлигига боғлиқ. Демак, китоб ўқиган, ўқитувчилар берган топшириқлар бўйича вазифаларни бажарган одамда соғлом, ишончли фикр бўлиши муқаррар ва шу жараён тафаккур қилишнинг оқибати ҳисобланади.

Бундан ташқари, ҳар бир ўртоқдаги жавобларни дикқат билан тингланг: оддийгина бир жавоб, масалан, «Ер шари юмалоқ шаклга эга», деган жумлани айтган болада ҳам маълум даражада ўзига ишончни сезишимиш мумкин. Ёки аксинча, ўқитувчи берган саволга «Тайёр эмасман», «Билмайман» тариқасида берилган жавоб эгасининг эса хижолатлигини кўрасиз, ҳаттоқи, бу ташқаридан кузатиб турилса, бола бошининг ҳам бўлиб, пастга қараб эгилганини, жавоби бор, яхши тайёргарликка эга бўлган боланинг эса ишончнинг муҳим белгиси — бош ва тананинг дадил тик кўтариб туришини кузатса бўлади.

Яхши, ишончли фикр юритишининг шахс учун аҳамияти яна шундаки, бир марта дадил жавоб бера олган, ёки ўз фикр-мулоҳазалари билан ўртоқлари ҳурматини қозонган одамда ҳар доим ҳам ана шундай ҳозиржавоб, билимдон ва зукко бўлишга истак ва эҳтиёж пайдо бўлади. Масалан, ўша Ернинг юмалоқ эканлигини билиб, тушуна олган бола бошқа воқеа ва ҳодисалар бўйича ҳам шунга ўҳшаш аниқ тасаввурга эга бўлгиси келади. Яъни, фикр — фикрни чақиради, инсонни илҳомлантиради. Шунинг учун одам ўз фикр ва тасаввурларини муттасил бойитиб боришга интилиши ва бунда ўзининг энг яқин дўсти ва ҳамроҳи сифатида китобни, илмий, бадиий ва фантастик манбаларни танлагани маъқул.

Фикрлаш — мураккаб жараён. Унинг мураккаблиги шундаки, оддий китоб ўқиши ёки ўқитувчининг баён этган дарсини тинглаш билан билимлар кўпайиб, фикрлаш ривожланиб қолмайди. Бу — шундай фаол жараёнки, одам ўқиган, мушоҳада қилаётган манбасига маълум маънода ўзича муносабат билдира олиши керак. Масалан, физика дарсида энергетиканинг энг оддий қонунлари, масалан, электрнинг кетма-кетлик қонунини ўқиб чиқдингиз, дейлик. Сиз ушбу нарсани ўзлаштириш учун аввало бу жараённи кўз олдингизда тасаввур қилишингиз, кейин «Хўш, менга нима учун бу нарса керак?» деган маънода ўзингизга савол бериб, унга жавоб топа олишингиз керак. Агар бу мавзуни уйингиздаги ёруғлик манбалари фаолиятида тасаввур қила олмасангиз, ҳеч бўлмаса, янги йил арчасидаги чиройли, рангли лампочкаларнинг ёниши мисолида завқланиб, тушуна олмасангиз, мавзуни эслаб қолишингиз мушкул бўлади. Шунинг учун ҳам ҳар қандай фикр эгасининг шахсий манфаатига алоқадор бўлади ва

ҳар бир алоҳида фикрнинг ортида конкрет одамнинг мураккаб мушоҳада ва мулоҳаза фаолияти ётишини сира ҳам унутмаслик лозим. Бу жараённи тахминан 1-расмдагидай тасаввур қилиш мумкин.

узвийлик ва уйғунлик

| Фикр объекти: |(----->)| Фикр субъекти |

1-расм.

Фикрлаш объекти ва субъекти ўртасидаги ўзаро боғлиқлик.

Юқоридаги схемадан кўриниб турибдики, шахсдаги ҳар бир фикр ёки тоғ, билимлар уни уйғотувчи реал обьектлар (уларнинг хоссалари, моҳияти, хусусиятлари) билан уни ўрганувчи, фикрловчи (қизиқишлари, истаклари ва эҳтиёжлари, қобилияти бўлган) субъект ўртасидаги ўзаро муносабат бўлиб, унинг натижаси ўлароқ, бир томондан объективлилк қонунияти амалга ошади, иккинчи томондан ўзига ишонч ва билимлар соҳиби бўлиш имконияти пайдо бўлади,

Тафаккур ёки фикрлашнинг турлари. Тафаккур – инсон фикр ва ғояларининг шундай ҳаракатики, унинг оқибатида нарсаларнинг моҳияти ойдинлашади. Ана шундай ишнинг бевосита натижаси бўлиб, одатда бизда шаклланадиган турли хил тушунчалар хизмат қиладики, айнан уларда атрофимиздаги нарса ва ҳодисаларнинг энг умумлашган, характерли хусусиятлари ўз аксини топган бўлади. Масалан, «инсон» тушунчасини олайлик. Конкрет одамда бу тушунча ҳосил бўлиши учун, масалан, қисқа фурсат талаб қилинмаган, чунки бу тушунча замирида айнан одамзотни бошқа тирик мавжудотлардан фарқловчи энг муҳим хоссалар ва хусусиятлар ётибдики, уларни ҳар биримиз кундалик мулоқот, кўплаб суҳбатлар ва мутолаа қилишлар орқали босқичма-босқич англаб етамиз. Демак, бу тушунча асосида ётган онглилик, жамиятга, бошқа одамларга алоқадорлик, нутқ, тафаккур эгаси эканлиги, онгли меҳнати билан табиат ва жамиятда янгиликларни амалга ошира олиши, ўзининг мустақил фикрига эга бўла олиши, альтуристик сифатлари ва бошқа юзлаб фазилатлари бу тушунчанинг туб моҳиятини очишга ва уни англашга имкон беради. Ана шу фикрлар ҳаракатини тасаввур қилиш учун унинг турларини билишимиз

керак, чунки бу жараённи солда, оддий қилиб тушуниш ҳам нотўғри бўлади. 2-расмда фикрлаш ёки тафаккур жараёнининг асосий турлари акс эттирилган.



2-р а с м.
Тафаккурнинг турлари

Назарий фикрлаш. Назарий тушунчаларга асосланган тафаккурда одам бевосита ўз тажрибасида ҳис қилган, кўрган-кечирган, эшитган нарсаларни эмас, балки китоб ўқиб, ўқитувчисидан дарс жараёнида ўзлаштирган, конкрет тушунчаларга таянган фикр иши назарда тутилади. Масалан, агар сиз ўзингизни қизиқтириб қолган бирор муаммо бўйича янгилик яратишга жазм қилсангиз, демак, ўша сизгача яратилган ва кашф қилинган билимлар ёки тушунчалар орасидан бевосита муаммоингизга тааллуқли бўлганини топиб, ушбу *т у ш у н ч а л а р* воситасида фикр юритишингиз назарий тафаккурга мисол бўла олади. Энди тафаккур назарий шаклининг о б р а з л и тури шундайки, унда Сиз масалани ечиш ёки муаммонинг моҳиятини англаш учун тушунчалардан эмас, балки бевосита хотирарангизда қолган образ, тасаввурлардан ёки ўзингизча кўз ўнгингизда гавдалантира олган тасаввурлар образларидан фойдаланасиз. Масалан, «Куз» мавзусида баён ёзиш топширигини олган бўлсангиз, сиз албатта, назарий образли тафаккур ёрдамида уни бажаришингиз мумкин бўлади. Севимли ёзувчи ёки шоирингиз асарлари ҳам айнан шундай тафаккур маҳсули ҳисобланади.

Назарий тафаккурнинг юқорида баён этилган иккала тури аслида биз ўйланаётган, фикр юритаётган пайтимизда гёёки ёнма-ён бизга ёрдам бериб турешади. Уларни ажратиш, фарқлаш аслида шартлидир. Фарқли томони шуки, агар назарий тушунчаларга таянган тафаккур бизга борлиқни мавҳум тарзда, умумлаштириб англашимизга сабаб бўлса, образларга таянган назарий тафаккуrimиз борлиқни субъектив тарзда идрок қилиб фикрлашимизга имкон беради. Иккаласи биргаликда атроф-борлиқни чукурроқ, унинг рангбаранг хислатлари ва хусусиятлари билан уйғун тарзда билишимиизга сабаб бўлади, десак бўлади.

Амалий тафаккур. Тафаккурнинг иккинчи тури — яни амалий турининг ўзига хослиги шундаки, у борлиқни ўша фикрловчи инсоннинг идроки ҳамда қисқа муддатли, конкрет хотирасидаги образлар ёрдамида бевосита англаш, тушунишга имкон беради. Масалан, ер чопиб, эгатлар олиб, бирор нарсанинг уругини ерга қадаш ва кузда яхши ҳосил олиш ниятида иш бошладингиз, дейлик. Қўлингизга кетмонни олишдан бошлаб, кун бўйи қиласидаги меҳнатингизнинг самараси аввало Сиздаги ўша амалий конкрет тафаккур қайдаражада ривожланганлигига боғлиқ бўлади. Чунки ерни текислаш, эгатлар олиш, экмоқчи бўлган уругиниз ва ҳосилнинг хусусиятига боғлиқ барча тасаввур ва чамалаш ишларингиз барibir фикрлашни талаб қилади. Фақат бу фикр ўша кўз ўнгингиздаги предметлар ва уларнинг конкрет хусусиятлари доирасида ҳозир, мана шу ерда ўйлашни ва бунда албатта, орттирган тажрибангизга таянишни тақозо этади.

Агар дурадгорлик устахонасида буюм ясашни режалаштириб, уни амалда бажараётган одам аввал ўша буюмнинг охирги қўринишини тасаввур қилаishi шартлиги — бу ундаги кўргазмали образли тафаккурнинг бўлишини назарда тутса, бевосита уста қилаётган ишларга қараб туриб, тушуниб бажариш — кўргазмали — ҳаракат тафаккурига мисол бўлиши мумкин. Тафаккурнинг бу қўриниши айниқса, болалик йилларида кўп кузатилади. Масалан, болани ўз ўйинчогини бузиб, қисмларини яна бирлаштириб, нимадир қилмоқчи бўлган ҳаракатини кузатганимисиз? Шу жараён бевосита кўргазмали ҳаракат тафаккурига мисол. Худди шу пайтда бола ўз имконияти ва иқтидори доирасида фикрлаяпти, дейишингиз мумкин. Мураккаб машиналар, ноёб технологиялар ва техникалар кашф этган буюк кашфи-

ётчилар ҳам ўз вақтида ана шундай элементар «кашфи-ётлар» ва ўрганишлар, фикрлашлар босқичидан ўтганлар. Яъни, назарий тафаккурнинг асосида амалий, шахсий тажрибага асосланган, амалий кўникмаларга таянган тафаккур ётишини унутманг.

Фикрлаш ва тажриба. Ҳар бир инсондаги у ёки бу тафаккур турининг ривожланганлик даражаси у шуғулланаётган ишнинг ўзига хослигига боғлиқ. Масалан, косибнинг тиккан пойафзали шу қадар мукаммал ва бежирим бўлиши мумкинки, уни унча-мунча машина эплолмаслиги мумкин. Чунки унинг меҳнат фаолияти асосида амалий, кўргазмали тафаккур, ортирилган тажриба, маҳорат даражасига кўтарилган кўникма ва малакалар ётади. Демак, бу иккала тафаккур ёки фикрлаш турлари ҳам бир-биридан мукаммал ва у инсон онгли ҳаётида ва тараққиётида катта аҳамият касб этади. Фарқи — унинг амалиёт ва тажриба билан боғланганлик даражасида холос. Шунинг учун ҳам ўйлаш учун, ўйлаганда ҳам яхши ўйлаш учун аввало тажриба керак.

Қолаверса, яхши ўйлаш ёки фикрлаш учун билимлар керак. Шу боис ҳам мактаб ўкув дастурларида тури туман фанлар борки, улар ҳаммаси бир бўлиб, болани тўғри, мантини фикрлашига сабаб бўлади. Ҳеч қачон кўрмаган ёки ўқимаган нарсалар ҳақида фикрлаш қанчалик қийин бўлса, нарсанинг асл моҳиятини тушунмай туриб, у ҳақида бирор нима дейиш шунчалик асосиздир.

Демак, юқоридагилардан қандай хулосалар келиб чиқади?

1. Тушунчаларга эга бўлиш керак, бунинг учун аввало шаклланган нутқ (ҳам ички, ҳам ташқи нутқ) керак.
2. Кўрган-кечирган нарсаларга фаол муносабат, яъни унинг нима эканлигини англашга хоҳиш истак ва эҳтиёж сезиш керак.
3. Шахсий тажриба керак, ва у маълум тартибга келтирилган ва мантиқан тўғри тушунчалар ва хуросаларга таяниши лозим.
4. Билимлар керак, улар эса доимий мулоқот, китобни севиш ва унда ёритилган ҳар бир факт ёки маълумотни ўзлаштириш ва хотирада сақлай олишга боғлиқ.
5. Мантиқ керак, яъни ҳар бир сўз ёки фикр маълум қонуниятга бўйсунишини, унинг туб

моҳияти борлигини, у табиат, жамият ва инсон руҳияти қонунларига бўйсунишини, унинг туб моҳияти борлигини, у табиат, жамият ва инсон руҳияти қонунларига бўйсунишини унугтаслик лозим.

Кишининг ақли шараф ва улуғлик асосидир! Кимнинг ақли кўп бўлса, айблари яширин ва дўстлари ундан рози бўлади.

«Фавоқиҳ ал-жуласо»дан

ТАФАККУР ВА МУСТАҚИЛ ФИКРЛАШНИНГ ИЖТИМОИЙ МОҲИЯТИ

Фикр ва ижтимоий муҳит. Оила. Шахс — инсон — бу тўлиқ маънода ижтимоий ҳодиса, ижтимоий мавжудотдир. Бу сўзларнинг маъноси шуки, одам боласи туғилган онидан бошлаб одамлар қуршовида бўлади ва инсоний қиёфаси айнан ўзига ўхшаш инсонлар билан бўладиган кундалик мулоқотларнинг ҳосиласидир. Жамиятдан ажралган инсонни умуман тасаввур қилиб бўлмайди.

Нима учун унинг фикрлари ва қолаверса, ўз фикрларини мустақил баён эта олиш қобилияти ижтимоий бўлмаслиги керак экан? Ахир фикрловчи ўша ижтимоий инсон, шахс-ку? Ана шу ижтимоийликнинг туб сабаблари тўғрисида мулоҳаза юритсан. Шахснинг қандай эканлиги, қандай инсоний фазилатлар соҳиби эканлиги уни қуршаб турган атроф-муҳитга, ундаги ўзаро муносабатларга боғлиқ бўлгани каби, фикрлашдаги ўзига хослик ҳам шахснинг ижтимоий муҳитига боғлиқ экан. Мисол тарзида икки хил оилани олайлик. Бири — катта, серфарзанд, иккинчиси эса — битта фарзандли, кичик оила. Табиий, биринчисида ўша оила аъзолари ўртасида ўзаро мулоқотларга киришишлар кўпроқ бўлгани сабабли, уларнинг мазмуни ва йўналиши турлича масалаларга қаратилгани учун ҳам унда тарбиялананаётган боланинг турли нарсаларни тушуниш ва уларга ўз баҳосини бериш имконияти ортиқроқ бўлади. Иккинчисида эса бола учун уй шароитидаги ижтимоий муҳит — бу асосан унинг отаси ва онасидир. Демак, мулоқотнинг тифизлиги даражаси бу ерда анча кам. Биринчи оилада вояга етган бола тезроқ гапиради,

тезроқ күчадаги ўзига ўхшаш болалар гурухига қўшилиб кетади, иккинчиси эса унга нисбатан тортиңчоқроқ, ҳаттоки, ўз отасидан ўрганиб олган оддий ҳақиқатлари ни ҳам текис, равон айтольмайди, бунга ёки истак-хоҳиш бўлмайди, ёки ишонч ва иродада етишмайди.

Яна шундай муҳит бўлиши ҳам мумкинки, оиланинг катта-кичиклигидан қатъий назар, бир оилада боланинг ҳар бир ҳаракати, қилиқлари, сўзларига эътибор жуда юқори бўлиши, унинг фикрлари кўллаб-кувватланиши оқибатида у дадил ва ишонч билан ҳар бир гапини қаерда бўлса ҳам айтаверади. Иккинчи муҳит шундай бўлиши мумкинки, боланинг илк ёшлиқданоқ гапирган гаплари, хулосалари, таклифлари эътиборсиз қолдирилиши, кўпинча назардан четда бўлгани учун ҳам у бошқалар олдида гапириш, ўз фикрини баён эта олиш тажрибасига етарли даражада эга бўлмай қолиши, бора-бора умуман гапиришга бўлган иштиёқ ҳам сўниб бориши мумкин. Булар оила муҳитининг фикрлашга таъсири. Лекин ижтимоий муҳит тушунчасининг ўзи ҳам кенг.

Мактабгача тарбия муассасалари ва мактаб. Кўпчилигингиз ёшлигинингизда болалар боғчасига боргансиз. Боғчада ташкил этиладиган ҳар бир ўйин, тадбир ёки машғулотлар Сизларда мақсадга қаратилган фикрлашнинг дастлабки асослари бўлган дейиш мумкин. Шунинг учун ҳам болалар боғчасига борган бола билан уй муҳитида тарбияланган бола фикрлаш дунёсида фарқ бўлади. Айниқса тенгқурлар давраси, «болалар жамоаси»даги мулоқот ҳар бир боланинг мустақил равишда ўз қарашибарини ҳимоя қилиш малакаларини шакллантиради.

Мактаб ҳам боғча каби ўзига хос ижтимоий муҳитдир. Агар боланинг мактабда ўқиш даврининг дастлабки йиллариданоқ, унинг китобга ва илмга меҳр кўйиши учун етарли шарт-шароит бўлса, унинг бу муҳитдаги фикрлаши анча мақбул кечаётган ҳисобланади.

Бу муҳит — китобларнинг етарлилиги, ўқувчига ўқитувчининг меҳрли муносабати, ўқитувчининг ўз касби борасидаги маҳорати, болалар билан муомалада бўлиш санъати, ўқувчининг ҳар бир жавобини ўринли тарзда баҳолай олиши (рағбатлантириши ёки тўғри йўлга солиши) ва бошқалардир.

Агар Сиз мактабда ўзингизни эркин, яхши ҳис қилсангиз, у ердаги барча шарт-шароитлар сизни қониқтирса, ва у ерда сиз учун етарли миқдорда сизни тушунадиган инсонлар бўлса, демак, бу — кўнгилдаги

барча ҳис-кечинмаларни, билган, ўзлаштирган нарсаларингизни синфда дадил айтиш ва тенгқурлар даврасида дадил ва ишончли бўлишингизга замин яратади. Лекин муҳит тушунчасида нафақат бошқалар, балки ўзингиз ҳам борлигингизни сира унутманг. Демак, Сизнинг ўз ички ва ташқи маданиятингиз, ишга, ўқишга, устозларга ва синфдош-курсдошларга муносабатингиз албатта, ана шу ердаги муҳитнинг салбий ёки ижобий бўлишига ўзининг таъсирини кўрсатади. Буни сира ҳам унутмаслик керак!

Дўстлар давраси. Яна бир муҳит — бу сизнинг дўстларингиз, ўртоқларингиз давраси. Дарҳақиқат, тўғри, ифодали гапириш, фикр алмашинишга эҳтиёж ҳар биримизда бор. Дўстлар, танишлар билан сұхбатлашиш маданияти, улар билан бизнинг қизиқишиларимиз доирасининг мослиги, уйғунлиги соғлом фикр алмашинуви муҳитининг борлиги ақлимизнинг теран бўлиб, пишиб бориши учун кулай муҳитдир. Демак, инсон ҳар кун, ҳар сонияда одамлар қуршовида, бошқача қилиб айтганда, реал ёки тасаввуридаги жамоа-гуруҳларнинг таъсири ва тазиيқида бўлар экан, улар бевосита унинг фикрлашига, мустақил тарзда фикрларини баён эта олиш қобилиятига таъсир кўрсатади.

Шу нуқтаи назардан олиб қаралганда, фикрлашни жамиятга боғлиқ ҳодисадир, дейиш мумкин. Тасаввур қилинг: Сизда бирор муаммо ёки масала юзасидан фикр бор, яъни мустақил фикрингиз бор. Бу фикр сизга жуда маъқул ва уни сиз мантиқан асосланган, деб ҳисоблайсиз. Агар шундай ишонч, ҳаттоқи, эътиқод бўлса, сиз албатта, кимлар биландир уни ўртоқлашиш эҳтиёжини сезаётганлигингизни англайсиз. Агар унинг «пишиб етилганлигига» бироз бўлса ҳам иккилансангиз, бу фикрни бировга айтмай қўя қолиш ёки жуда яқин бир кишининг билангина ўртоқлашишга интиласиз. Демак, пайдо бўлган янги фикр доимо одамни бошқалар билан мулоқотда бўлиш, улар билан ўртоқлашишга ундейди. Айни шу жиҳати фикрлашнинг ижтимоийлигидан дарак беради. Ўша янги фикрингизни маъқулловчи дўстларни топсангиз ва улар баҳоли қулрат унга ижобий баҳо беришса, Сизда яна янгидан янги фикрларни шакллантиришга атайлаб ҳозирланиш, мақсадли ўйлашга эҳтиёж пайдо бўлаверади. Бу сиздаги мустақил фикр бўлиб, бошқа мавжуд тушунчалар ва ғоялардан фарқли, эгасини, яъни Сизни янада руҳлантиради. Зоро, Сиздаги тўғри ва оригинал фикрни

атрофдагилар маъқуллашмаса, бора-бора фикрлашга нисбатан сиздаги иштаҳа сўниб бораверади. Демак, фикр — шахсники ва у бошқаларсиз қадрсиздир. Қадрнинг бўлиши эса шахснинг ўз атрофидагилар ичидаги обрўсига, мавқеининг яхшилигига боғлиқ бўлади.

Шундай қилиб, соғлом ўзаро муносабатлар муҳити ҳар бир инсоннинг эркин, объектив ва мантиқий фикр-мулоҳаза юритиши учун сабаб-туртки, ижобий шартшароит бўлиши мумкин.

Фикрлаш ва ҳамжиҳатлик. Мустақил, эркин, ижодий фикр учун яна бир муҳим шароит-муҳит шуки, агар ўзаро мулоқот кўпчилик иштирокида рўй бераётган бўлса, сұхбатдошлар, шериклар ўртасида нормал, тенг хуқуқли ўзаро фикрларни хурмат қилиш шароити бўлиши керак. Масалан, агар бир ўқувчи ўқитувчи томонидан қўйилган муаммоли масалага жавоб бераётган бир пайтда қолганлар унинг фикрлаши йўналишига бефарқ, эътиборсиз бўлишса, ёки ўша синфда бир-бирларини қўллаб-қувватлаш йўлга қўйилмаган бўлса, одам агар фикри тўғри йўналишда бўлса ҳам чалфиши, адашиб кетиши ва натижада нотўғри жавоб бериши мумкин.

Демак, соғлом фикрлаш муҳити ўша мулоқот жараёни иштирокчиларининг ҳамкорликдаги, ўзаро тенг хуқуқли муносабатларини ҳам назарда тутади. Сиз бир нарсани унумаслигингиз керакки, агар Сизда турли хил фикрлар бўлса, демак, бошқалар ҳам деярли сиздай. Уларда ҳам сизницидай ва сизницидан фарқ қиласидан фикр-ўйлар бор. Фикр тарбиясидаги ҳамжиҳатлик шундаки, биз доимо бир-бишимизнинг фикр-муносабатларимизга нисбатан ўта маданиятли, сабртоқатли бўлишимиз лозим. Шунинг учун ҳам фикр эгаси фақат гапиришни эмас, балки ўзгаларни тинглаш, улар фикрига холис баҳо бера олиш қобилиятига ҳам эга бўлиши керак. Бу эса ўз навбатида мулоқот ва мунозара маданияти асосларини билишни ҳам талаб қиласди.

Мунозара маданияти. Мустақил фикрлашни тарбияловчи ижтимоий муҳит ҳақида гап кетаркан, янгича фикрнинг соғлом мунозара ва йўналтирилган яхши баҳсларнинг маҳсули эканлигини ёддан чиқармаслик керак. Кўпинча синфда ёки ўқув аудиториясида ўшлар ўртасида бирор масалада баҳс-мунозара бўлаётганлигини гувоҳи бўлиб қоламиз. Шунда агар тортишувчилар-

нинг ҳар бири бир-бирларининг гаплари, фикрлари ва билдирган муносабатларига сабрли, ҳурматли бўлишса, бундай мунозаралардан албатта, ижобий натижа чиқади. Агарда ҳамма устма-уст гапириб, бир-бирини менсимай, навбатсиз гапираверишса, унда бу ўзига хос «фикрлар бозори»га айланиши ва натижасиз бўлиши, табиий. Қолаверса, бундай мунозара иштирокчиси борган сари кўпчилик олдида миясида ҳосил бўлган фикрни айтмай қўя қолиш, «сир сақлаш» ва охироқибат эсдан чиқариб юборишга одатланиб қолади. Демак, мулоқот маданияти ва унинг ҳар бир ўсмир ёшда бўлиши учун ҳам самарали мулоқот мухити зарур экан.

Предметли баҳслашиш. Кундалик мулоқот жараёнида икки ва ундан ортиқ одамларнинг ўзаро тортишаётган ёки баҳслашаётганликларини кўргансиз, албатта. Лекин ҳар доим ҳам ана шундай баҳслар самара бермаслигини ҳам билсангиз керак. Нима учун? Ўйлаб кўрганмисиз?

Аввало, баҳснинг нима тўғрисида бўлаётганлиги унинг иштирокчиларига ноаниқ бўлса, у натижасиз, бемаъни бўлади. Баҳснинг предмети йўқ бўлади. Умумий мавзу ёки предмети бўлмаган баҳсадаги одамлар, ҳатто-ки, бир-бирларини эшитиш, тинглаш лозимлигини ҳам унтиб қўядилар. Бундай баҳснинг маъноси ёки мантифи бўлмаслиги равshan. Бу ҳолатни концертга кирган бўлсангиз, бошланишдан олдин чолғучиларнинг ўз ҳолича чолғу асбобларини яроқлилигини яна бир текшириб олиш учун текшириб, «хиргойи» қилаётганликларига ўҳшатиш мумкин. Бунда гўёки қандайдир мусиқа борга ўҳшайди-ю, лекин бу чалкашликда ҳеч нарсани англаб бўлмайди. Мантиқсиз, бетартиб, маданиятсиз баҳс ҳам худди шундай какофонияга ўҳшайди. Демак, энг аввало ҳар қандай баҳс ёки мунозаранинг предмети, яъни барча гапирувчиларнинг диққати қаратилган муаммо ёки масала бўлиши ва у ҳар бир иштирокчи томонидан бирдай англанилиши ва тушунилиши шарт.

Баҳслашиш маданияти ва маҳорати, баҳс турлари. «Баҳс» тушунчасининг ҳам икки хил кўриниши бўлиши мумкин: биринчиси «баҳс-мунозара», иккинчиси — «баҳс-тортишув». Биринчиси кўпроқ бирор муаммо хусусида томонларнинг ўзаро фикр алмашинувлари натижасида, ўзаро ҳамфикрлиликка келиш воситаси бўлса, иккинчиси — том маънодаги тортишув бўлиб,

томонлар келишувни мақсад қилиб олмайдилар, унда ҳар ким ўзининг ҳақлигини фикр билан асослашга уринади. Шу нуқтаи назардан олиб қаралганда, биринчиши фойдали, тарбиявий аҳамияти бўлган, афзалроқ баҳс шакли ҳисобланади. Лекин шуни алоҳида таъкидлаш лозимки, тўғри йўлга қўйилган маданий баҳснинг ҳар қандай шакли аслида албатта бирор самара беради.

Баҳс-мунозаранинг энг муҳим фойдали томони шундаки, у ҳар биримизда табиатан мавжуд бўлган ўз фикримизни ўзгаларга етказиш орқали улардан устун келиш хоҳиши — субъективизмни енгишга ёрдам беради. Унинг иштирокчилари бирин-кетин асосли тарзда ўз нуқтаи назарларини баён этганликлари учун ҳам бир қарашда баҳс фикрлар тўплами, мажмуига ўхшаса-да, аслида унда ўзига хос янги, ноёб фикрлар туғилиши муқаррар. Айнан шу жиҳати билан тўғри ташкил этилган мунозара ҳамиша самарали бўлади. Демак, мунозара — фикрларнинг шундай тўқнашувики, унинг оқибатида янги, оригинал, бакувват фикр туғилади. Шунинг учун ҳам фанда, айниқса, ижтимоий психологияда бу услугга жуда катта аҳамият берилади. Ҳаттоқи, мунозара — юритиш санъатини ўрганувчи фан ҳам борки, унинг номи — эристика деб юритилади (грекча сўздан олинган: erico — баҳс).

Эристика — шундай фанки, у одамларни ўз фикрларини тўғрилигига ишонтириш ҳамда энг тўғри фикрдан келиб чиқадиган хулқ-атворга ўргатишни мақсад қилиб қўяди. Унинг келиб чиқиш тарихи қадимий Грецияга бориб тақалади. Унинг ривожланиши ва фанлар тизимида қолганлиги сиёсий тортишувлар ва уларни яхшилик билан ҳал қилишга интилиш мақсадлари билан асослаади. Тўғри, дастлабки, илмий уринишлар нима қилиб бўлса ҳам тортишувчи субъектларнинг бир-бирлари устидан ғалаба қилишларини таъминлаш йўл-йўриқларини очишга қаратилган бўлса, кейинги фан ва амалиёт тараққиёти, инсоний муносабатлар психологияси мунозаранинг ҳар томонлама самарали бўлишини таъминловчи, инсоний хулқ ва одоб нормаларини ўз ичига олган шарт-шароитларни ўрганишга бориб тақалади.

Баҳсда ғолиб чиқиш мумкинми? Ҳа, мумкин. Лекин ғалабани ўзига хос тушунмоқ керак. Масалан, раҳбарларга хос бўлган сифатлар тўғрисида баҳслашилмоқда, дейлик. Бир томон раҳбар — камтар инсон бўлиши

шарт, деса, баҳқа томон — уни рад этмоқда, чунки уларнинг фикрича, бу сифат кўпчилик томонидан сунистеъмол қилиниши мумкин эмиш. Сиз бунга нима дейсиз?

Демак, ҳақиқий баҳс икки томонлама, икки ва ундан ортиқ ёндашувларни тақозо этади. Яъни, бир нарса ёки муаммога турлича ёндашув тортишувни келтириб чиқаради. Ҳақиқат билан тортишув ўртасида эса нима туради? Ҳақиқатми ёки муаммоми? Албатта, м у а м м о туради, у бўлмаганида эди, тортишиб ҳам ўтирилмасди, чунки муаммо шундай нарсаки, унга бирдан-бир жавоб билан ечимга келиб бўлмайди. Энди айни бир муаммо хусусида тортишаётган одамларни тасаввур қилинг. Агар бу икки киши бўлса, демак, муаммонинг ечимиға камида икки хил ёндашув бўлгани учун улар ўртасида баҳс бошланди. Энди тасаввур қилинг, тўрт киши баҳслашмоқда. Ким кафолат бера олади, бу ерда фақат икки хил ечим хусусида фикр билдирилмоқда, деб. Демак, тўрт кишидан камида тўрт хил фикр чиқади.

Демак, ҳар қандай баҳснинг фойдали томони шундаки, фикрлар алмашинуви, бир-бирини ҳурмат билан тинглаш ва сабрли бўлиш шароитида кўплаб янгидан-янги фикрлар туғилаверади. Муҳими шундаки, баҳсни олиб борувчи аввало уни айнан бир мавзуда, бир муаммо ва предмет доирасида ечилишига эришмоғи лозим, қолаверса, баҳслашувчилар бир-бирларини тинглашлари шарт. Шунда ҳар бир иштирокчининг фикрлари чархланиши, янги foяларнинг туғилиши учун шароит яратилган бўлади. Муҳими шуки, агар сиз бугунги баҳс мобайнида аниқ бир тўхтамга ёки ечимга келмаган бўлсангиз ҳам, барибир фикрларингизни гимнастика қилдирган бўласиз, ўз қарашларингизни ўзгаларники билан солиштириб олдингиз ва ўзингиз мустақил фикрлар учун озуқа олдингиз. Маданиятли баҳснинг фойдаси айнан шунда.

Ҳар қандай баҳсдаги муҳим томон — бу томонларнинг фикрларига аниқлик, ойдинлик киртилишидир. Буюк И. Гёте ўз вақтида ёзган эди: «Икки қарама-қарши фикрлар ўртасида ҳақиқат ётади, деган foя умуман хотүғри. Улар ўртасида муаммо ётади». Демак, фикрларнинг турли-туман бўлиши табиий нарса бўлиб, унинг асосида доимо ўзига хос мустақил қараш ва муаммоларга ўзига хос муносабат ётади. Муаммони ҳал қилиш учун эса томонлар ўша баҳснинг предметига алоқадор

нарса-ҳодисалар түғрисида имкон борича күпроқ билимлар, маълумотларга эга бўлиши керак.

Демак, ўқиш, илмга интилиш, китобни севиш керак экан-да! Ҳар бир фикрингиз ва ғояларингиз асосланган, тажрибангиз, зеҳнингиз ва билимларга таянган бўлиши шарт.

ТОПШИРИК

Вазият: 8-синф ўқувчиларидан иккитаси ўз ўқитувчиларини хурсанд қилиш учун шаҳар паркида чиройли бўлиб очилиб турган гуллардан катта бир гулдаста қилиб, устозларига совға қилаётган пайтларида синфга бир қария чол кириб келиб, жамоат тартибини бузган, унинг қариллик меҳнатини ҳурмат қилмаган болаларни жазолашини ўқитувчидан талаб қилмоқда. Устоз қолоқ ўқувчиларининг бундай эътиборларидан боши осмонда хурсанд бўлиб турган эди, совға ўғрилик эканлигини билган заҳоти лол бўлиб қолди. Ўқитувчи шунда...

Ушбу вазиятни асосли тарзда гуруҳда баҳс-мунозара йўли билан таҳдил қилиб, холосалар чиқаринг ва ўз фикрларингизни бошқа тенгқурларингизники билан солиштиринг.

Тарбияланган фикр. Фикрлар алмашинуви жараёнида ўзгалар билан келишувнинг бўлмаслик сабабларидан бирини шахснинг бевосита ўзига тааллуқли бўлган хислати — психология терминида айтганда ҳиссиётларга берилувчанлик, субъективизм ташкил қиласди. Зоро, ҳалқимизда бу хусусда мақол ҳам бор: «Жаҳл келганда, ақл кетади». Агар бир одам ўзгалар фикрига, қарашларига салбий муносабатда бўлаверса, у бора-бора бесабр, тоқатсиз, ҳиссиётларнинг кули бўлиб боради. Бу ҳолат одамнинг тарбияланганлигига ҳам бориб тақалади. Ҳаётда тарбия кўрган, тартибли, бамаъни ва уларга акс бўлган шахслар бўлгани каби, фикрнинг ҳам тарбияланган ва тарбиясиз турлари бўлади.

Демак, тарбия жараёни бошқариладиган бўлганидек, фикрлаш жараёни ҳам бошқарилади, унда аввало инсоннинг ўзи ва қолаверса, фикр эгасини ўраб турган муҳити, яқинлари ва мулоқот шароити роль ўйнайди, шу муҳит уни бошқарив туради.

Тарбияланган, бошқариладиган, маълум бир тизинга солинган фикр шундайки, у одам мияси, онгига мантиққа бўйсунгандар, конкрет тушунчалар, ғоялар, бамаъни тасаввурларга асосланган бўлиб, уни изҳор этиш, у ҳақида ёзиш ёки ҳаётда тадбиқ этиш нафақат

шахсга, балки унинг атроф-муҳитига ҳам наф келтиради. Ундан қўпчилик манфаатдор бўлади. Агар бирор тасодиф билан мияга чалкаш, тартибга солинмаган, асоссиз фикрлар келиб қолса, у уни тийиш, яшириш, ўзгаларга билдириналийка ҳам чақириб, шу билан фикр эгасини бошқалар назаридан қолиш, «шошқалоқ» деган сифатдан кутулишига сабаб бўлади. Тарбияланган фикрнинг ижтимоий аҳамияти ҳам шундаки, у шахснинг аниқ мақсадлари, маслаклари, орзу-ниятлари йўлида событқадам бўлишини таъминлайди.

Айтайлик, ўспирин шифокор-врач бўлишни орзу қилади. Аввало бу ниятнинг, орзунинг пайдо бўлишининг ўзи соғлом фикр натижаси. Қолаверса, бу орзуга этиш йўлларидағи барча қийинчиликлар, талаблар, уларни енгиш йўллари тўғрисидаги йўл-йўриқни ҳам яхши мустақил фикр кўрсатиб туради ва уни йўлдан қайтналийка, матонатли, иродали бўлишга ундейди. Мустақил фикр ва ирова тушунчалари ҳам уйғун бўлиб, шахснинг жамиятда муносиб ўрин эгаллашига ёрдам берувчи кучdir.

Шундай қилиб, мустақил соғлом фикрнинг ижтимоийлиги — унинг бевосита жамиятдаги инсонларга, уларнинг ўзаро муносабатларига боғлиқлик экан. Бундан қандай х у л о с а чиқарамиз?

1. Шахс аввало ўзини яхши билиши, ўзининг ҳар бир ҳаракати ва миясида пайдо бўлаётган фикрларнинг маъносини аниқ англаған ҳолда субъектив равишда, ўзича мулоҳаза қилган тарзда, фикрнинг яхшилигига ишониши керак, яъни маълум маънода «ўзидан ўзи рози бўлиши» керак. «Ўз фикрингизни ҳурмат қилишга ўрганинг!».
2. «Ўзгалар фикрини ҳам ҳурмат қилишга ўрганинг!» Бу сизга икки томонлама фойда келтиради: бир томондан, ўзгалар назари ва ҳурматида бўласиз, уларни руҳлантираётган бўласиз; иккинчи томондан, ўзгаларни яхши тинглаш орқали, ўз фикрларингизни яна ҳам силлиқлаб, таҳдил қилиб оласиз, натижада янада янги ва жозибали тушунчалар ва фикрлар туғилишига замин яратасиз.
3. Ўзингизга ва фикрларингизга ишонинг. Бу — Сизнинг тарбияланганлик даражангизга, қолаверса, иродангизга фақат ижобий таъсирини кўрсатади.

4. Тарбия кўрган одамлар ҳеч қачон кўпчилик олдида ўзини йўқотмагандай, ҳаммада ҳавас ҳиссини уйғотгани каби, фикрингиз тарбиясига эътибор беринг. Шунда Сиз мулоҳаза ва иймон билан, самимият ва салоҳият билан ўз фикрларингизни бошқалар олдида кўрқмай баён этиш ҳуқуқига эга бўласиз. Ўз фикрини айтишдан олдин ўзгаларники билан қай даражада мантиқан унинг боғланишини таҳдил қилган одам фикрининг тарбияланганлиги намоён бўлади. Тарбияланган фикр — ўзини пала-партиш, кўр-кўронга, мияга нима келса, шошиб бирорларга етказмайди, шу туфайли ўзгалар назаридан қолмайди.
5. Нима тўғрисида гапирмайлик, ўзимизни жамиятда яшаётганлигимизни, катталар, яқинларимиз, ота-онамиз бизнинг бамаъни бўлишимизни кутаётганлигини унутмаслигимиз керак.

Илм ўрганиш ҳар бир мусулмон учун фарзdir.

Ҳадислардан

МУСТАҚИЛ ФИКРНИ ТАРБИЯЛАШНИНГ ЗАРУРАТИ

Фикрлаш зарурми? Фикр ва фикрлашнинг моҳиятини, унинг шахс учун қадру-қиймати ва турларини ўргангандан сўнг, унинг ҳаётимизда тутган ўрнига баҳо бериш учун «Фикрлаш зарурми?», «Мустақил, яъни ўзининг фикр-ўйлари, қарашлари билан яшаш ва улар билан турли вазиятларда бошқалар билан ўртоқлашиш шартмикин?» деган саволларга ҳам жавоб қидириб кўрайлик. Аввалги гаплардан шу нарса аёнки, фикрсиз инсон мавжудотларнинг умуман бошқа тоифасига кириб қолиши мумкин экан. Лекин қўйилган саволнинг асл моҳияти бироз бошқача: яъни инсоннинг инсонлиги ва унинг жамиятдаги тўғри ўрнини топиши учун унга фикрлашнинг қай йўсини ва тури зарурроқ?

Фикрлаш ва режалаштириш. Аввало тўғри, яхши, мустақил фикр бизни жуда кўп ўринсиз ишлардан, гаплардан, қолаверса, хатти-ҳаракатлардан асрайди. Масалан, бирор манзилга бормоқчисиз дейлик. Шу манзилнинг қанчалик турган ерингиздан узоқлигини аниқ билмасангиз, унга бориш маршрути сизга ноаниқ бўлса,

қолаверса, унга қанча вақт кетишини аниқламасангиз, демак, Сиз таваккал қилиб, кетаверасиз. Айтилган манзилга кеч келгач, Сиз бошқалар олдида ҳам хижолат тортасиз, ундан ташқари, ноўрин, бемаъни йўл босганингиздан жисмонан чарчайсиз. Айниқса, вақтнинг қадру-қиммати ниҳоятда ошган бозор муносабатлари шароитида ютқазиб қўйган вақтингиз учун ўзингиз ачин-масангиз ҳам бошқалар, яқинларингиз ачинишади. «Вақт — ўлчоғлик» деб бежиз айтишмайди.

Агар ишни бошқача ташкил қилганингизда нима бўларди? Сиз ўша манзилга биринчи маротаба кетаётган бўлсангиз, танишлардан ёки маълумотлар китобидан унинг қаерда жойлашганлиги; узоқ-яқинлиги, аниқ масофаси, унга қандай транспорт воситасида бориш, агар яёв бориш мумкин бўлса, кетадиган вақтни километрга нисбатан чамалаб олиб, кейин йўлга тушасиз. Ҳар доим барча ишларни ўз вақтида аниқ бажарадиган инсонларни «педант одам» деб аташади. Сизни ҳам шерикларингиз шу жиҳатдан олқишилашади. Демак, бу ўринда Сиз албатта, ўз ақл-фаросатингизни, фикрингизни ишга солдингиз.

Демак, инсон ҳаракатлари, ўй-фикрларининг маънили, тўғри, асосли ва шахс учун манфаатли бўлиши учун аниқ фикр, мустақил фикр зарур экан. Яхши, соғлом фикр доимо келажакка йўналганлиги, бизнинг ҳар бир режаларимиз олдинга назар ташлашимиз билан боғлиқ эканлигини унутмаслигимиз керак.

Фаҳм-фаросат белгилари. Фикрнинг заруратини ўзбеклардаги яна бир ибора орқали янада яққолроқ тушунишимиз мумкин. Айрим одамлар тўғрисида «Бу — одам ўта фаҳм-фаросатли-да» дейишади. Фаҳм ва фаросатнинг мустақил шахсий фикр билан боғлиқ томонини тушунтиришга ҳаракат қиласиз. «Фаҳм ва фаҳмлаш» кўпроқ инсон сезиш ва идрок қилиш органларига алоқадор қобилиятдир. Масалан, ёруғлик билан қоронгуликни, яхшилик билан нобоп, ёмон қилиқни кузатиб туриб, англаб, ажратиб оламиз. «Фаросатлилик» эса одамнинг бевосита тафаккурига алоқадор жараён бўлиб, нарса ва ҳодисаларнинг айни моҳияти, яширин сифатларини ҳам тасаввур қилишга имкон беради. Иккала тушунчанинг ёнма-ён, қўшалоқ тарзда ёзилиши ва ишлатилишига сабаб — улар ҳақиқатан ҳам фикрлаш жараёнида одамнинг нафақат тушунчалари бойлиги, нутқий сифатлари, гапириш ёки ичидаги мулоҳаза юритиши хислатлари, балки унинг кузатувчанлиги, зийрак-

лиги, сезувчанлиги каби бевосита акс эттириш қобилиятларининг ҳам аҳамияти катта эканлигини кўрсатиб туриди.

Демак, фаросат эгасининг фаҳмлаш қобилияти ҳам бўлиши шарт. Масалан, компьютерда бирор операцияни бажараётган икки бола ишини кузатинг. Бири — шошмасдан ўйлаб, керакли командалар орқали ўзига керак маълумотлар захирасидан фойдаланиб, иш юритмоқда. Иккинчиси ҳам кўп марта машина олдига келган бўлса ҳам, чалама-чакки клавишиларни босиб, вақтидан ютқазиб, маълумотлар файлини қидирмоқда. Қайси бирининг фаҳм-фаросати юқори эканлигини аниқланг. Демак, фаҳм-фаросат ва оригинал, эркин фикрлаш ўртасида маълум уйғунлик бор ва бу тушунчалар аслида моҳиятнан бир нарса тўғрисида гапираётганлигимизни билдиради.

Фикрлаш ва келажак. Фикрлаш қобилиятининг яна бир зарурати шундаки, биз кўпинча бевосита фаҳмлай олмайдиган, яъни сезги органларимиз акс эттирмайдиган нарсалар хусусида ўйланамиз. Масалан, тўлиқ ўрта маълумотни олгач, қаерга бориб ўқиш, қандай маълумот эгаси бўлиш, келажакда қайси соҳа бўйича мутахассис бўлишимиз тўғрисида фикр юрита оламиз. Бунинг имконияти бор, албатта. Яъни, биздаги ушбу қобилият нарса ва ҳодисалар, уларнинг хусусиятлари бизга тўла аниқ бўлмаган шароитда ҳам баъзи ҳаракатларни амалга оширишга имкон беради. Демак, кўз олдимизда бўлмаган, келажакка йўналтирилган барча foяларнинг пайдо бўлиши учун ҳам бизга фикрлаш, фикрлагандан ҳам мустақил фикрлаш зарур. Шу қобилияти йўқ бола ўз келажагини бошқалар қўлига бемалол топшириб қўяди: ҳаттоки, ким бўлиши, қаерда ўқишини ҳам «отаси ва онаси билади». Кейин ўқиш мобайнида мутахассислик предметларига қизиқмагандан ва ўз касбидан умуман қониқиши олмагандан, минг афсусланиб, хато қилиб қўйганини сеза бошлайди. Лекин кеч бўлади.

Демак, келажакка интилиш, уни тасаввур қилиш ва инсон сифатида оптимист бўлишимиз биринчи навбатда мустақил, эркин фикримизнинг натижаси ҳисобланади.

Фикр — бу қадриятлар. Унинг қадриятлик функцияси ва моҳияти шундаки, у нафақат конкрет бир инсон тақдиди, балки инсоният тақдирининг мезонларидан ҳисобланади. Лекин ҳар бир конкрет шахс тақдиди мисолида қарайдиган бўлсак, яхши, бамаъни, соғлом

фикр ва ана шундай фикрлаш қобилияти ўз эгасини одамлар орасида қадр-қимматини оширади, ўзгаларнинг олдида обрў-эътиборини оширади. Шунинг учун ҳам эл орасида шундай гап бор: «Уст-бошига қараб кутиб олишади, ақлга қараб кузатишади». Бу сўзларнинг маъносини тушунган бўлсангиз керак.

Ниҳоят, мустақил фикрлашнинг зарурати бизнинг маданиятли, маънавиятли бўлишимиз учун керак. Ер куррасида шундай жамиятлар, тараққий топган мамлакатлар борки, у ерларда биз кундалик уй-рўзгор ишларни ҳам машиналар — «уй комбайнлари» бажаради. Масалан, чой ичган пиёлани ҳам комбайн ичига солиб қўйилса, ўзи ювиб, қуритиб, тахлаб қўяди. Бу ҳам ақлли одамларнинг кашфиётлари, аёллар меҳнатини енгиллаштириш учун қилган амалий тафаккурий ишлар-ку? Худди шундай бизнинг турмуш тарзимизга ҳам қанчадан-қанча яхши, бизнинг манфаатларимизга хизмат қилувчи техника ва технологиялар кириб келди. Улар бўлиши ёки бўлмаслиги ҳам мумкин. Лекин фикрли, ақлли инсон уларга шундай муносабатда бўладики, ортиқча, кераксиз, механик ишларни қисқартириш ҳисобига ўз ақлий салоҳиятини янада зарурроқ, янгироқ кашфиётларга, машгулотларга йўналтиради. Ҳозирда энг кўп тарқалган персонал компютерларни мисол қилиб оладиган бўлсак, машинада терилган материални «Epson» русмли принтер орқали ҳам чиқариш мумкин, яна «лазерли»да ҳам чиқариш мумкин. Бу ҳам фикрли инсонларнинг ўз вақт-имкониятларини тежаш, янада сифатлироқ ишлар бажариш ва техниканинг имкониятларини ўзига бўйсундириш борасида қилган ақлли ишлари натижасидир.

Демак, жамиятимизда маданиятни юксалтириш ва маънавиятни ривожлантиришни истасак, оқилона фикрлар юритишга ёшлиқдан ўрганишимиз шарт, токи у бизнинг одамлигимиз, шахс эканлигимизнинг кўзгуси ва интеллектимизнинг кўрсатгичи бўлиб хизмат қилсин.

Ёзувчи ва файласуф Жон Локк (1632—1704) ўз даврида фикрлашнинг кераклиги ҳақида шундай ёзган эди: «Хеч қачон инсон ўзига манфаат келтирмайдиган мақсадсиз бирор ҳаракат қилмайди. У қандай қобилияtlардан фойдаланмасин, фикр ва ақл бамисоли чироқ каби унинг йўлини ёритиб, яхши ёки ёмон, тўғри ёки нотўғри йўлдан бошлаб кетаверади... Одамлар ақлу-

заковати ва фикрларидаги гоялар ва образлар шундай яширин күчдирким, улар ҳамма вақт ҳаракатларни бошқаради, ўзига бўйсундиради. Шунинг учун фикрни эъзозлаш, уни тўғри йўналтириш, шу орқали билимларни орттириш ва яхши хulosаларга ўргатиш ниҳоятда муҳимдир».

Шундай қилиб, ҳар бир инсон ўзидағи ақл ва идрокни қадрлаши шарт ва Оллоҳ берган бу иноятни эъзозлаши керак. Машхур қирғиз ёзувчиси, ўзбек халқининг яқин дўсти Чингиз Айтматовнинг бу хусусдаги фикрларига эътибор беринг: «Ҳар қандай шароитда ҳам одамнинг кучли қурули — бу унинг ақлу заковатидир. Оламнинг чексиз сирларини билиш, инсон эҳтиёжларини борлиқни ўзгартириш ва унга мослашишга бўйсундиришда ақлга teng келадиган куч йўқ. Ўйлайманки, инсон ақлу заковатининг ижодий кучи ва таъсири Күёшнинг энергетик қувватигагина teng келиши мумкин». Сиз ҳам бу сўзларнинг мағзини чақинг!

Файласуф ва ёзувчининг сўзларидан ўзингиз учун муҳим хulosалар чиқариб олинг.

Фикрни бошқариш. Бошқариш хусусидаги фикрга аниқлик киритиб, шуни яна алоҳида таъкидлаш мумкинки, «тарбия», «интизом» ва «бошқарув» тушунчалари жуда бир-бiri билан уйғун ва яқин сўзлардир. Зоро, тартибли бўлиш, жамоат олдида ҳам, ўз-ўзингиз олдингизда ҳам интизомли бўлиш биринчи навбатда яна ўша фикрларимиз йўналишига боғлиқ экан. Масалан, бирор машхур спортчи ёки спорт соҳасида яхши муваффақиятларни қўлга киритган танишингиз билан гаплашиб кўринг ва унинг ютуқлари сабабини таҳлил қилинг.

Маълум бўладики, у доимо ўзи англаб-англамай ўзини тартибга, интизомга, маълум режимга мажбур қилади. Эрталабки бадантарбиядан тортиб, неча соат, қайси пайтда, қай тарзда тренировкалар қилиш бевосита ўзи томонидан қатъий бошқарилади. Агар машғулотлар бошида бошқаришни тренер ёки мураббий ўз зиммасига олган бўлса ҳам, кичик ғалаба ёки кўрсаткичлардан сўнг бора-бора ўз-ўзини интизомга чақирадиган, тартибли бўлиб қолади.

Демак, интизомий тарбия, унинг энг муҳим жиҳати — ички тартиб-интизомнинг қалити ҳам фикрлашда, онгли тарзда ўзини иродавий жиҳатдан тарбиялашда экан. Бундай талаб нафақат спорт соҳасида, балки фаолиятнинг барча турларига ҳам хос нарсадир. Ҳаётдаги тартиб, мантиқ, оқилликнинг асосида шахснинг

ўзини-ўзи мустақил тарзда ирода қилиши ётади ва бунинг мезони — ўша фикрлаш ва унинг теран, тиниқлигидир. Демак, интизомли фикр энг аввало мантиқли, бамаъни фикр бўлиб, у шахснинг ташқи хулқ-атвордаги интизоми билан бевосита боғлиқдир.

Нобоп, нотўғри фикр. Фикрлашнинг зарурати тўғрисидаги фикрларимизни якунлаш учун яна бир саволга биргаликда жавоб қидирайлик. Нотўғри тарзда фикрлайдиганлар кимлар ва нима учун улар ҳаётда қоқидалилар?

Биринчидан, нотўғри фикрлайдиганларда тушунчаларнинг ўзи жуда кам бўлади ва улар неажаб, жуда кам мулоҳаза қиласидилар. Лекин улар ҳам сиз-у биз каби яшаб юрибдилар-ку? Сабаб — уларнинг барча ҳаракатлари деярли тақлид — ота-онага, ўқитувчига, қўни-қўшнига, таниш-билишга, кинода кўрган актёрига ва ҳоказо.

Умуман, тақлид жуда ёмон нарса эмас. Ҳаётда баъзи азиз, ибратли кишиларга тақлид қиласиз, лекин тақлид қиласиди кундалик одатга, пассив мушоҳадага айланиб қолса, одам нотўғри фикрлайдиган, ланж ва укувсиз бўлиб бораверади. Инсон ўзи, обрў-эътибори, салоҳияти бўлиши учун эса мустақил фикр керак, ўша тақлид объекти бўлган шахснинг ҳаракатлари, баҳолари жуда ўринли, ёқимли ва жозибали бўлган тақдирда ҳам, унинг индивидуаллигини унутмаслик, ундаги фикрлар аввало унинг манфаатига хизмат қилиши, Сизники ундан ҳам афзал бўлиши мумкинлигини унутманг.

Иккинчидан, эгоистлар, яъни ўз манфаатини барчаникidan кўр-кўрона юқори қўядиган, доимо ҳиссиётларга берилиб, кайфиятига қараб иш кўрадиганларда ҳам кўпинча нотўғри тасаввурлар ва улар заминида нотўғри фикрлар туғилиши мумкин. Бу — эҳтиросларга берилмаслик керак, деган маънени англатади.

Шахс — онгли мавжудот экан, демак, унинг ақл-фаросати, шахсий тоялари доимо устун бўлиши керак.

Учинчидан, айрим нотўғри фикрлайдиган шундай одамларки, улар бирор муаммо ёки масаланинг моҳиятини ёритиш керак бўлса, фикрлай бошлайдилару, лекин дунёқарааш, тушунчалар мажмуи ниҳоятда камбағаллигидан тўғри ечимга келолмайдилар. Масалан, бундайлар китоблар ўқишига, фақат бир турли, бир соҳа ёки йўналишга тааллуқли китобларни ўқийдилар, кино кўрса — фақат маълум бир жанрли, ёки суҳбатдошларини ҳам чеклайдиган инсонлар бўлади. Бу ўша шахсни

бир ёқлама фикрлайдиган қилиб, чекланиб қолишига сабаб бўлади. Масалан, китоблардан фақат илмий-техникавийни ўқииди, китоби камлигидан фақат қўлидагини қайта-қайта ўқийверади, оқибатда, чукур мулоҳаза юритиш талаб қилинадиган муаммо олдида эсанкираб қолади, ёки нотўғри фикр юритади. Демак, тушунчаларни тинимсиз бойитиб бориш ва турли-туман маълумотлардан хабардор бўлишдан эринмаслик, доимо зийрак бўлиши керак.

Демак, қандай х у л о с а л а р чиқариш мумкин?

1. Ҳар бир шахснинг инсонлиги, унинг жамиятдаги муносиб ўрни унинг фикрлаш усулига, фикрларнинг бойлиги, ноёблиги ва мустақиллигига боғлиқ.
2. Мустақил фикрлашнинг энг муҳим кўрсаткичларидан бири — фаҳм-фаросатнинг бўлиши. У ўз навбатида атроф-муҳитдаги барча нарсалар ва ҳодисаларга бефарқ бўлмаслигимизни талаб қилади.
3. Фикр — доимо бошқариладиган жараён бўлиб, у ҳар биримизнинг инсон сифатидаги фаол мавқеимиз ва одамларга муносабатларимиздан келиб чиқади.
4. Буюк файласуфлар, педагоглар ва алломаларнинг ақл ва фикр тарбиясига оид сўзларини чукур мулоҳаза қилиб, дарс тайёрлайдиган стоянгиз тепасига ёзиб кўйинг.
5. Ҳар доим, ҳар қандай шароитда ҳам тўғри, асосли фикрлашга ҳаракат қилинг.

Ақл фақат инсонагина хос бўлган тутма қувват — руҳий куч билан боғлиқдир.

Абу Наср Форобий

МУСТАҚИЛ ФИКРЛАШНИНГ ТАБИЙ АСОСЛАРИ

Биз юқорида тарбияланган ва тарбияланадиган фикр тўғрисида мулоҳазалар юритдик. Лекин ҳар қандай тарбия ёки таълим маълум маънода маҳсус шароитлар яратиш, унга тарбияланувчини жалб этиш, қизиқтиришни тақозо этади. Яъни, тарбияланган фикрдаги

жаъмики сифатлар орттирилган бўлиб, улар маълум вақт, куч, ҳаттоқи, маблағ талаб қилади.

Лекин шуни алоҳида таъкидлаш лозимки, аслида фикрлаш — табиий нарса, чунки у инсоннинг табиий интилишлари ва эҳтиёжларига асосланади. Шунинг учун ҳам биз мустақил фикрлашнинг табиий асослари, реал, ташқи муҳитга унчалик боғлиқ бўлмаган жиҳатлари борми, деган саволга жавоб қидириб кўрамиз.

Ҳайратланиш, завқланиш. Бу ҳиссиёт Сизга таниш, албатта. Биз бирор нарса ёки воқеанинг гувоҳи бўлсагу, у бизда ҳиссиёт, қизиқувчанлик уйғотса, биз ҳайратланиб, «Бу нима экан, чиройли, ғалати, бошқача-я?» дея ҳаяжонланамиз, завқланамиз. Айнан ана шундай ҳайратланиш — фикрлашимизнинг дастлабки турткилари, материали ҳисобланади. Ҳайратланишнинг табиийлиги шундаки, биз кўзимизни жозиба таратувчи обьектдан олиб қочиб кетишимиш қийин, яхши, бизга жуда қизиқ, ёки шахсимизга алоқадор нарсани эшитмасликка қулогимизни мажбур қилолмаймиз, бизда теран қизиқиш уйғотган предметни албатта, ушлаб кўргимиз, унинг сифатини вужудимиз билан ҳис қилгимиз келади.

Ҳайратланувчи фикр ёки ақл доимо эгасини зийрак бўлишга, бефарқ бўлмасликка ундаи олади. Айниқса, ёшликни ҳайратсиз тасаввур қилиш қийин. Тасаввур қилинг, рўпарангизда лоқайд, бефарқ, инерт бир одам турибди. Сиз унга ўзингиз ихтиро қилган ажойиб нарсангизни куйиниб, иштиёқ билан кўрсатиб тушунтирмоқдасиз. Лекин уни сизнинг ихтироингиз ҳайратлантирумади, кўзлари совуқ, юzlари сокин, умуман, хаёли бошқа ерларда. Ахир ўша болага кейинги сафар ҳеч нарсани кўрсатмайсиз, тўғрими? Бундан кимга зиён бўлди. Албатта, унга. Агар орамизда шундайлар бўлса, уларга ёрдам бериш зарур. Чунки шундай кетаверса, бу бола бора-бора умуман маънили гапириш, бирор нима тўғрисида ўйлаш, фикрлашдан йироқлашиб бораверади. Еш укангиз тиним билмаса, ўйинчоқларини тинмай тимирскаласа, улоқтиrsa, яна янгисини талаб қилаверса, олиб берган ўйинчоғингизни пачаклаб, ичидаги деталларини кувониб, кўзлари ёниб, гапираётган бўлса, уни қаттиқ койиманг, чунки бу — ҳайратнинг табиий кўриниши. Психологияда бир инстинкт тўғрисида кўп гапирилади, бу — «Бу нима? — ориентировка инстинкти» бўлиб, одам диққатини беихтиёр тарзда нарсалар ва ҳодисаларга йўналтирилади. Ҳайратланишнинг физио-

логик механизми ҳам айнан шу инстинкт асосида намоён бўладиган рефлекс ҳисобланади.

Ҳайратланишнинг юқорироқ босқичи ва мураккаброқ кўриниши бола фаол тарзда гапириб, атрофдагиларга тинмай турли хил саволлар бера бошлаганида намоён бўлади. Масалан, З ёшдан кейин бола катталарга ҳадеб «Бу нима?», «Нега», «Кейинчи?» саволлари билан мурожаат қиласкеради. Айнан шу саволлар замираша интеллект — фикрлашнинг ривожига турткى ётади. Демак, ҳар бир саволга ўринли, батафсил жавобни ололган боланинг фикрий доираси кенгайиб, ақл-фаросати тиниқлашиб бораверади.

Қизиқувчанлик. Бу — ҳайратланишга нисбатан сал бошқачароқ, мураккаброқ бўлиб, у нарсалар, улар билан боғлиқ муаммоларга қаратилади. Демак, ҳайратланишда одам ўз диққатини беихтиёр тарзда обьектга қаратса, қизиқувчанлик унга нисбатан ихтиёрий характеристерга эга бўлган жараён. Шунинг учун ҳам бир бола самолёт, ракеталарга қизиқса, бошқаси — осмон жинсларига, нега эрталаб қуёш чиқиши-ю, кечкурун ой чиқиши билан қизиқади. Демак, бу ҳам ҳар биримиздаги табиий заҳира — эҳтиёж бўлиб, унинг қондирилиши фикрларимизни тиниқлаштириб, қарашларимизни кенгайтиради.

Аслида агар атрофимизга диққат билан назар ташлайдиган бўлсак, бизни қизиқтирадиган нарса ва ҳодисаларнинг ўзи жуда кўп. Лекин шундай бўлса ҳам ён атрофимиздагиларнинг айримларинигина биз «Ўта қизиқувчан, жонсарак» деб таърифлаймиз, лекин баъзан «ҳар нарсага тумшуғингни тиқаверма» деган таънани ҳам эшишиб қоламиз. Нима бўлганда ҳам ўша қизиқувчан бола нима учун айнан шу нарса уни қизиқтираётганлигини англаса, албатта, тушунчалари заҳирасини бойитиб боради ва фикрлари дадил бўлиб боради. Демак, сизни ҳамма нарса тенг қизиқтирса, бундан хавотирланманг, ақлу-онгингиз барибир, уларнинг орасидан лаёқатингиз ва иқтидорингизга мос келадиган обьектларни танлаб олади.

Ишонтириш. Ёки атайлаб қизиқиш уйғотиш. Бу шарт аслида шахснинг ўзига эмас, балки уни ўраб турган яқинлари, бошқаларга алоқадор. Катталар бола онгига, унинг миясига шундай foяни куйиб қўйишлари мумкинки, бола уни ўрганмасдан, у ҳақида ўйламасдан туролмайди. Масалан, отаси йирик олим бўлган бола учун уй шароити, отасининг тинимсиз кундалик меҳна-

ти, китоб мutoала қилишлари шундай ижодий муҳит сифатида таъсир қилиши мумкинки, у беихтиёр китобнинг қадрини бошқача идрок қиласидиган, ўқиш — ҳаёт мазмуни эканлигини англаб, шунга ишониб қолади. Бу болани кейинчалик мактабга бориб, маълум тартиб-қоидалар тизимида тарбиялаш, айниқса, китобга муҳаббат, фикрлашга ундаш учналик қийин бўлмайди. Бу фарзанд қонида олимликка эмас, балки бирор ҳунарга профессионал мойиллик бўлиши мумкин, лекин ҳалиги ишонтириш шароити уни ўқишига, қунт қилишига, манба қидиришга, мустақил ўз устида ишлашга туртки бўлгани сабабли ундан яхши маҳоратли касб эгаси этишиб чиқади.

Демак, фикрлаш учун муҳит, шарт-шароит деганда, ҳам табиий (ҳайратланиш, қизиқувчанлик, ишонтириш каби), ҳам атайлаб яратилган шароитлар (богча тарбияси, маҳалла, қўни-қўшни билан мулоқот, мактаб таълими ва тарбияси каби) мажмuinи тушунишимиз керакки, улар шахсдаги фикрлаш жараёнини маълум йўналишда ривожланиб боришини таъминлайди.

Билиш жараёнлари. Мустақил фикрлашнинг табиий асосларига ҳар бир инсон ҳаёти ва руҳиятининг ажралмас қисми бўлган, уни атроф-муҳитни билишини таъминловчи психологик жараёнларни ҳам тушунамиз. Бу жараёнлар қисқа ҳолда **билиш жараёнлари** деб аталиб, уларга биздаги сезгилар, идрок қилишимиз, ҳаёл ва тасаввур қилишимиз, диққат ва хотира киради. Уларнинг барчаси учун умумий хусусиятлар шуки, улар биринчидан, реал борлиқни билишимиз, унинг турли хусусиятларимизни англашимизга имконият беради; иккинчидан, уларнинг барчаси биздаги олий асаб тизими функцияси ва миямиз фаолияти билан бевосита боғлиқ, учинчидан, улар тафаккур жараёнларининг асоси ҳисобланади ва англанганлиги билан характерланади.

Масалан, агар сезгилар нарса ва ҳодисаларга хос бўлган айрим-алоҳида хоссаларни (ранглар, таъм, ҳид, товушлар ва ҳоказо) миямизда акс этишини таъминласа, идрокда бу хусусиятлар яхлит ва умумлашган тарзда акс этади. Масалан, мусиқани яхлит эшишиб идрок қиласиз, фазо ва вақтни идрок қиласиз ва ҳ-зо.

Диққат — борлиқдаги барча нарса ва ҳодисалар орасида биз учун аҳамиятли ва муҳимларига бевосита

онгимизни йўналтириш функциясини бажарса, х а ё л ва т а с а в в у р л а р илгари идрокда бўлган ва бўлиши мумкин бўлган нарсаларни ўзида акс эттиради. Шунинг учун ҳам биз эртак қаҳрамонлари образларини тушунамиз ёки фантастик бирор ҳикояни кўз ўнгимизда гавдалантира оламиз. Лекин юқорида таъкидланган жараёнларнинг барчаси инсон эҳтиёжлари ва қизиқишларига алоқаси бор ва уларнинг ичида бизнингча, муҳимлари миямизда муҳрланиб қолади ва улар билан келажакда ишлашимиз, яъни уларнинг моҳияти ҳақида фикр юритишимиз ва хуносалар қилишимиз мумкин бўлади.

Демак, барча билиш жараёнларининг орасида хотиридан алоҳида ўрин тутаркан. Шунинг учун ҳам биз хотиранинг фикрга алоқадорлиги тўғрисида алоҳида тўхталиб ўтамиз ва уни тарбиялаш йўллари бўйича тавсиялар, машқлар берамиз.

Фикрлаш ва хотира. Биз кўпинча хотирамизнинг ёмонлигидан шикоят қиласиз. Лекин хотиранинг бизнинг ёмон фикрлашимиздан келиб чиқишини билмаймиз. Кўпинча бирор ишнинг уддасидан чиқмасак, «Афсус хаёлимдан кўтарилиди, эсимдан чиқиби», деб ўзимизни оқдамоқчи бўламиз. Лекин бу ерда гап фақатгина хотира ёки бошқача қилиб айтганда, кўрган-кечиргандаримизни эслаб қолиш, эсда сақлаш ва керак бўлганда эсга тушириш билан боғлиқ мураккаб жараёнда бўлмай, балки бизнинг ўзимизда, тафаккуримизга ҳам боғлиқлигини унутмаслигимиз керак.

Тўғри, биз идрок қиладиган ҳар қандай маълумот бевосита сезги органларимиз орқали мияга юборилади, у ерда қайта ишловдан ўтгач, хотирада сақланади. Сақланиш вақтига ва эсда олиб қолиш мақсадига кўра, эслаб қолиш қисқа муддатли ёки узоқ муддатли бўлиши мумкин. Бир марта идрок қилиш воситасида маълум маълумотни «ҳозир» эсда сақлашимиз зарур бўлса, **қисқа муддатли хотира** ишлайди. Масалан, ҳаммага персонал компютерда бирор текстни териш билан боғлиқ иш таниш бўлса керак. Бегона текстни машинага киригаётганда, уни тезроқ машина хотиравига юқлаш учун мазмунига умуман олганда эътибор бермаган ҳолда, ҳозир кўзимиз билан идрок қилган бўлакчанигина эслаб, ўшани терамиз. Энди бирор маълумотни биз агар имтиҳон топшириш, олий ўқув юртига кириш учун ўзлаштираётган бўлсак-чи? Унда бизнинг ушбу маълумотга муносабатимиз жиддийроқ

бўлиб, керак бўлса, у ёки бу материални қайт-қайта ҳам ўқиб, эслаб қолишга ҳаракат қиласиз. Хотиранинг бундай тури **узоқ муддатли хотира** деб аталиб, у онгли, мақсадли фаолиятимиз ва ҳаётимизнинг асосини ташкил этади. Сиздаги мавжуд тажрибанинг асосини ҳам узоқ муддатли хотира ташкил этади. Шундай экан, ҳар биримиздаги ўша соғлом, эркин, мустақил фикрнинг ҳам психологик механизми асосида узоқ муддатли хотира ётади, десак бўлади. Хотирамиз бизга зарур информацияни тўплаб, ўзлаштириб, керак бўлганда, ўз заҳирасидан чиқариб, тиклаб бериши онгли фикрлашимиз учун жуда зарур.

Хотира ва ақлий интизом. Шуни ёддан чиқармангки, одам қанчалик кўп нарсани билса, кўп ўқиса унинг нафақат узоқ муддатли, балки қисқа муддатли хотираси ҳам бойиб, кучайиб бораверади. Бу ўринда интизом керак, масалан, мунтазам бир вақтда, бир вазиятда ва бир маромда ўқиб ўзлаштиришни ўзингизга одат қилсангиз, эслаб қолиш ҳам, уни хотирада сақлаш ҳам анча самарали бўлади. Масалан, ҳаддан зиёд бирор нарсадан чарчаган вақтингизда ўзлаштириш паст бўлишини яхши биласиз, ёки кечаси ўқигандан кўра, саҳар эрталаб туриб, дарсларни қайтариш натижаси сезиларлироқ бўлади. Демак, яхши хотира ва соғлом фикр одамнинг умумий ҳолати, саломатлиги ва кайфиятига бевосита боғлиқдир. Бирор нарсадан кучли ҳаяжонлаши, ташвиш ёки қўрқув хотирага ҳам, фикрлашга ҳам салбий таъсир кўрсатади. Демак, бирор нарса ҳақида мулоҳаза юритиш ёки ижод қилиш олдидан албатта, ўзингизга бир эътибор беринг: ҳозир шу ишга руҳан тайёрмисиз, толиққанингиз йўқми? Ҳар бир ишни тартиб билан, ақл билан йўлга қўйиш, руҳий интизом мезонларига амал қилиш хотира тарбиясининг асосий мезонларидандир.

Ихтиёрий ва беихтиёр хотира. Хотиранинг узоқ ёки қисқа муддатли туридан ташқари унинг ихтиёрий ва беихтиёрий турларини ҳам фарқлашади. Одам бевосита ўзига жуда ёқсан, жозибали туюлган, ёрқин нарсаларни **беихтиёр** эслаб қолади, эслаб қолганда ҳам умрбод эсда сақлаши ҳам мумкин. Бунинг учун ундан ирода кучи ёки атайлаб эслаб қолиш мақсади талаб этилмайди. Ана шундай нарсаларни у яна керак бўлганда, беихтиёр ёдга туширади ҳам.

Энди ҳаётда шундайки, одам ҳар доим ҳам ўзига ёқсан ва ўзи хоҳлаган нарсаларни эслаб қола олмайди

ва улар устида ақлий операцияларни амалга ошира-вермайди. Шундай шароитлар ҳам күпки, Сиз эслаб қолишингиз, эсда сақлашингиз ва керак бўлганда, эсга туширишингиз к е р а к. Масалан, математик формулалар, кимё дарсидаги формула ва қонуниятлар, тарих фанидаги тарихий саналар кабиларни Сиз эслашга мажбур бўласиз, чунки бусиз ўша фанни ўзлаштиrolмайсиз ва у билан боғлиқ бошқа қонуниятлар моҳиятига етолмайсиз. Айнан шундай мақсадли, атайлаб хотирада маълум маълумотни сақлаш ва уни кейинчалик тиклашга ихтиёрий хотира дейилади. Ихтиёрий хотиранинг кучи ва самараси бевосита фикрлаш ва ақл операцияларига бориб тақалади. Чунки ўша ўзлаштирилаётган маълумотларни умумлаштириш, гуруҳларга бўлиш, уни бошқа турдаги илгари ўзлаштирилган материал билан боғлаш каби ишлар ақл-фаросат ишидир.

Демак, англанган нарсалар яхшироқ эсда сақланади. Яъни тафаккурнинг таҳлил қилиш (анализ), умумлаштириш (синтез) ва таққослаш каби жараёнлари орқали материал мустаҳкамроқ хотирланади.

Шу ўринда хотиранинг саккиз қонунини эслаб кўйишни таклиф этамиш:

- 1. Англангаилик қонуни.** Оддий, лекин мураккаб қонун, яъни берилган материални қанчалик чукур англасак, шунчалик уни мустаҳкам хотирада муҳрлаган бўламиш.
- 2. Қизиқиш қонуни.** Анатоль Франс: «Билимларни яхши ҳазм қилиш учун уни иштача билан ютиш керак» деганда, албатта, материалга жонли қизиқиш билан муносабатда бўлишимиз, ва уни яхши кўришимиз кераклигини назарда тутган.
- 3. Илгариги билимлар қонуни.** Маълум мавзу юзасидан билимлар қанчалик кўп бўлса, янгисини эсда сақлаб қолиш шунчалик осон бўлади. Масалан, илгари ўқиган бирор китобни қайтадан ўқиб, уни янгидан ўқиётгандай ҳис қилсангиз, демак, сиз илгари тажрибангиз етишмаганлигидан уни яхши ўзлаштира олмаганлигинизни ҳис қилишингиз мумкин. Демак, эски билимлар ҳам тажрибага айлангандагина, янгиларига замин бўла олади.
- 4. Эслаб қолишга тайёрлик қонуни.** Бирор материални эслаб қолишдан аввал бўлғуси ақлий ишга

қандай ҳозирлик күрган бўлсангиз, шунга мос тарзда эслаб қоласиз. Масалан, физика ўқитувчи сининг барча дарслари сизга доимо маъкул бўлган бўлса, Сиз: «Бугун ҳам янги нарса ўрганиб чиқаман», деб ўзингизни ишонтирасиз ва оқибатда натижа ҳам яхши бўлади. Ёки вақтга нисбатан тайёрлик ҳам шундай. «Бир амаллаб имтиҳон топширсам, кейин қутуламан», деб дарсга тайёрланган бўлсангиз, имтиҳон тугагач, гўёки миянгизни бирор «ювиб қўйгандай» тасаввур ҳосил бўлади. Агар материални мутахассис бўлишим учун жуда керак, деб умрингиз охиригача муҳимлигини англасангиз, у нарса хотирада муқим сақланади.

5. **Ассоциациялар қонуни.** Бу қонун ҳақида эрамиздан аввал Арасту ҳам ёзган эди. Қонуннинг моҳияти шундаки, бир вақтда шаклланган тасаввурлар хотирада ҳам ёнма-ён бўлади. Масалан, айни конкрет хона ўша ерда рўй берган ҳодисаларни ҳам эслатади.
6. **Бирин-кетинлик қонуни.** Ҳарфларни алфавитдаги тартибида ёдда айтиш осон, уни тескарисига айтиш қийин бўлганидек, хотирада ҳам маълумотларни маълум тартибда жойлаштириш ва керак бўлганда, тартиб билан бирин-кетин тиклаш мақсадга мувофиқдир.
7. **Кучли таассуротлар қонуни.** Эслаб қолинадиган нарса тўғрисидаги биринчи таассурот қанчалик кучли бўлса, унга алоқадор образ ҳам шунчалик ёрқин бўлади. Бундан ташқари, Сиз учун аҳамиятли ва жозибали маълумотлар оқимида эсланаётган материал ҳам яхши эсга туширилади.
8. **Тормозланиш қонуни.** Ҳар қандай муайян маълумот ўзидан олдинги маълумотни тормозлайди. Шунинг учун унинг ўчиб кетмаслиги учун янгини эсда сақлашдан аввал мустаҳкамлаш чораларини кўришингиз керак.

Демак, яхши кучли билимларга эга бўлиш учун ҳар бир предмет ёки фаннинг мавзуларини ўзига хос тарзда ёқтира олиш ва хотирада сақлаш услубларини ишлаб чиқишингиз керак экан. Лекин албатта, математика фанидан кейин физикани, тарихдан кейин адабиёт фанини, шеър ёдлашни уйқу олдидан амалга оширмасликни маслаҳат берамиз.

Ассоциатив хотира ва мантиқли фикр. Қадимий Грекиядаги олимлар ва нотиқлар кучли хотирага эга эканликлари билан ажралиб турғанлар. Улар қофоздаги ёзувсиз узундан-узоқ нутқлар сўзлай оларканлар. Бунинг сабаби нима билан боғлиқ?

Буни тушуниш учун ўша қадимий грек нотигини тасаввур қилинг: узун оқ кўйлакли, соқол қўйган, жингалак сочли. Унинг яшайдиган жойини тасаввур қилинг: мармардан ясалган устунлар, деворларида токчалар ва ҳ-зо. Мана шу грек нотиги нутқига тайёргарлик кўраётганда ўз нутқининг ҳар бир бўлагини ўзи яшайдиган ердаги конкрет предметлар билан боғлаган экан: масалан, «мана бу фикр мармар устундаги айни мана бу расм билан, бу фикр эса токчадаги мана бу китобни эслатади» ва шунга ўхшаш. Кўпчилик ўртасига чиқишидан аввал у хонада у ёқдан бу ёққа юриб, фикрларини ана шундай конкрет буюмлар билан боғлар экан. Бу ассоциациялар қонунига тўғри келади, яъни конкрет фикрни конкрет буюм, факт, ҳодиса билан боғлаш — ассоциациядир.

Яхши хотира ва мустақил фикрлаш. Яхши эслаб қолиш мустақил фикрлаш билан жуда узвий боғлиқ. Кўпинча одамлар ёмон ўйлаганлари учун яхши эслаб қололмайдилар. Сиз-чи? Бирор ҳаётий муаммо бўйича ўзингиз мустақил қарорлар чиқара оласизми? Ўзингизча, мустақил тарзда қўшимча адабиётлар топиб, ўз устингизда ишлай оласизми? Бу ердаги сир шундаки, сиз ўзингиз мустақил топиб ўқиган китобингиз мазмунини ўқитувчи тазиёки билан ўқиган китоб мазмунидан кўра яхшироқ, мустаҳкамроқ эслаб қоласиз. Бу кўплаб экспериментларда ва ҳаётий кузатишларда синалган факт ва бунга сира шубҳа қилманг.

Умуман, бирор масалада сизда мустақил фикр пайдо бўлган бўлса, у сизнинг актив сўзлар заҳирангизда, хотирангизнинг тубида сақланади ва унинг мазмунини бирор атайлаб ўчириб ташлай олмайди. Шунинг учун эркин фикрловчи одамнинг хотираси ҳам яхшига ўхшайди, аслида бу икки холат ва жараён ўзаро жуда узвий боғлиқдир.

Америкалик Г. Унгар деган олим хотиранинг кучи ва салоҳиятини фикрлаш тажрибаси ва умуман инсоннинг узоқ умр кўриши билан боғлади. Унинг фикрича, хотира қанчалик ишланган ва машқ қилдирилган бўлса, у шунчалик узоқ умр кўрар ва умрининг охиригача соғлом фикрга эга бўларкан.

Хотиранинг тарбиясида хитойликларнинг қўйидаги мақолларини ёддан чиқарманг:

*Эшиштдингми — эсдан чиқардинг,
Кўрдингми — эсга туширдинг,
Амалга оширдингми — тушундинг.*

Демак, яхши фикрлаш ва яхши эслашнинг реал асоси — англаш, тушуниш ва билган билимларини амалда кўллашдир. Шунинг учун ҳам Рене Декарт «Яхши ақлнинг бўлиши етарли эмас, уни ўз ўрнида ишлата билиш муҳимроқ» деб таъкидлаган эди. Бу бевосита хотиранинг бошқарилиши ва тарбияланишига ҳам боғлиқ.

Демак, 1. Ҳайратланинг, ҳар бир нарса, ҳодиса, муаммода сизда табиий ҳиссиятларни уйғота оладиган жиҳатларини ажратинг.

2. Қизиқувчан бўлинг! Инерт, лоқайд бўлгандан кўра, жонли, зийрак ва ҳар нарсанинг сиру-синоатини билиш афзал.

3. Фикрлашнинг яхшилигига ишонинг, барча ишонтирувчи омилларни таҳлил қилинг. Керак бўлса, ўзингиз зарур тасаввурларни чақириб, уларни тизимда бирлаштиринг.

4. Синчков ва жонсарак бўлинг. Атрофга бефарқ бўлмай, билиш жараёнларингизни муттасил ривожлантириб боринг.

5. Хотирангизнинг тарбиясига хушёр бўлинг, уни фақат сиз учун зарур ва муҳим маълумотлар билан бойитиб, жойида юқорида таъкидланган саккиз қонуният орқали ўстириб боринг.


6. Хотирангизни ва у орқали мустақил фикрларингизни ривожлантириб боришга ўрганишни қўйида берилган машқлар орқали амалга оширинг.

ХОТИРАНИ ЎСТИРИШ УЧУН МАШҚЛАР

1. Агар ёнингизда бирор ўртоғингиз бўлса, ундан қўйидаги сонлар қаторини бир хил темпда ўқиб беришни сўранг. Сиз унинг орқасидан овоз чиқариб, такрорланг. Агар ўзингиз мустақил бажармоқчи бўлсангиз, қаторларга биринкетин оқ қофоз ёрдамида ўтиб, кейин хотирангизни текширинг. Эсингизда қолган сонларни қофозга ёзинг ва нечта сонни ва қайси қаторларни тўғрироқ эсда олиб қолганлигингизни аниқланг:

972
1406
39418
067285
3516927
58391204
764580129
2164089573
45382170369
870932614280

2. Куйида 12 та расм берилган. Сиз уларга 1 минут давомида диққат билан қаранг ва эсда сақлаб қолишингиз натижаларини тартиб билан нима нимадан кейин акс эттирилган, қандай предметлар акс эттирилганлигини ёзинг. Агар Сиз шу 12 та предметдан 8 тасини түгри эсга тушира олсангиз, демак, хотирангиз яхши деяверинг.



Китоб — барча бунёдкорлик, яратувчанлик ва ақл-идроқнинг, илму дошишнинг асосидир. Ҳаётни ўргатувчи мураббийдир.

«Амир Темур ўгитлари»

ЎҚУВ ФАОЛИЯТИДА МУСТАҚИЛ ФИКРНИ ТАРБИЯЛАШ

Ўсмирлик ва илк ўспиринлик. Фикрлаш қобилиятини ривожлантиришнинг табиий асосларидан ҳам кўра, унинг орттирилган, тажрибага таянган омиллари ҳаёти-

мизда аҳамиятга эгадир. Умуман, инсон умрини даврларга бўлар эканмиз, уларнинг орасида илк ўсмирлик, ўсмирлик, ўспиринлик, балоғат ёши йиллари унинг ким бўлиб етишиши, одамийлиги, малака ва қўнишкаларининг мукаммаллиги нуқтаи назаридан эътиборлидир. Бу даврларнинг яна бир муҳим жиҳати шуки, унда бизни қизиқтираётган фикрлар шаклланади, фикрлаш жараёни такомиллашади, мустақил тарзда ўзлигини англаш, аниқ фикрларда баён этиш қобилияти ривожланади. Диққатга молик томони яна шуки, айнан бу даврлар мактаб ва талабалик йилларига тўғри келади. Бундан ташқари, айни шу даврлар муайян касб-корни эгаллаш йилларига ҳам тўғри келади. Шунинг учун ҳам мактаб даврларида фикрлаш қобилиятининг ривожланиши ва уни ўстириш йўллари тўғрисида фикрлашиш ва машқ қилиш пайти келди.

Фикрлаш ва мактаб. Фикрлаш жараёнларига таъсир кўрсатувчи мактабга алоқадор омилларни уч гуруҳга бўлишимиз мумкин:

- 1) бола билан бевосита мулоқотда бўладиганларнинг ақлий хусусиятлари ва одамларнинг таъсиридаги ривожланиш;
- 2) ўқитиладиган предметлар таъсиридаги ўзгаришлар;
- 3) таълим ва тарбия мақсадларидан келиб чиқадиган вазифаларни бажариш мобайнидаги таъсиrlар.

Биз ва ўқитувчи. Агар биринчи омил тўғрисида гапирадиган бўлсан, бу — одатда бизга таълим-тарбия берадиган муаллимлар, педагогларнинг бевосита таъсиrlари назарда тутилади. Биз хоҳлаб-хоҳламай ўзимиз сўйган, хурмат қилган инсонлардан ибрат оламиз, нафақат оламиз, балки уларнинг ҳар бир қилиқлари, ҳаракатлари, гапириш услублари, нутқига хос хусусиятларга тақлид қиласиз. Чиройли хусниҳатли ўқитувчидаги таълим олган болаларнинг аксарияти чиройли ёзгани каби, нутқи равон, ҳар бир гапини ўйлаб, чамалаб, асослаб гапирадиган инсоннинг фикрига ҳам беихтиёр эргашамиз. Айрим ҳолларда шундай ҳам бўладики, ўқитувчи ўзи атайлаб, болани айнан ўзидай гапиришга, хулосалар чиқаришга, хукм юритишга мажбур қиласи. Бу усул бола гапиришдан ийманиб, чўчиб гапиролмаётган босқичда, тортинчоқ болада ўзини оқласа, ушбу усулнинг дадил, фикрлари теран болага нисбатан ишлатилиши кўпинча ўзини оқламайди. Баъзан бола ўқитувчисининг фикрига эътиборсизлиги юзидан, кўзи-

дан илғаб олинади. Аслида ана шу ҳолат ҳам бу муҳитдаги ўзаро фикрлаш жараёнининг сифати ва хусусиятига ишорадир, демак, ўқитувчи қизиқтира олмаяпти.

Аслида эса ўқитувчи ва ўкувчи ўргасидаги муносабатлар шундай бўлиши керакки, катта ўз фикрлари билан кичикнинг фикрларини қўзғатиши, унга туртки бериши, йўналтириши керак. Агар тингловчи ёки ўкувчи «Муаллим айтганилек айтаман, айнан у каби хулоса чиқараман» деган нарсага ўрганиб қолса, бу ишнинг самараси деярли «0»га tengdir, дейиш мумкин. Қолаверса, ўқитувчининг фикрлашлари, унинг нутқи, жавобларни тинглаш, баҳо бериш йўлини нуқсонсиз деб ким айта олади. Шунинг учун ҳам ўзаро муносабат, фикрлар алмашинуви шароити шундай бўлиши керакки, боланинг ҳар бир ўзига хос қилиқлари, гапириш йўналиши ва услуби, фикрлаш йўли ўз вақтида доимо қўллаб-қувватланиши ва муносиб баҳоланиши керак. Усмир ва ўспирин доимо шуни ёдида тутиши лозимки, энг зукко, доно, билимдон ўқитувчи ҳам ўзига хос қайтарилмас индивидуалликдир, ва шуниси билан сизни жалб этмоқда. Сиз ҳам ўзингизга яраша дунёсиз ва бу Сизга оригинал бўлиш ва фикрлашда ҳам ўз малака ва одатларни шакллантиришни тақозо этади.

Фикрлаш ва фан предметлари. Фикрлаш жараёнига кўпроқ мактабда ўқитиладиган *предметлар* таъсир кўрсатади. Уларни шартли равишда икки гуруҳга бўлиш мумкин: бевосита ҳаракат малакалари ва кўнижмаларини ҳосил қилувчи предметлар (жисмоний тарбия, расм, ёзув, мусиқа, ва б.) ҳамда ўйлашга, тасаввур қилган ҳолда тушунишга мажбур қилувчи мавхумроқ предметлар (география, тарих, адабиёт, физика, математика ва бошқалар).

Биринчи гуруҳ предметлар ҳам жуда зарур, улар мустақил фикр юритиш учун шундай замин ҳозирлайдики, одам ўзини дадилроқ, нафисроқ, зийракроқ тутишни ўрганади. Керак бўлса, бу фанлар ёки предметлар ҳаёт ҳақидаги муроҷаузалар, таҳдиллар учун тажриба мактаби ҳисобланади.

Ўкувчи кўпроқ иккинчи гуруҳ предметлардан, уларни талабларидан қўрқади. Лекин, айни шу тоифа предметлар сизни фикрлашга, мантиқан муроҷаузада юритиш, мавхумликни тушунишга, кўз ўнгингизда аслида бўлмаган нарса ва ҳодисаларнинг моҳиятини тушунишга имкон беради. «Математика — ақл гимнастика-

сидир» деган фикр бежиз эмас. Ёки адабиёт дарсларнинг ролини сира ҳам камситиб бўлмайди. Бадиий бўёқлардаги персонажлар образлари орқали ифодаланган воқеа-ҳодисаларни тасаввур қиласар эканмиз, беихтиёр ўша қаҳрамонлар билан ичимизда сирлашамиз, гаплашамиз, уларнинг тақдирига қайгурамиз. Натижада улар хусусида кимлар биландир ўртоқлашиш, ҳеч бўлмаганда синфда ўқитувчи ва синдошлиар олдида гапиришга малака орттирамиз. Шунга ўхшаш ақд гимнастикаси деярли барча предметларни ўзлаштириш жараёнида содир бўлади. Шуни унумаслик керакки, мактабда ўқитиладиган предметларни «менга керак», «менга керак эмас» деб ажратиш аслида нотўғри иш. Чунки ҳар бир предмет аввало ҳаётимизнинг турли қирраларини, қонуниятларини ёритиш орқали биздаги тушунчаларни бойитади, ҳамма фанлар бир бўлиб, мустақил, ишонч билан барча муаммолар ва ҳар турли масалалар юзасидан фикрлашга кўмаклашади. Қанчалик маълумотлар кўп бўлса, улар хилма-хил ва бирбируни тўлдирувчи бўлса, одамнинг фикрлари тўлиқ, тартибли ва мантиқий бўлиб бораверади. Агар барча предметларнинг моҳиятида умумийликни топишга ақлингиз қодир бўлса, демак, Сиз — салкам файласуфсиз, чунки айнан улар табиат, жамият ва инсон ақл-идрокига оид бўлган умумий қонуниятлар устида бош қотирадилар. Билимлари бой бўлмаган одам ҳеч қачон файласуф бўлолмайди, файласуфлик эса до нишмандлик демакдир.

Мантиқийлик дарслари. Ниҳоят, таълим ва тарбия даврида катталар фан предметларидан ташқари, кўплаб ахлоқий ва маънавий-маърифий мақсадларда тадбирлар, суҳбатлар ва мунозаралар ўтказишадики, улар ҳам фикрларни бойитиш ва ривожлантириш учун шароит ролини ўйнайди. Бунда мантиқийлик тамойилига катта эътибор қаратилиши керак. Масалан, фанни яхши ўзлаштирадиган бола шериклари ундан бирор қонуниятни тушунтириб беришни сўрашганда, атайлаб ўзини билмасликка олиши аслида биринчи навбатда ўша «билимдонга» салбий таъсир кўрсатади. Чунки агар у тушунтириб берганда, ички нутқида шаклланаётган фикрини бир карра ташқарида, ташқи нутқида синаб олиш имконига эга бўларди. Иккинчи томондан, ҳар сафар бундай «қизғанчиқликнинг» намоён этилиши ундаги инсон сифатидаги фазилатида намоён бўлиб, одамлар назаридан қолишига сабаб бўлади ва охир-

оқибат унинг миясидаги фоялардан, фикрлардан ўзига ҳам, бошқаларга ҳам наф қолмайди.

Шунинг учун ҳам тенгкурлар даврасида күтариладиган турли мавзулардаги баҳс-мунозараларнинг фикр тарбияси, мустақил фикрлаш ва инсон камолоти учун аҳамияти каттадир.

Шундай қилиб,

1) Ҳаммага ва ҳар соҳада тақлид қиласверишидан эҳтиёт бўлинг, энг олижаноб ва зукко ўқитувчингизнинг ҳам тайёр фикрига эмас, уни ўзгалар билан ўртоқлашиш санъатига, гапириш маданиятига, ўзгалар фикрини тинглашдаги сабр-қаноатига ва тинглаш ма-лакаларига тақлид қилинг. Фикр эса сизники бўлсин ва ўз иқтидорингиз доирасида баён этишга ўрганинг.

2) Сизни ҳамма нарса қизиқтирсан, барча фанлар керак ва улардаги умумий моҳиятни топиш йўлини қидиринг, мантиқий фикрлашга ўргансангиз, файла-суф бўласиз!

3) Фикрингиз мантиқий ва асосли бўлсинки, уни ўртоқларингиз ва устозлар билан баҳам кўрганда ишонч ва дадиллик бўлсин.

Азиз ўқувчи! Энди қўйидаги топшириқларни ўзингиз мустақил равища ечишга ҳаракат қилиб кўринг ва натижаларини ўқитувчингизга кўрсатиб, сўнgra ўртоқларингиз билан мулоҳаза қилиб кўринг. Бошладик! Кўйидаги жумлаларни давом эттириб, миянгизга келган жавоблардан камида 5 тасини ёзиб, кейин ўқитувчига кўрсатинг ва бошқалар жавоблари билан солишириб кўринг:

- А) «Ёмғир ёғмоқда, чунки...»
- Б) «Қамчиқ давонидаги йўл устида катта харсанг тош ётиби, чунки...»
- В) «Қайиқ дарёга чўкмайди, чунки...»
- Г) «Баъзан денгизда кемалар чўқади, чунки...»
- Д) «Чақмоқ пайтда самолёт парвози ... чунки...»
- Е) «Автомобиль йўлида катта харсанг тош ётиби, шунда ҳайдовчилар... (нима қилишлари керак?)»
- Ж) «Тасаввур қилинг. Сизга XXI аср бошлангич мактабининг макетини беришди. У жуда гўзал ва ўзига хос ташқи кўринишга эга. Сизнингча, ташқи кўриниш ички мазмунга тўғри келиши учун унинг ичидаги нималар бўлиши керак?»

Билиш жараёнига юзаки ёндашишдан қўрқинг, зоро, бу — сизнинг ижодий йўлингизни тўсади.

Академик Г. И. Марчук

И ккинчи қисм

МАНТИҚИЙЛИК ВА ФИКР МУСТАҚИЛЛИГИ

МАНТИҚИЙ ФИКРЛАШНИ БИЛАСИЗМИ?

Исбот талаб қиласидиган фикр. Кундалик ҳаётда турли-туман муаммолар ёки оддий ташвишлар билан боғлиқ масалаларни ечиш учун биз турли хил фикрларни ишлатамиз. Тўғри, бу фикрларнинг ҳаммасини ҳам биз бирорларга билдирамаймиз, балки ўзимизча, ичимизда у ёки бу хуносаларга келиб қўя қоламиз. Масалан, осмонўпар янги бинони кўриб, шаҳримизнинг кун сайин чирой очиб бораётганлигидан гууруланиб, «Бу бино кимнинг лойиҳаси билан қурилди экан? Айнан шу лойиҳа асосида қуриш фикрига келиш осон бўлмагандир...?» каби фикрлар хаёлимиздан ўтса-да, уни дарров бирорга билдирамаймиз. Лекин адабиёт дарсида уйга топшириқ сифатида берилган вазифани қай даражада улдалаганимизни билиш учун албатта ўртоқларимизнинг ишини ҳам билиб қўйишга, уларники билан ўзимизникини солиштиришга ошиқамиз. Чунки топган ечимимиз тўғри бўлишини хоҳлаймиз, қолаверса, ўқитувчидан мақтов сўзларини эшитиш ва унинг эътиборида бўлиш ҳаммамизга ёқади.

Демак, биз юритадиган ҳар бир фикр тўғри ва асосли бўлиши мақсадга мувофиқдир. Мақсадга мувофиқлик ўз навбатида ҳар бир муаммонинг ечими асосли ва исбот қилинган бўлишини тақозо этади.

Инсоният маданияти ва умумбашарий қадриятлардан бири ҳам шуки, ҳар биримиз ҳаракатларимиз ва фикрларимизнинг маъно ҳамда мазмуни бўлишига ҳаракат қиласидиз. Ана шундай фикрларнинг асосли ва тўғри келиб чиқиши қонуниятларини ўрганувчи фаннинг номи мантиқдир. Фикр исбот талаб қилгани учун ҳам мантиқ фани вужудга келган. Агар катталарнинг баҳслари ёки мунозараларини эшитган бўлсангиз, улар бальзи фикрлар хусусида «бу гапда жон бор, мантиқ бор», дейишса, бошқа бирлари хусусида «Бемаъни фикр,

унда мутлақо мантиқ йўқ» дейишади. Демак, мантиқийлик — «тўғрилик», «маънилилик», «асосланганлик», «исботланганлик» тушунчалари билан уйгун экан.

Мантиқнинг қадр-қиммати ва аҳамияти шундаки, у бутун инсоният фикри ва тажрибасида ўз исботини топган тушунчаларга таянган ҳолда илмий ва бадиий манбаларда тўпланади. Бундан ташқари, инсоний мулоқот жараёнида ҳам кўплаб мантиқий фикрлар ишлатиладики, улар авлоддан авлодларга ўтиб, улар онгли ҳаётини, маънавиятининг асосини ташкил этади. Масалан, Сиз мактабда ўқиб ўрганган барча фанлар ана шундай мантиқнинг иши ҳисобланади. Тарих дарслиги даги ҳар бир жумла ва маълумотлар текширувлардан ўтганлиги ва инсоният тараққиётига хизмат қилиши билан қадрлидир. Ёки Ислом дини ва одоб қадриятларини олайлик. Ҳадисларни барчангиз ўқигансиз. Буюк муҳаддисларимиз — Имом ал-Бухорий, Ат-Термизий кабилар ҳар бир ҳадисни ҳаётда ўз тасдигини олганлиги ва асосланганлиги нуқтаи назаридан баҳолаб, шу мезон асосида тўплаганларки, мана неча асрлар ўтса ҳам ҳар бир ҳадис ҳулку одобнинг асоси сифатида авлодлар томонидан эътироф этилиб, қадрланиб келмоқда.

Куйида берилган Ҳадису шариф намуналарини исботланганлик ва мантиқийлик нуқтаи назаридан шарҳланг:

1. Илмнинг офати — эсдан чиқармоқлик ва илмга рағбати бўлмаган кишиларга ўргатиб, уни зое кетказишидир.
2. Икки киши бир кишидан яхши, уч киши икки кишидан яхши. Тўрт киши уч кишидан яхши, кўпчилик билан бирга бўлинглар. Тангри умматларимни фақат тўғри йўлда боришликка бирлаштиради.
3. Дўстингни енгилроқ севгинки, куни келиб душман бўлиб қолиши ҳам мумкин. Душманингга ҳам енгилроқ адоват қилгинки, куни келиб, дўст бўлиб қолиши мумкин.
4. Инсон хатони кўпроқ ўз тили билан содир қиласди.
5. Ислом, яъни мусулмончилик ошкора нарсадир, имон эса дилладир.

Мантиқ ва ақлий интизом. Ҳаётдаги кундалик муомала ва мулоқот жараёнида, ишлаш мобайнида кўллайдиган сўзларимиз ва улар воситасида билдирадиган фикр-

ларимиз мантиқий бўлгани учун ҳам биз уларни ортиқ-ча ўйламай табиий тарзда ишлатиб, қўллаб кетаверамиз. Демак, энг тўғри фикр — бу кўпчилик учун бирдай маъно ва моҳият касб этган фикрдир. Масалан, «Ватани севмоқ иймондандир», «Меҳнат мاشаққатсиз бўлмайди», «Жаҳолатга қарши доимо маърифат билан курашиш керак», «Гўзалликнинг мезони — гўзал хулқидир» каби минглаб фикр-ғоялар борки, улар инсониятнинг миллионлаб йиллик тажрибасида исботланган бўлгани учун ҳам биз уларни мантиқан таҳлилсиз ҳам қабул қилиб ўз хулқимиз ва муносабатларимизга асос қилиб олаверамиз.

Мантиқан исботланганлик зарурати шундаки, у бизни нафақат хатти-ҳаракатларда, балки гапларимиз, фикрлашларимиз жараёнларини ҳам маълум тизимга солиб, тартибга солади. Мантиқий фикрлар доимо интизомли, тартибга бўйсунадиган фикрлардир. Бундай фикрни аввало одамнинг ўзи англаган ҳолда ўзи назорат қиласи ва шу орқали ўз хулқини ҳам назорат қила олади.

Маълумки, оилада ота-оналар, мактабда ўқитувчилар кўпинча «керак» сўзини қўшиб, бизни илк ёшликлан кўплаб хатти-ҳаракатларга ўргатганлар. Масалан, «Кўлни ювмай, дастурхон атрофига ўтириш мумкин эмас», «Мактабга бориш керак», «Катталарга салом бериш керак», «Уйдан чиққанда чироқни ўчириш керак» ва ҳакозо. Лекин ҳамма ҳам бирдай ана шу «керак»ларга амал қилиб, иш — фаолият юритмасдан, ўзи билганича, ўзбошимчалик билан иш юритади. Масалан, ўтган дарсни мунтазам такрорлаш орқали билимларни мустаҳкамлаш мумкинлигини ҳар бир муаллим айтади. Лекин ўқувчилар ичида айримларигина бунга амал қиласидар. «Керак»ларга амал қиласидаганларни биз «тартиб-интизомли, масъулиятли» деб таърифласак, бошқаларни «интизомсиз, ўзбошимча» деймиз. Тартиб-интизомлиликнинг бош мезони эса ўша ташқаридан, катталар томонидан белгиланган нормаларни англаган ҳолда фикран уларга қўшилиб, боланинг онгли тарзда «керак экан» деган холосага келишидир.

Демак, хулқ интизоми билан фикр интизоми бирбири билан узвий боғлиқ. Хулқи яхши, бамаъни дейилган боланинг, билингки, гап-сўзи ҳам бамаъни ва интизомли бўлади. У ортиқча гапирмайди, гап-сўзи доимо ўринли ва мантиқан оқланган бўлади.

Шуни алоҳида таъкидлаш лозимки, фикрдаги интизом тушунчаси унинг барча нормалар, қоидаларга кўркўона бўйсунишини англатмайди. Умумбашарий қадриятлар, ота-боболаримизнинг асрлар оша тўплаган бой маънавий мероси, ҳадисий маънодаги қимматли ахлоқ нормалари ва инсоний маданият тамойиллари бундан истисно. Лекин буюк кашфиётлар қандай юз берганлигини биласизми? Улар айнан «фикрий интизомсизлик», фикрдаги эркинликнинг оқибатидир. Тўғри, ҳар бир кашфиётчи фикрига эрк беришдан аввал ўзидан олдин ўтганлар моддий ва маънавий меросини яхшилаб ўзлаштирган.

Ҳақиқий эркинлик — бу тарбияланган ақлу заковатнинг шундай кучики, у аввало нарса ёки ҳодиса моҳиятини англатувчи тушунчаларни турли томондан, унинг барча қирралари, хусусиятлари нуқтаи назаридан таҳлил қила олиш қобилиятидир. Яъни, шундай ҳолат ва эҳтиёжлар бўладики, фикрни эркин ўз ҳолида қўйиб бериш лозим бўлади. Масалан, буюк алломаларимиз Ибн Сино, Мирзо Улугбек, ал-Хоразмий, ал-Фарғонийлар ана шундай эркин фикрлаш соҳиблари бўлишмаганда, дунёни лол қолдирувчи кашфиётлар қилган бўлмасдилар. Ёки Колумб ўз вақтида ўзи яшаётган материкни ўрганиш билан чекланганда, Американи кашф этармиди?

Демак, агар инсон ўзигача яратилган кашфиётлар, илму фан янгиликлари моҳиятини билгач, уларнинг янгидан-янги очилмаган қирраларини бошқа томондан ҳам ўрганишга ўзида хоҳиш, тилак, кучли эҳтиёж ва малакалар ҳосил қиласагина, унинг фикри эркин ва ностандарт бўлиб, кашфиётлар қилишга қодир бўлади. Унинг ақли бошқача фикрлаш малакасини орттира бориб, бошқа одамларга нисбатан мустақил ҳукмлар чиқаришга ўрганиб боради. Бу эса илмий тафаккур ва ижодий камолот калитидир.

ТОПШИРИҚЛАР

1. «Интизомсиз, эркин ақл» билан Сиз ҳам ўртоқларингиз билан XXI асрда адабиёт ва санъат соҳасида қандай ўзгаришлар бўлишини тасаввур қилингчи!

2. Космик кемада мувозанатсизлик ҳолатида ҳам шамёнадими? Ҳар хил жавоб вариантларини беринг.

3. Эрталаб ишга кетаётиб, фуқаро М. иш столини тартиб билан йифишитириб кетган эди. Кечқурун келиб, стол усти ниҳоятда бетартиб, китоб-қофозлар сочилиб ётганининг гу-

воҳи бўлди. У қандай хулосалар чиқариши мумкин деб ўйлайсиз?

4. Танаффус пайтида икки яноғи қип-қизил ёниб турган ўртоғингизни кўриб, ундаги бу ҳолатни ичингизда қандай баҳолайсиз?

Индукция ва дедукция. Фикр қотиб қолган, муаллақ, мавхум ва қатъий интизомли нарса эмас. У доимо **ҳаракатда** бўлади. Унинг энг содла ҳаракат йўналишларидан индукция ва дедукцияни кўриб чиқсан.

Индукция фикрнинг жузъий, якка алоҳида фикрлардан умумий фикр ва хулосаларга олиб келадиган ҳаракатидир. Бунда аниқ, асосли фикрлардан эҳтимолли ва ҳақиқатга яқин фикрлар келтириб чиқарилади. Масалан, 1 — оддий сон; 2 — оддий сон; 3 — оддий сон; демак, барча натурал сонлар — оддий сонлардир, деб хулоса чиқариш мумкин. Ёки бўлмаса, «Барча қимматбаҳо металлар зангламайди» деган ҳукмни олсан. Ундан кейинги ҳукм — «Олтин — қимматбаҳо металл» бўлса, аксинча, умумий фикрдан жузъий фикр келиб чиқади: «Олтин ҳам зангламайди». Бу дедукцияга мисол. Яъни, дедукция — умумий қоида ва қонунлардан алоҳида янги қонун ва фикрлар келтириб чиқаришдир.

Масалан, ёмғир пайтида ер намланади; ёмғир ёғяпти; демак, ер нам экан. Яна бошқа мисол: Агар кундузи бўлганда эди, қуёш чиқсан бўларди; қуёш чиқмабди; демак, кундузи эмас экан. Биология тўгарағига қатнаётган беш ўртоғингизнинг ҳар бирининг «Хужайралар генетикаси» мавзуси бўйича жавоблари ни тинглаб, Сиз «Акмал жуда яхши жавоб берди», «Шавкат ҳам жуда яхши ўзлаштирибди», «Камола ҳам жуда яхши жавоб берди», «Наргиза ҳам жуда яхши тайёрланибди», деб фикрладингиз. Ана шу фикрлардан қандай умумий хулоса чиқариш мумкин? 1. Ҳамма «Хужайралар генетикаси» мавзусини яхши ўзлаштирган. 2. Биология ўқитувчисининг касб маҳорати юқори. 3. Тўгаракнинг барча аъзолари ўта интизомли ва тиришқоқ ва ҳ-зо. 4. Барча тўгарак аъзолари шу мавзуга жуда қизиққанлар.

Дедуктив хулосалар чиқариш схемаси қуйидагича: «Агар А бўлса, демак, В; А; демак В» Мисол: «Агар одамнинг ҳарорати ошса (А), демак, у касалдир (В); одамнинг ҳарорати юқори (А), демак, у касал (В). Демак, дедукцияда доимо фикр асосланган бўлгани учун ҳам у доимо асосли, мантиқий фикрларни келтириб чиқаради. Индукциядаги юқорида берган мисоли-

мизда эса, ҳақиқат айнан бўлмаслиги ҳам мумкин. Масалан, ҳамма натурал сонлар ҳам оддий бўлавермайди, ёки яхши жавоб берган барча талабалар жавобига кўра, уларни айнан жуда яхши дарс ўзлаштиргани ҳақида гапириш мушкулроқ.

ТОПШИРИҚ

Индуктив ва дедуктив фикрлашга ҳар бирингиз 5 тадан мисоллар ўйлаб топинг ва уларнинг асосланганлик даражасини ўқитувчи билан муҳокама қилинг.

ҚҮЙИДАГИ МАШҚЛАРНИ МУСТАҚИЛ РАВИШДА БАЖАРИНГ:

1. Фофур Фуломнинг ҳамма шеърлари бадиий жиҳатдан юксак маҳорат билан ёзилган.
«Сен етим эмассан» Фофур Фулом шеъридир.
Демак,
2. Ҳеч бир инсон хатосиз бўлмайди.
Бу шахс хато қўлмоқда.
Демак,
3. Ҳар қандай организм учун озуқа керак.
Ҳар қандай озуқа учун ер керак.
Демак, ...

Асослаш ва умумлаштириш. Тафаккур жараёнидаги асослаш фикрни ифодаловчи сўзларнинг аниқ фактларда асосланишини назарда тутади. Қай турдаги фактларнинг асос бўлишига қараб, асосланишнинг учхили фарқланади:

биринчидан, ҳиссий билишга кўра асосланиш. Бу бизнинг атроф-муҳитдан бизнинг бевосита сезги органларимиз орқали идрок қилинаётган маълумотларни асос қилган тарзда фикр юритишимиздир. Масалан, чиройли гулга қараб, «Бу гул — қизил» дейишимиз ўша предметнинг ҳиссан қизил эканлигини англашимизни асослашимиздир;

иккинчидан, терминологик конвенциялар ёки келишувларга асосланиш — бу конкрет сўзлар ёки ибораларнинг терминологик қабул қилинган ибораларни асос сифатида ишлатилишидир. Масалан, «Коррекция — бу тузатишдир», «Диспут — бу мунозара», «1 метр — 100 сантиметрдир» каби иборалар термин нуқтаи назаридан фанда ўзгармас моҳият касб этгани учун ҳам улар

фикрлашимиз давомида танқидсиз ва исботсиз ишлатилаверади;

учинчидан, ҳақиқатга айланиб қолган бир неча жумлалар асосида янги бир фикрни асослаш ҳам кенг қўлланилади. Айнан шундай фикрлаш янгича, оригинал фикрларнинг асосидир.

Асосланган фикрлар умумлаштирилади. Бундан бир қанча фикрлардаги энг муҳим ва умумий сифат ва хоссалар умумлаштириш оқибатида янги бир фикр ёки жумла ҳосил қилинади.

ТОПШИРИҚЛАР

Куйидаги умумлаштирилган фикрларни мантиқий йўл билан исботланг:

1. Фалсафа донолик ҳақидаги таълимотdir.
2. Тафаккур тил билан узвий боғлиқ.
3. Халқ оммаси тарихнинг асосий яратувчиси, реал субъектиdir.

Аналогиялар. Фикрлашда бальзан биз нафақат ақлий операцияларнинг ўзидан, балки хаёл ва фантазиялар маҳсулидан ҳам фойдаланамиз. Бундай фикр ҳаракати аналогия бўйича холоса чиқариш дейилади. Масалан, ҳаётда бир кучли, иқтидорли ва зеҳнли психологни кўргансиз. У бир қарашда сизнинг барча ниятларингиз ва режаларингизни айтиб бериб сизни лол қолдирди. Бошқа бир вазиятда сизга яна бир психологни таништиришса, сиз албатта у ҳам сиз тўғрингизда батафсил маълумот бера олишига ишониб қоласиз. Демак, бир факт ва маълумот асосида бошқа ўхшаш объектларга ҳам шу сифатлар хос, деб холоса чиқаришимиз энг кенг тарқалган аналогияяга мисолдир.

АНАЛОГИЯ БЎЙИЧА ТОПШИРИҚЛАР

1. Ўсимликларнинг илдизи билан уст қисми, шохи ва япроғи ўртасидаги ўхшашликдан, жамият билан табиатнинг ўхшашлигига оид қандай қонуният кашф этилган?

2. И. Ньютон Ердаги жисмларнинг ҳаракати ва уларнинг юқоридан пастга тушиши билан осмон жисмлари ўртасидаги ўхшашликдан ва И. П. Павлов ҳайвон нерв системаси билан одам нерв системаси ўртасидаги ўхшашликдан қандай қонулар кашф этишган?

Тушунчалар ва уларнинг кўплиги. Асосланган ёки аналогик фикрларимиз аслида конкрет тушунчалардан иборат бўлади. Тушунча — бу нарса ва воқеаларга

хос бўлган энг муҳим ва ажратиб турувчи фикрларнинг миямиздаги аксиdir, деб таъриф беришимиз мумкин. Тушунчалар доимо конкрет нарсаларга алоқадор бўлади. Тушунчалар инсон ҳаёти мобайнида унинг шахсий тажрибаси асосини ташкил этиб боради. Шунинг учун ҳам улар жуда хилма-хил ва бойдир. Масалан, «одам» тушунчасини олайлик. Унинг бошқа тушунчалардан фарқи шуки, бошқа бирор тушунча унга хос бўлган барча хоссаларни қамраб ололмайди. Яъни, онглилик, тафаккурга эгалик, маълум даврларда яшаш имконияти, нутқининг борлиги, ижтимоий меҳнат фаолияти ва ҳоказо хоссалар шу тушунча ичидат мушассам. Ёки фан предметларининг ҳар бирининг ўзига хос тушунчалари борки, уларнинг моҳиятини ёритиш у ёки бу фаннинг предметини ташкил этади. Масалан, физика «ёруелик», «иссиқлик», «куч», «масса» каби, биология — «Биосфера», «флора», «фауна», «хужайра», «органика» каби, психология — «шахс», «характер», «мотив», «фаолият» каби юзлаб тушунчалар доирасида ўз предметини ёритиб, янги фикр ва foяларга йўл очади.

ТОПШИРИҚЛАР

1. Сиз ҳам тушунчалардан 100 тасини топиб, уларни гуруҳлаштиринг ва қайси предметлар доирасида ўрганилиши ни топинг.

2. Куйидаги тушунчаларнинг муҳим ва умумий белгилари ни топинг: 1. Студент. 2. Шаҳар. 3. Адабиёт. 4. Тарих. 5. Ҳукуқ. 6. Аҳлоқ. 7. Дараҳт. 8. Санъат. 9. Маданият. 10. Уй.

Хукм чиқаришни биласизми? Айрим алоҳида тушунчалар ҳукмларга бирлашади. Шу нуқтаи назардан, ҳукм — фикрнинг шундай шаклини, унда тушунчалар ўртасидаги боғлиқликлар ва ўзаро алоқа акс этади. Мустақил фикр юритган одам аслида бир қанча ҳукмлардан ўзига хос янги, бошқача ҳукм чиқаради. Фикрнинг бу иши баъзан холоса чиқариш ҳам деб аталади. Умуман, мантиқий фикр юритиш, тўғри холосалар чиқаришга ўрганишни хоҳласангиз, «Мантиқ» номли китобни олиб, унда келтирилган барча машқларни ва кейинги бўлимда бериладиган машқларни мустақил равишда бажаринг. Масалан, юқорида келтирган мисоллар орасидан «одам» ва «онг» тушунчалари ўртасидаги боғлиқликнинг ўрнатилиши битта тўғри ҳукмни чиқаришга имкон беради, яъни, «Одам — онгли мавжудот». Ёки «шахс»нинг моҳиятини тўла англаш учун «жамият», «муносабат», «ижтимоий» тушунчалари ўртасида

боғлиқликни ўрнатиб кўрамиз. Шунда бизда қўйидаги ҳукм келиб чиқади: «Шахс — жамиятнинг онгли аъзоси бўлиб, у ижтимоий муносабатларнинг маҳсулидир».

Ҳукмлардаги фикрлар тасдиқ шаклида ёки инкор шаклида, объектив, тўғри ёки хато, нотўғри бўлиши мумкин. Масалан, «Темир қаттиқ жисмдир» десак, бир фикрни ҳам тасдиқлаяпмиз, ҳам ҳақиқий, тўғри нарса ҳақида фикрлаётган бўламиз. Агар «Ит судралувчилар оиласига киради» десак, нотўғри, хато фикрлаган бўламиз. «Акмал имтиҳонга тайёргарликсиз келди» — инкор қилувчи фикр ҳисобланади.

Шундай қилиб, х у л о с а л а р :

1. Ҳар қандай фикр аслида исбот талаб қилмаса-да, тўғри ва ноёб фикрни доимо асослаш, мантиқан ривожлантириш учун фактларга асосланишини таъминлаш керак.
2. Мантиқдаги «интизом» тушунчасининг икки хил моҳиятини ажратинг ва иккаласининг ҳам ижобий томонлари борлигини унутманг.
3. Умумлаштириладиган фикрларингизнинг доимо асосланиши лозимлигига эътибор беринг.
4. Фикрингиздаги барча ҳаракат йўналишларини аниқ билинг ва мантиқан фикрлаётганда, уларга амал қилинг. Демак, бу — дедукция, индукция, умумлаштириш, таққослаш ва хуласалар чиқариш.
5. Аналогияга кўра фикрлашни ҳам машқ қилиб туринг, бунда қўрқмай, ижодий хаёлингиз маҳсулларидан фойдаланинг.
6. Ҳамиша тўғри ҳукмлар чиқаришга одатланинг, бунинг учун барча фанлар ютуқлари асосида ишлаб чиқилган тушунчалар моҳиятини билинг ва ўринли ишлатинг.

ТОПШИРИҚЛАР

1. «Илм», «зиё», «китоб», «ҳаёт», «муҳаббат», «ёшлар», «Ватан», «иймон» тушунчаларидан фойдаланиб, 5-10 тагача ҳукмлар чиқаринг.

2. Кўйидаги фикрларнинг тасдиқ ёки инкор эканлигини мантиқий таҳлил қилинг: А) Фалсафа ва дин дунёқарашнинг тарихий шаклидир. Б) Озиқли от ҳоримас (ўзбек халқ мақоли). В) Табиат ҳимоясиз эмас. Г) Ўзбекистон — келажаги буюк давлат. Д) Зўравонлик билан адолат ўрнатиб бўлмайди.

Билим шунда ҳиқиқий билимга айланади, қачонки, у хотира кучи билан эмас, балки ўз фикр кучи билан эришилган бўлса.

Л. Толстой

МАНТИКИЙ ФИКРНИНГ СИФАТЛАРИ

Мустақил фикрлаш сифатлари. Фикрларимизнинг доимий ҳаракатда, динамикада бўлишига келишиб олдик. Демак, ҳар қандай тафаккур жараёнининг муваффақиятли кечиши учун асос ёки бошланғич нуқта — чизиқ ролини ўйновчи уч гурӯҳ сифатларни ажратиш мумкин:

1. Элементар тафаккур жараёнларининг шаклланғанлиги — яъни, таҳдил қилиш, анализ, синтез, таққослаш, муҳим жиҳатини ажратиш;

2. Тафаккурнинг фаоллиги, унинг эркинлиги, яъни ностандарт ғояларнинг туғилиши жараёнидаги эркинлик ва бир ғоядан иккинчисига ўтишдаги эгилувчанлик;

3. Тафаккурнинг ташкилланғанлиги ва мақсадга йўналғанлиги, бошқача қилиб айтганда, ҳар бир инсон томонидан ўз тафаккур қилиш ёки фикрлаш жараёнларига хосликни англаш ва уни назорат қилиш.

Фикрлаш малакаларига йўл. Шуни алоҳида таъкидлаш лозимки, юқорида ажратилган уч гурӯҳ сифатларнинг йўқлиги қўпинча мактабда ўтиладиган фан предметларини ўзлаштирумаслик ва янги қийинроқ материални тушунмасликка олиб келади. Шунинг учун ҳам биз қўйида таклиф этадиган машқларимиз Сиздаги мантиққа бўйсунган тафаккур ва унинг доирасида эркин мулоҳазаларга бориб, масалаларга турлича ёндашишингиз даражасини аниқлаб, фикрлашингизни яна-да яхшилашга ёрдам беради.

Биз таклиф этган ва шунга ўхшаш мисоллар билан ҳафтасига камида бир соатдан икки марта шуғулланиб турсангиз, борган сари машқларни ечиш малакангиз ортиб бораётганлигини сезасиз. Шуни ёддан чиқармангки, масалалар ёки машқлар нафақат ўкув предметлари доирасида, балки барча муаммо ва топишмоқларга хос бўлиши ҳам мумкин.

Бундай машғулотларнинг самарадорлиги энг аввало Сизнинг ўзингизга боғлиқ. Самара кўпроқ якка ҳолда ечадиган мисолларингиз сони билан эмас, балки курсдош ёки синфдош ўртоқларингиз билан гурӯҳ шароити-

да ҳал қилиш билан боғлиқ. Чунки, камида 3—4 киши бўлиб бу машқларни ечиш ва ечимлар билан ўзаро ўртоқлашиш ҳар бирингизнинг фикрлаш «диапозонингизни» — доирангизни кенгайтиради ва ҳар бир масаланинг бир эмас, балки бир неча ечими бўлиши мумкинлигига амин бўласиз.

Куйида таклиф этилаётган топшириқларда ягона битта тўғри жавобнинг бўлиши мумкин эмас, Сиз мантиқан фикр ёритиб, ўзингизга маъқул ва сизнингча тўғри барча жавоблар вариантини таклиф этишингиз, сўнгра уларни ўртоқларингизни билан солиштириб кўришингиз мумкин. Лекин топшириқларни ечишга киришишдан аввал ҳозирги дақиқадаги ўз ақлий салоҳиятингизни тестлар ёрдамида аниқлаб кўрсангиз.

ТЕСТ ВА ТОПШИРИҚЛАР

1-тест. МАНТИҚИЙ ТАФАККУРИНГИЗНИ АНИҚЛАНГ.

«Сонлар қаторидаги қонуниятлар». — Куйида берилган 7 қатордаги сонлардаги қонуниятларни аниқлаб, этишмаётган сонни топиб ёзинг. Сизга берилган вақт — 5 дақиқа.

Сонлар қатори

1)	24	21	19	18	15	13	—	—	7	
2)	1	4	9	16	—	—	49	64	81	100
3)	16	17	15	18	14	19	—	—		
4)	1	3	6	8	16	18	—	—	76	78
5)	7	16	19	5	21	16	9	—	4	
6)	2	4	8	10	20	22	—	—	92	94
7)	24	22	19	15	—	—				

Фикрларингизнинг самараси тўғри топилган сонлар миқдори билан ўлчанади. Катталар учун бу шароитдаги норма — 3 ва ундан ортиқ тўғри топилган сон. Агар ундан кам ёки учта бўлса, демак, сиз биз таклиф этаётган мантиқий ўйинлар, топшириқлар ва машқларга кўпроқ эътибор бериб, тафаккурингизни тарбиялашингиз керак бўлади.

1-м а ш қ. БОЕЛОВЧИ ЗВЕНОЛАРНИ ТОПИШ.

Икки хил предмет берилади, масалан, «белкурак» ва «автомобиль». Шундай предметни топиш керакки, у иккаласи учун ҳам маълум жиҳатдан боёликлик томони бўлиб, бирини иккincinnисига гўёки «боғлаши» керак. Масалан, ҳозирги мисолда жавоб «экскаватор» бўлиши мумкин. Чунки экскаватор белкурак билан функционал жиҳатдан боғланган, у ҳам

човлаб олади; автомобиль билан эса транспорт воситаси сифатида боғланади. Яна бир тушунча ҳам бор — «ишчи», у ҳам белкуракни ишлатади, ҳам автомобильни бошқариши мумкин ва ҳ-зо. Шунга ўхшашиб мисоллар кўп бўлиши мумкин. Ёки бўлмаса, яна бир мисол: «йўлбарс» ва «қалам» сўзларини битта тушунча ёки фокусда бирлаштиришни биласизми? Унинг ечими шундай бўлиши мумкин: «йўл-йўл қалам», яъни сифат иккала сўзни бирлаштироқда.

Шунга ўхшашиб ўйинлар нарса ва ҳодисалар ўртасидаги боғлиқликларнинг турли қирраларини тасаввур қилиш ва мантиқий фикрлаш орқали ностандарт ечимларни топишга имкон беради.

Үйга вазифа: Куйида берилган сўзлар жуфтликлари ўргасидаги боғловчи янги тушунчаларни топинг:

- «қозон» — «денгиз»
- «кўпприк» — «атлас»
- «хўроз» — «осмон»
- «пайпоқ» — «қалампир»
- «маймун» — «сандиқ»

Уйда топган сўзларингизни турӯҳдошларингизники билан албатта солиштириб кўринг.

2-м а ш қ. САБАБИЙ БОҒЛИҚЛИК ВА МАНТИҚ

Ҳаётда бирор воқеа ёки ҳодисанинг гувоҳи бўлиб қолсак, унинг сабабини (ёки сабабларини) қидира бошлаймиз ва ўзимиз учун маълум хуносаларга келгач, кўнглимиз таскин топади. Масалан, уйга бирор ердан қайтиб келиб, эшикнинг ланг очиқлигини кўрдингиз. Ҳаёлингиздан нималар ўтади? «Наҳот эшикни ёпишмади экан?», «Қароқчилар кириб олишган бўлса-я» ва шунга ўхшашиб.

Шунга ўхшашиб ўйинлар ҳам сизнинг фикрлаш жараёнингизни асосли ва серқирра бўлишига ёрдам беради. Воқеаларнинг сабабларини қанчалик кўп топсангиз, шунчалик муаммони ечиш ёки уни ечолмаслиқдан хавотирланиш кам бўлади.

Топшириқ: а) йўлда кетаётib, йўл четида беҳол ётган кишини кўриб қолдингиз. Сизнинг хаёлингизга нималар келади-ю ва сиз нима қиласиз?

б) Коридорда пол устида тилла узук кўриб қолдингиз. Сиз: «Ие, бу нима бўлди...?»

в) Бир одам бошқа бир одамга кутилмаганда жуда кўпол муносабатда бўла бошлади. Бу ҳолатнинг сабаблари алгоритмини тузинг.

3-м а ш қ. АЛГОРИТМ БЎЙИЧА МАЪЛУМОТ ТЎПЛАШ.

Маълум нарсалар ҳақида сўзлар эканмиз, биз одатда ўша воқеа-ҳодисанинг умумий алгоритмини туза бошлаймиз. Алгоритмлар турлича бўлиши мумкин, масалан, факт (асос) — сабаб — рўй берган ҳодисалар, — ўхашашликлар ва таққослаш — оқибат. Нима бўлганда ҳам ҳар биримиз тахминан ана

шундай бирин-кетинликда рўй берган ҳодисаларнинг тагига этишга ҳаракат қиласиз.

Ўз вақтида Цицерон кўллаган алгоритмдан ҳам фойдаланиш мумкин: «ким — нима — қаерда — нима билан — нима учун — қандай қилиб — қачон?» Тахминан шу йўсинда ҳар бирингиз ҳам ўз алгоритмингизни тушиб чиқишингиз мумкин. Бу айниқса, келажакда ҳукуқшунос бўламан, раҳбар бўламан деган, сиёсатчи бўлишни орзу қилган, қўйингки, умуман инсонлар тақдири билан қизиқсан одамлар учун жуда муҳимдир. Шуни унутмангки, баъзан табиий оғатлар туфайли рўй берган ҳодисалар таҳлилига аниқ алгоритмлар ишлаб чиқиш қийин, қолаверса, бундай шароитларда «ким» ва «нима учун» бўгинларини таҳлил қилиш умуман ноўрин ҳисобланади.

Бирор конкрет ҳодисанинг алгоритмини тузиш учун аввал ана шу муҳим бўгинлар алоҳида карточкаларга ёзиб олинса, ва кейин ҳар бири бир неча маротаба мантиқийлик нуқтаи назаридан холис баҳоланса яхши бўлади.

Вазифа: Ҳаётдан бирор мисол топиб, ўзингиз мустақил равишда унинг алгоритмик бўлакларини таҳлил қилиб, ўртоқларингиз билан муҳокама қилинг.

2-т е с т. «МУҲИМ БЕЛГИЛАРНИ АЖРАТИНГ».

Ҳар бир қаторда битта сўз қавслар ташқарисида ва бешта сўз қавслар ичидаги барча сўзлар ташқаридагига маълум бир жиҳатдан боғланган. Сиз аҳамиятли боғлиқликка эга бўлган иккитасини ажратинг ва унинг остига чизинг.

1. Боғ (ўсимликлар, боғбон, кучук, девор, тупроқ);
2. Дарё (қирғоқ, балиқ, балиқилар, сув, қайик);
3. Шаҳар (автомобиль, бино, омма, кўча, велосипед);
4. Омборхона (хашак, отлар, том, мол, девор);
5. Куб (бурчаклар, чизма, томонлар, тош, дараҳт);
6. Бўлиш (синф, бўлувчи, қалам, бўлинма, қофоз);
7. Доира (диаметр, олмос, илтимос, айлана, муҳр);
8. Ўқиш (кўзлар, китоб, расм, муҳр, сўз);
9. Газета (ҳақиқат, илова, телеграмма, қофоз, муҳаррир);
10. Ўйин (харита, ўйинчилар, жарима, жазо, қоида);
11. Уруш (аэроплан, пушкалар, жанг, қурол, солдатлар)

Топшириқлардаги сўзлар шундай қилиб танланганки, сиз уларда — жузъий, бир қарашда муҳимдек кўринган белгини эмас, балки энг муҳимини мавхум ҳолда ажратиб олиш қобилияtingизни синаб оласиз. Шунинг учун қобилияtingизни баҳолаш учун ҳар бир топилган тўғри белгилаган сўз учун бир баллдан қўйинг. Агар 8 тадан кам тўғри сўз белгилаган бўлсангиз, демак, Сизга мантиқийлик дарслари керак, яъни мантиқий тафаккурни ўстиришга қаратилган машқларни кўпроқ бажаришингиз лозим. Агарда Сиз 8 баллдан 14

баллгача тўплаган бўлсангиз, ўртача кўрсатгични кўлга киритдим, деяверинг. Демак, мантиқий фикрлаш билан шуғулланиб туришингиз керак. Агар 15 баллдан ортиқ бўлса, яхши кўрсаткич, шу йўсинда ўз иқтидорингизни ўстириб бориш чораларини кўраверинг.

4-м а ш қ. «ОРТИҚЧАСИНИ ЧИҚАРИБ ТАШЛАНГ».

Масалан, учта сўз олинади: «кучук», «помидор» ва «куёш». Вазифа шундан иборатки, шу сўзлар ичидан шундайини чиқариб ташлаш керакки, у қолган иккитаси билан муҳим бир умумийлиги бўлмасин. Умумийликни билдирувчи ва унинг йўелигини исботлаш учун имкон даражада кўп асослар, сабаблар топиш керак. Масалан, шу мисолда агар «кучук» сўзи ортиқча бўлса, унинг ортиқчалигини исботловчи бир қанча асосларни топиш керак. Ўйиннинг моҳияти шундаки, битта жавобда тўхтаб қолмаслик керак, бир неча предметнинг турли сифатларини эслаган ҳолда улардаги муҳим ва номуҳим барча сифатларни таққослаш — мантиқий тафаккурнинг асосидир.

5-м а ш қ. БЕРИЛГАН БЕЛГИЛАР БЎЙИЧА ПРЕДМЕТЛАРНИ ТОПИШ.

Вазифа шундан иборатки, олдиндан белгиланган сифат ёки белгиларга бирдан эга бўлган предметлар номини топиш керак. Масалан, «Шундай предметларни топингки, улар бир вақтнинг ўзида қарама-қарши вазифаларни бажарсин, мисол учун эшикка (ҳам очади, ҳам ёпади), электр чироғи тутмасига ўхшаш (ҳам ёқади, ҳам ўчиради).

Бу ўйин турли бир-бирларига ўхшамаган предметлар ўртасида аналогия — ўхшашлик бирлигини мантиқан тушунишга, айни предметларнинг хоссаларини тўлароқ англашга ёрдам беради. Шундай предметлардан 10 тадан топинг.

6-м а ш қ. ПРЕДМЕТЛАРНИ ҚЎЛЛАШ УСУЛЛАРИ.

Бунда масалан, сизга жуда таниш бўлган бирор предмет, мисол учун «китоб» айтилади. Шу предметни ҳаётда қўллашнинг барча усулларини санаб чиқиш керак: ўқиши мумкин; бирор ниманинг тагига қўйиш мумкин; ёзган мактубингизни унинг ичига солиб қўйиш мумкин; стол устидаги бирор нарсани яшириш учун унинг устига қўйиб қўйиш мумкин ва ҳоказо.

Бу ўйин фикрни бир предмет устида шунда тўплайдики, уни турли кутилмаган вазиятлардаги қай даражада фойдали эканлигини англашингиз мумкин бўлади. Айниқса, бундай ўйинлар ўртоқлар билан мусобақа тарзida уюштирилиб ўйналса, яна ҳам яхши бўлади.

Кўйидаги сўзлар учун имкон борича кўп қўллаш усуллари-ни топинг: «қалам», «ойна», «кутича», «резина копток», «пайпоқ», «гул», «қаймоқ», «қофоз», «кўрпача».

3-т е с т. «МУРАККАБ АНАЛОГИЯЛАР».

Сизга мавхум тарзда ўзаро боғланган 20 та жуфт сўзлар қатори берилган. Юқори квадратда эса «Шифр» белгиси билан б жуфт ўзаро боғлиқ сўзлар берилган. Пастдаги жуфтликлар ўртасидаги мавхум боғлиқликни топгач, уни юқорида квадрат ичидаги неchanчи жуфтликдаги белгига мос келишини, мос сонларни доирага олиш йўли билан белгилаш керак. Масалан, биринчи пастдаги жуфтлик «Кўркув — қочиш», бўлиб, улар ўртасидаги мавхум боғлиқлик квадратдаги «5» жуфтлик хоссасига тўғри келади, яъни, «Заҳарланиш — ўлим», демак, биринчи қаторда «5» сонини доирага оласиз. Шундай тартибда қолганларни ҳам давом эттиринг. Вақт — 3 минут. Тўғри топилган жавоблар сонига кўра қобилият баҳоланади.

- | |
|-------------------------|
| 1. Кўй — пода |
| 2. Малина — мева |
| 3. Денгиз — океан |
| 4. Ёруғлик — қоронгулик |
| 5. Заҳарланиш — ўлим |
| 6. Душман — нияти бузук |

1. Кўркув — қочиш	1 2 3 4 5 6
2. Физика — фан	1 2 3 4 5 6
3. Тўғри — ҳақ	1 2 3 4 5 6
4. Этат — чорбоғ	1 2 3 4 5 6
5. Жуфт — икки	1 2 3 4 5 6
6. Сув — жумла	1 2 3 4 5 6
7. Тетик — бўшашган	1 2 3 4 5 6
8. Эркинлик — ирода	1 2 3 4 5 6
9. Давлат — шаҳар	1 2 3 4 5 6
10. Мақтов — сўкиш	1 2 3 4 5 6
11. Қасос — ёнғин	1 2 3 4 5 6
12. Ўн — сон	1 2 3 4 5 6
13. Йигламоқ — додламоқ	1 2 3 4 5 6
14. Боб — роман	1 2 3 4 5 6
15. Сокинлик — нафас	1 2 3 4 5 6
16. Дадиллик — қаҳрамонлик	1 2 3 4 5 6
17. Салқин — қаҳратон	1 2 3 4 5 6
18. Ёлғон — ишончсизлик	1 2 3 4 5 6
19. Куйлаш — санъат	1 2 3 4 5 6
20. Сандиқча — жавон	1 2 3 4 5 6

Тўғри жавобнинг нормаси — 5 ва ундан ортиқ бўлиб, ундан кам бўлса, мантиқийликни ўстириш бўйича бериладиган барча машқларни мустақил бажаришга тўғри келади.

7-м а ш қ. «АНАЛОГЛАРНИ ҚИДИРИШ».

Маълум бир предметнинг номи айтилади, масалан, «вертолёт» сўзи. Шу предметга маълум белгилари билан яқин бўлган иложи борича кўп предметлар номи санаб чиқилади. Айтилган предметлар яна ўз навбатида ўзаро умумий бир хоссалари нуқтаи назаридан яна гурӯҳларга бўлиниши мумкин. Масалан, «вертолёт»га яқин тушунчалар — «қуш», «капалак» (учади ва қўнади); «автобус» ва «поезд» (транспорт воситалари); «бурама» ва «совутгич» (муҳим қисмлари айланади) ва ҳ-зо.

Бу ўйин нафақат ҳар бир предметдаги муҳим белгиларни ажратиш, уларга мос бошқа бир предметларни топиш, балки предметларни муҳим хоссаларига кўра классификация қилишга ҳам имкон беради.

8-м а ш қ. «ҚАРАМА-ҚАРШИ ПРЕДМЕТЛАРНИ ТОПИШ».

Бирор предмет ажратилади, масалан, «уй». Бу тушунчага қарама-қарши бўлган барча бошқа предметлар номма-ном айтиб чиқилади. Уларнинг қайси сифатлари айнан тўғри келмаслиги ҳам аниқланади. «Уй» мисолида: «омбор» — катталиги ва қулайликнинг йўқлиги тўғри келмайди; «дала» — очиқ ёки ёпиқ фазовий бўшлиқ; «вокзал» — бирорларники ва баъзан борилади. Бу ўйин ҳар бир келтириладиган далилларнинг аниқ ифодаланиши, тури предметлардаги тури белгиларни аниқлашни ва шу билан биргаликда улардаги умумийликдаги фарқларни ажратишга ёрдам беради.

Шунга ўхшаш предметлардан 20 тасини ўзингиз танлаб, уларга қарама-қарши бўлган предметларни ёзib чиқинг.

9-м а ш қ. «ЖУМЛАЛАР ТУЗИШ».

Бунинг учун таваккал учта сўз олинади ва улар ёрдамида қанча бўлса, шунча янги жумлалар тузилади, жумлаларда албатта мантиқ бўлиши шарт эмас. Масалан, бу шундай учта сўз бўлиши мумкин: «кўл», «қалам», «айиқ». Жумлалар янгидан тузилса, мана бундай бўлиши мумкин; 1. «Айиқ қаламни кўлга чўқтириб юборди»; 2. «Бола қўлига қалам олиб, кўлда чўмилаётган айиқ расмини чизди»; 3. «Қаламдай нозик бола, айиқдай пишқириб турган кўл бўйида турарди» ва шунга ўхшаш.

Сиз ҳам давом эттириб, янги жумлалар тузиб кўринг-чи!

10-м а ш қ. «УМУМИЙЛИКНИ ТОПИШ».

Таваккал тарзда иккита бир-бири билан унчалик боғланмаган сўзлар олинади. Ана шу икки сўзлар ўртасида имкон борича кўп боғлиқликни таъминловчи тушунчаларни ёзиш керак. Масалан, «ликоп» ва «қайиқ» сўzlари. Бу сўзларга шундай умумийликларни топиш мумкин: «инсон қўли билан

яратилган», «чукурлик ери бор» ва бошқа. Сиз ҳам шу иккала сўзларга ўхшашибумумийликларни топинг, улар жуда бошқача, фантастик, кулгили, ностандарт бўлса, яна ҳам юқори баҳоланади.

11-м а ш қ. «ТАЪРИФЛАШ».

Бирор таниш предмет ёки ҳодисани ифодаловчи сўз айтилади. Масалан, «тешик» сўзи. Шу сўз — тушунчанинг муҳим белгиларини ўз ичига олган ҳолда таърифлаб бериш керак. Бу топшириқ Сизга фанлардан керак бўладиган таърифларни ёдлаш малакасини ўстириш, энг муҳим жиҳатлар ўртасидаги боғлиқликларни англашга, фикрингизда тартиб бўлишига эришишга ёрдам беради.

12-м а ш қ. «ФИКРНИ БОШҚАЧА СЎЗЛАР БИЛАН ИФОДАЛАШ».

Бунинг учун бирор оддийгина, жўнгина жумла олинади, масалан, «Бу йил ёз иссиқ бўлади». Вазифа нимадан иборат? Шу жумладаги фикрни, унинг моҳиятини ўзгартиргмаган ҳолда бошқа сўзлар воситасида ифодалаш керак. Бунда илгариги сўзларнинг бирортаси ҳам иштирок этмасин. Мисол: «Кузгача роса куйдиради, шекилли?».

Бу ўйин мустақил равишда эшитган ва кўрган нарсаларингиз хусусида ўз қарашларингизни ифода этиш қобилиятларингизни ўстиради; бунда ўзбек тилимизнинг бой имкониятларини тўла намоён этиш имконини сезасиз. Чунки кўпинча биз ўзгалар фикрини тушуниш учун уни «ўз тилимизга ўгирамиз, кейин тушунамиз». Демак, бу ўйин биздаги «ижтимоий тафаккурни» ривожлантиради, турли мураккаб вазиятларда ҳолатдан чиқиб кетиш учун сўзлардан ўринли фойдаланиш, ўз фикримизни ҳимоя қилишга ўргатади.

ТАФАККУРНИ РИВОЖЛАНТИРУВЧИ ЎЙИНЛАР, МАШҚЛАР ВА МЕТОДИКАЛАР

(Ўқитувчи билан биргаликда бажариладиган машқлар)

1. ТАФАККУРНИНГ РИГИДЛИГИ

Ушбу методика тафаккурнинг эгилувчанлигини аниқлаш ва ривожлантиришга мўлжалланган бўлиб, унга қарама-қарши бўлган хусусият — тафаккурнинг ригидлигидир. Уни ўtkазиш учун секундомер ва бир неча машқлар керак.

Ўқувчиларга ечиш учун 10 та оддий арифметик мисол берилади.

Мисоллар номери	Мисол шарты	Идишдаги суюқлик (литр)		Зарур бўлган суюқлик
0	—	29	3	20
1	14	59	10	25
2	14	163	25	99
3	28	43	10	5
4	31	61	4	22
5	18	59	7	27
6	23	49	3	20
7	15	39	3	18
8	28	76	3	25
9	28	48	4	12
10	14	36	8	6

Ўқувчиларга қуидаги йўриқнома берилади: «берилаётган мисолларда уч хил катталиктаги идишларда зарур бўлган суюқликни ўлчаш зарур. Мисолларни кетма-кетлиқда ечинг, ҳар бир мисолга 2 минут вақт берилади. Агар 2 минут ичидаги олмасангиз, кейинги мисолга ўтиб кетаверинг. Масалан, 1-мисолни ечиб кўрамиз: 14, 59, 10 л катталиқда идишлар бор. Сиз 25 л суюқликни ўлчашингиз лозим. Идишда ҳеч қандай ўлчамни кўрсатувчи белгилар мавжуд эмас. Демак, 25 л суюқликни ўлчаш учун 59 литрли идишдан 2 марта 10 литрдан ва 1 марта 14 литр суюқлик қўшиб оламиз: $59-10-10-14=25$ л.

Болалар! Ушбу мисолларни ечаётганингизда сиз образли қилиб ушбу суюқликларни қандай ўлчашингизни кўз олдингизга келтиришингиз лозим. Сизга берилган идишлар ёрдамида эса сиз тежамкорлик билан мисолни ечишингиз мумкин.

Ушбу методикани ечиш жараёни икки қисмдан: 1-5 мисоллар — йўналиш берувчи ва 6-10 мисоллар муаммоли бўлиб, уларнинг шундай деб аталишининг сабаби уларнинг осон ва мураккаб усулда ечилишидадир. Масалан: 6-мисол. Мураккаб: $49-23-3-3=20$; $23-3=20$ эса оддий усул. Ва ниҳоят, 8-масалада битта оддий ечим мавжуд бўлиб у индиқатор масала деб аталади. У эса лакмус қоғозидай ўқувчилар тафаккурининг ригидлигини намоён қиласи. 6-7 масалани мураккаб йўл билан ечиш ўқувчиларни берилган йўлланмага тез берилувчанлигини намоён қилса, 9-10 масалаларни мураккаб

йўл билан ечиш эса йўлланмани мустаҳкамлигидан далолат бериб, 8-масаланинг ечилиш ёки ечилмаслиги тафаккурнинг индикатори бўлиб хизмат қиласи.

Ушбу масалалар ечилгач, ечимларнинг таҳлили ўтказилиб, мураккаб ва оддий йўл билан ечилиган масалалар ажратилади. Масалан, ўқувчи 6-дан 10-масалагача 6, 7-масалани мураккаб йўл билан ечган бўлса, қолганини эса оддий йўл билан ечган. Биз Сизнинг тафаккурингизнинг ригидлиги 40% га teng эканлигини аниқлаймиз.

Бунда:

6-муракка
7-муракка
8-оддий
9-оддий
10-оддий

} - 100%ни

ташкил этади. (% ҳисобида ригидликни аниқлаш биз томонимиздан киритилган — У.Э.З.) Китобда ушбу методикага бошқачароқ ишлов берилади, яъни 8-масалани ечган ўқувчилар флексибин тафаккурга ва ечмаганлар ригидлик гуруҳига кирадилар.

2. ИЖОДИЙ ТАФАККУР

Ўқувчиларда ижодий тафаккурни шакллантиришда ижодий вазифалар ёки масалаларни бериш билан бирга ёрдамчи топшириқни ҳам бериш яхши самара беради. Куйида келтирилган методикамизда ижодий масалаларни ечишда ёрдамчи топшириқларнинг аҳамиятини кўришимиз мумкин.

Топшириқни бажариш жараёнида ўқувчилар контроль ва тажриба гуруҳларига бўлинадилар. Тажриба гуруҳларидаги ўқувчилар 6 та гутурт чўпидан 4 та бир хил катталиқдаги учбурчакларни ясашлари лозим. Контроль гуруҳ ўқувчиларига эса маълум миқдордаги гутурт ёки сигарет қутичаларини маълум бир майдонга тахлаш топшириғи берилади. Топшириқни бажариб бўлгач, топшириқлар бир-бири билан алмаштирилади.

Тажриба гуруҳининг ўқувчилари гутурт чўплари билан етарли даражада бош қотиришгач, уларда топшириқни тўғри ёки нотўғри ечишгани бўйича шубҳа туғилиши мумкин бўлиб турган пайтда уларга гутурт қутичалари билан ечиладиган топшириқ топширилади. Иккинчи топшириқ ечилгач, яна биринчи топшириқقا қайтилади. Бу методика ўз ўрнида берилган тўғри йўлланманинг роли ниҳоятда катта эканлигини кўрсатади.

А. Я. Пономарев тадқиқотларидан олинган натижалар шуни күрсатадыки, аввал муваффақиятсиз бўлган топшириқ қўшимча, мустаҳкамловчи топшириқни қизиқиши тугамасдан аввал берилиши билан ечими муваффақиятли топилаётган топшириқни ечиш мумкинлигини кўрсатган. Олинган натижаларни қайта ишлашда ўёки бу топшириқقا кетган вақт ҳисобга олинади. Бунда тажриба гуруҳидаги ўқувчиларни биринчи топшириқни кўмакчи топшириқдан аввал ечиш учун кетган вақт ва иккинчи топшириқдан сўнг қайта биринчи топшириқка кетган вақт ҳисобга олинади.

Олинган натижаларни қўйидаги жадвалга жойлаштириш мумкин:

Гурухлар	тажрибала иштирок этувчилар	ижодий топшириқ вақти		кўмакчи топшириқ вақти		солиштириш натижалари
		ҳажми	% ҳис.	ҳажми	% ҳис.	
Тажриба гурухи						
Контроль гурух						

Ушбу методика интуициянинг ривожланиши, ҳамда асосни топиб, мураккаб муаммоларни ечиш хусусиятини ривожлантириш имкониятини беради.

3. «9 ТА НУҚТА» МАСАЛАСИ


Кундалик ҳаётимизда мураккаб вазифа ёки топшириқларга дуч келганимизда топшириқда берилмаган кўрсатмалар ҳақида фикр юритиб ҳам кўп ҳолларда муаммоларга дуч келиб қоламиз.

Кўйида келтирилган масала ўқувчиларни сунъий тўсиқларни юзага келтирмасликни ўргатади. Бунинг учун эса берилган топшириқ кўрсатмасини диққат билан эшлиши лозим. Ўқувчиларга қўйидаги топшириқ берилади:

Ушбу

9 та нүктани шундай 4 та чизиқ билан бирлаштирингки, бирлаштириш жараёнида қўлингиз узилмасин, иккинчи бор чизиқдан чиқмасин».


Тахминан бу 2-расмдаги очиқ конвертда ифодалангандай бўлиши мумкин.



2-р а с м.

Ундан сўнг ўқувчиларга олдиндан тайёрлаб қўйилган 20 та бланк берилади. Унда 9 та нүқта ифодалангандай бўлиб, протоколда ҳар бир уринишнинг вақти қайд қилиб борилади.


Текширилувчи 15 минут вақт ичида белгиланган тартибдаги уринишларни қилгач, масалани еча олмаса, унга қўшимча ёрдам берилади; яъни квадратдан четта чиқиши тавсия этилади. Бу ёрдамда қайси чизиқ четта чиқиши кераклиги аниқ кўрсатилмайди. Агар бу ёрдам ҳам масалани ечишга кўмак бермаса, иккинчи ёрдамга киришилади ва «3-расмдагига ўхшаш жавоб топишга ҳаракат қилинг» дейилади.



3-р а с м.

Берилган 5 минутдан сўнг масала ўз ечимини топади (4-расм).

Ечим:



4-р а с м.

4. ТАФАККУР ЖАРАЁНИДА ТАСАВВУРЛАРНИНГ АҲАМИЯТИ

Баъзи бир масалаларни ечишда тасаввурларнинг роли жуда катта бўлади. Зеро, баъзан бир масалани ечишда тасаввурнинг аҳамияти катта бўлса, бошқа ҳолатларда вербал нутқий-мантиқий холоса чиқаришда тасаввурларга тўғри суюниш яхши самараларни беради. Куйида биз иккита масалани келтирамиз.

1-масала:

Китоб жавонида бир авторнинг 2 томлик китоби турибди. Биринчи том — 300 бет ва иккинчи том 200 бетдан иборатдир. Шкафда китоб қурти пайдо бўлиб биринчи томнинг биринчи бетидан иккинчи томнинг охирги бетигача тешиб қўйган. Китоб қурти китобларнинг нечта бетини тешиб қўйган?

2-масала:

А шаҳардан Б шаҳаргacha 120 км. А шаҳардан Б шаҳарга 30 км/с тезлик билан поезд йўлга чиқди. Б шаҳардан А шаҳарга эса бир вақтнинг ўзида қалдирғоч 60 км/с тезлик билан учиб чиқди. У поездгача учиб бориб, яна шаҳарга қайтиб келди. Қалдирғоч Б шаҳарга етиб бориб, яна поезд томонга қайтиб учиб кетди ва яна бир бор шаҳарга қайтиб ва яна поезд томонга учиб борган. Поезд Б шаҳарга етиб боргунча қалдирғоч бир неча бор А ва Б шаҳарнинг ўтасида учиб ўтган? Қалдирғоч неча км йўлни учиб ўтган?

Биринчи масалани ечишда тасаввур муҳим аҳамиятга эга. Бу масалани китобларни жавонда қандай турганини аниқ тасаввур қилган ҳолда ечиш мумкин.


Иккинчи масалани ечиш учун вербал — мантиқий холоса чиқаришнинг ўзи етарли (агар ўқувчилар қалдирғочни А шаҳардан Б шаҳарга учиб ўтишларини тасаввур қиласиган бўлсалар, масалани умуман еча олмасликлари мумкин).

5. ТАФАККУР ВА НУТҚ ОРАСИДАГИ БОҒЛИҚЛИК

Турли масалаларни ечишда уларни оғзаки нутқда тўғри берилиши катта аҳамиятга эгадир. Зеро, тафаккур ва нутқ ўзаро бир-бирига боғлиқ бўлиб, масала ечиш жараёнида уни қайта формулировка қилиш масалага бошқача ёндошиш ва тез ечишга ёрдам беради. Куйида биз ана шундай методикалардан бирини тақдим этамиз.

вазифани ечиш жараёнида ўқувчиларга геометрик масалани ечиш тақдим этилади.

АВСД квадрат ва ВЕДГ, АВ=а, АЕ=в параллелограмм берилган.



5-расм.

Бунда бир гурух ўқувчиларга «АЕДГ параллелограмм ва АВСД квадратининг майдонлари нимага тенг эканлигини топинг», деган топшириқ берилади.

Олинган жавобларни қайта ишлаш натижасида у ёки бу топшириқни тўғри ечган ўқувчилар ҳисобланниб чиқлади. Берилган формулировкага бўйсунмай масалани ечган ўқувчиларнинг ечимлари алоҳида таҳлил қилиниб, тафаккурнинг мустақиллиги, ўзига хослиги, эгилувчанлиги каби хусусиятларга эътибор қаратилади.

6. МАСАЛАЛАРНИ ЕЧИШДА ТАФАККУРДАГИ ШАБЛОНЛАРНИ ЕНГИШ

Мустақил фикрлаш, тафаккурни ривожлантириш, шаблонларни енгишдаги қўйидагига ўхшаш масалаларни ечиш жуда фойдалидир.

1. Иккита киши, ёшлиқда дўст бўлган инсонлар учрашиб қолишиди ва уларнинг орасида қўйидаги диалог бўлиб ўтди:

«— Сизни кўрмаганимга ҳам анча бўлиб кетди. Сиз ҳақингизда ҳеч нарса билмайман ҳам.

— Менинг қизим бор!

— Исми нима?

— Онасининг исмини қўйганмиз.

— Ленажон неча ёшга тўлди?»

Суҳбатдош дўстининг қизини номини қаердан билди?

Жавоб: «Иккита киши, ёшлигидан дўст бўлган» иборасининг гўё эркаклар учрашганидан далолат бера-


ди. Аслида эса эркак ва аёл учрашган бўлиб, аёлнинг исми Елена эканлигини дўсти билади-да!

2. Икки киши дарё ёқасига келди. Дарё бўйида қайиқ турган бўлиб, унга фақат бир киши сифади. Кишиларнинг иккиси ҳам дарёдан қайикда сузуб ўтиб, ўз йўлларида давом этдилар. Буни улар қандай амалга оширилар?

Жавоб: Йўловчилар иккита қарама-қарши дарё ёқасига бир вақтда келишган. Бири қайикда у ёқقا ўтгач, бошқаси қайтган. Масалани ечишга эса «Икки киши дарё ёқасига келди» деган гап ҳалақит беради, гүёки улар дарёнига бир томонида тургандай.

3. Олтита гугурт чўпидан тўртта бир хил учбурчак ясанг.

Жавоб: Ушбу масалани ечишдаги қийинчилик шундан иборатки, биз масалани бир текисликда ечишга ўрганганимиз. Ушбу масалада эса ўлчовдаги текисликдан чиқиш лозим, яъни гугурт чўпларини тетраэдр шаклида кўйиш лозим.



6-р а с м.

4. Полковникнинг отасини ўғли полковникнинг ўғлининг отаси билан гаплашди. Полковник бу сұхбатда бўлмаса, ким билан ким сұхбатлашган?

Жавоб: Ушбу масалани ечишда бизга полковник эркак киши бўлса керак деган шаблон ҳалақит беради. Ушбу ҳолатда эса полковник — аёл киши. Полковникнинг акаси унинг эри билан гаплашган.

7. МАСАЛАЛАРНИ ЕЧИШДА ТАЖРИБАНИНГ АҲАМИЯТИ

Кундалик ҳаётимизда ўтмишдаги тажриба кўп муаммоларимизни ечишга ёрдам беради. Лекин тафаккур билан боғлиқ бўлган масалаларни ечишда ўтмиш тажрибаси тўсиқ ҳам бўлиб қолиши мумкин.

Қатор ижодий масалалар ўтмиш тажрибасига эмас, балки латент ҳолатларига мўлжалланган бўлиб, улар

амалий аҳамиятга эга бўлади. Шунинг учун кўп ҳолатларда ечиш мушкулроқ. Масалан, Л. Секей тажрибасида, ёнаётганида оғирлигини йўқотаётган шагам мисол қилиб олинган бўлиб, ушбу мисолни ечишдаги қийинчилик шундан иборат эдики, кундалик ҳаётда бу шагамнинг оғирлигини йўқотишдан кўра нур сочишини аҳамиятли деб биламиз. Ёниш жараёнида оғирлигини йўқотиш эса латент бўлиб қолган.

Куйида ўтмиш тажрибасини масалани ечишдаги аҳамиятига боғлиқ методика келтирилади. Текширилувчига масалани ечиш учун ишлатиш жараёнида оғирлигини йўқотадиган предметларни ўлчаш вазифаси берилади. Бунинг учун: қалам, ўчирғич, пахта, туз, гутурт, қум, пластилин ва албатта шагам тавсия этилади. (Агар юқоридаги предметларнинг ўзи бўлмаса, расми ҳам тавсия этилса бўлаверади).

Жавоб: Ушбу масалани ечишда ёниб оғирлигини йўқотадиган шагам тажрибага асос қилиб олинади. Тажриба жараёнида текширилувчига ҳар бир фикрни овоз чиқариб асослаш талаб қилинади, чунки у текширилувчининг фикрларини билишга имкон беради ва предметларнинг яширин (латент) хусусиятларини топишга ўргатади.

8. МАСАЛАЛАРНИ ЕЧИШДА ҚОНУНИЯТЛАРНИ АНИҚЛАШ

Ечим қонуниятини аниқлаш — масалани ечишга жуда катта ёрдам беради. Бу хусусиятни шакллантириш учун турли машқулардан фойдаланиш мумкин.

Сонларнинг кетма-кетлик қонуниятини топинг ва етишмаётган сонини топинг.

a) 7 9 5 11
 4 15 12 7
 13 8 11 ?

Жавоб: Етишмаётган сон — 10. Колонкадаги икки сон йифиндиси ва учинчи сон айирмаси тўртинчи соннинг натижасини юзага келтиради.

Масалан: $7 + 9 = 16 - 5 = 11$ ва ҳоказо.

б) 174 171 57 54 18 15 X?

Жавоб: Бу сон 5. Биринчи сондан 3 ни айирамиз ва иккинчи сонни 3 га бўламиз, учинчидан 3 ни айириб,

түртнинчисини 3 га бўламиз, бешинчида 3 ни айириб, олтинчисини 3 га бўламиз ва натижада 5 ҳосил бўлади.

Куйида турли вариантили сонлар қатори келтирилиб, улар сонлар қонуниятини машқ қилиш орқали топишга ёрдам беради:

в)	54	19	18	14	6	9	натижа сони	— 2
	301	294	49	44	11	8		— 4
	92	46	44	22	20	10		— 8
	256	37	64	31	16	25		— 4

Қонуниятларни топиш машқлари тафаккурни эгилувчан, мустақил ва тежамкор бўлишига ёрдам беради. В. В. Давидов қонуниятларга асосланган тафаккурни назарий тафаккур деб атаб, эмпирик тафаккурдан фарқли ўлароқ уни «проба ва хатолар» методига қурилганини таъкидлайди.

Юқорида сизга ҳавола этилган барча машқлар ва ўйинлар, тестлар бир қарашда жуда оддий ва бир қарашда сунъий вазиятларга алоқадорга ўхшайди. Лекин аслида айнан ана шундай машқлар Сиздаги интеллектни янада ўстириш, унинг чегарасини кенгайтириш ва шу орқали мустақил фикрлаш малакаларини янада ривожлантиришга ёрдам беради.

Машқларни бажаришда ва унинг натижалари билан ўртоқлашганда юқорида таъкидлаганимиз — муомала ва мунозара маданияти тамойилларини сира ёддан чиқарманг. Ҳар кимнинг ўз фикри бор ва бу жуда яхши сифат. Узаро фикр алмашинуви жараёнининг тўғри йўлга қўйилиши эса фикр захирангизни бойитади, ноёб, кутилмаган янги фикрнинг туғилишига сабаб бўлади. Ақлимиз — бойлигимиз, уни янада бойитиш ва тарбиялаш учун куч ва ирода, тинимсиз меҳнат керак!

Юқорида тавсия этилган ҳар бир машқقا ўхшашиб машқларни ўзингиз мустақил тарзда тузиб, уни ўқитувчингиз билан бирга ўртоқларингиз гуруҳида ғуҳокама қилинг, бир-бирингиз тузган машқларни биргалиқда ечиб, натижаларни таҳтил қўлсангиз, қанчалик ана шу ақлий ишингиздан ўзингиз қониқиши олаётганингизни сезасиз. Сизга омад ёр бўлсин!

Пулни ишлатсанг озаяди, ақлни
ишлатсанг, саýқал топиб, күпаяди.

Оталар сұзи.

Учинчи қисм

ИЖОДИЙ ТАФАККУР ВА МУСТАҚИЛ ФИКРЛАШ

ИНТЕЛЛЕКТ ВА МУСТАҚИЛ ФИКР

Масалага ёндашув тарихидан. ХХ асрга келиб жуда күп нарсалар инсон ақлу заковатига, унинг интеллектига бевосита боғлиқ бўлиб қолди. Ақл чироғи ёвузлик ва жаҳолатни енгиб, инсоният тараққиётига йўл очиб берди. Ҳозир сиз — бизни ҳайратга solaётган илму фан ютуқлари, замонавий илфор технологиялар айнан инсон ақлу заковати ютуқлари эвазига қўлга киритилганигини яхши биламиз.

Бу ўринда олимлар кўпроқ «интеллект», «сунъий интеллект» каби тушунчаларни ҳам ишлата бошладилар. Бунга асосий сабаб — инсон ақлини ривожлантириш, ундан имкон даражасида унумли фойдаланиш ва уни самарали фикрлашга ўргатиш эди. Бу масалада икки хил йўналиш ҳам пайдо бўлди. Биринчи йўналиш тарафдорларининг фикрига кўра, интеллект — наслий бўлиб, одам ё ақлли ёки ақлсиз бўлиб туғилади. Иккинчи йўналиш вакилларининг қарашлари бироз бошқача бўлиб, улар ақл — интеллектнинг бор-йўқлиги, унинг қандайлиги энг аввало унинг ташқи ўзгаришларга қандай муносабат билдириши ёки уларни қандай идрок қилиш қобилияти билан боғлиқ.

Биринчи нуқтаи назар инглиз олими, ўша Сиз яхши билган Ч. Дарвиннинг қариндоши Гальтонга тегишли бўлиб, у юқори табақа вакиллари ҳам биологик нуқтаи назардан, ҳам интеллект бўйича бошқалардан анча юқори бўлади, деган фикрни ёқламоқчи бўлган. Яна бир қизиқ нарса шуки, унинг фикрича, интеллект бўйича эркаклар аёллардан устун эмиш. Лекин унинг 10000 дан зиёд одамлар устида олиб борган текширишлари, тест синовлари энг таниқли, бир қарашда зукко инсонлар ҳам оддий одамлардан фарқ қилмаслигини, аёллар эса баъзи кўрсаткичлар бўйича эркаклардан ҳаттотки устун эканлигини кўрсатди.

Кўриб турганингиздек, одам ақлли бўлиб туғилмас экан, у кейин ҳаёти мобайнода интеллектуал сифатлар-

га эга бўла боради. Яъни, ўқиш-ўрганиш, ўз устида ишлаш ва яхши маълумот олиш шарт-шароитининг борлиги мустақил фикрлаш ва ақлни бойитиш учун жуда зарур омиллардир.

Иккинчи ёндашув ҳам давр синовларига дош бера олмади, зеро берилган топшириқларни бажаришга кетган вақтнинг камлиги ҳам интеллектнинг зўригидан дарак бермас экан. Яъни, тез нимадир дейиш ёки мулоҳаза қилиш — яхши ва самарали фикр юритиш эмас экан. Демак, жуда кўп муаммолар узоқ мушоҳада ва мулоҳаза юритишни талаб қиласди, баъзан бирдан мияга «ярқ этиб» келган фикр эса узоқ ва машаққатли ўқиш ва изланишлар натижаси бўлиши мумкин экан.

Биринчи интеллектуал тестларини яратган француз олимлари Бине ва Симонлар (Binet, Simon, 1905) ҳам фикрлаш ва интеллект тушунчаларига жуда кенг маънода қараганлар. Уларнинг фикрича, интеллект соҳиби бўлган одам шундайки, у «тўғри хукм юргазади, тушунади ва мушоҳада қиласди, ўзининг ақлу заковати ҳамда ташаббускорлиги туфайли у ҳаётнинг барча шарт-шароитларига тўғри мослаша олади».

Шуни таъкидлаш жоизки, Бине ва Симон болалар учун мўлжалланган тестларни Париждаги мактаблар маъмуриятининг буюртмасига мувофиқ яратган эдилар. Векслер деган бошқа бир олим эса катталарга мўлжалланган ақл тестларини яратди. У ва ундан кейинги психологларнинг авлодлари интеллектни айнан одамни ташқи ҳаёт шарт-шароитларига мослашувини таъминловчи омилдир, деб қарай бошлидилар.

Интеллектнинг тизими. «Интеллект» ёки фикрлашни белгиловчи ақлу-заковат яхлит бир нарсами ёки унинг таркиби айрим алоҳида қобилиятлар йигиндисими, деган масала ҳам кўпчиликни ўйлантирган. Масалан эрхотин Тэрстуонлар (Thurstone) умумий интеллект таркибига кирувчи етти хил қобилиятлар ҳақида ёзишган:


- 1) ҳисоб-китоб қилиш ёки арифметик қобилиятлар, яъни турли сонлар воситасида фикрларни баён этиш қобилияти;
- 2) вербал ёки сўзлар воситасида фикрларни баён этиш қобилияти;
- 3) вербал идрок, яъни оғзаки ёки ёзма нутқни идрок қилиш ва тушуниш қобилияти;
- 4) фазовий мослашув (фазодаги турли хил предметлар ва шаклларни тасаввур қила олиш тезлиги);

- 5) хотира (маълумотларни эсда олиб қолиш, эсда сақлаш ва эсга тушириш қобилияти);
- 6) муроҳаза юритиш қобилияти, яъни илгариги тажрибага таянган ҳолда турли мураккаб муаммolarни ҳал қилиш қобилияти;
- 7) турли предметлар ёки уларнинг тасвиirlаридағи умумийлик ва фарқни идрок орқали ажратадиги тезлиги.

Юқоридаги қобилиятларнинг қай бири Сизда яхшироқ, кучлироқ ривожланган?

ТОПШИРИҚЛАР

1. Қуйида Тэрстуон томонидан таклиф этилган тест берилганд. Диққат билан қараб, ҳар бир расмда қайси күл — ўнг ёки чап акс эттирилганини аниқлашга ҳаракат қилинг.



Масалан, шундай машқ: қуйида 5 та шакл келтирилган.



A

B

C

D

E

Улар орасидан шундайини ажратингки, у бошқалардан битта жиҳати ёки белгиси билан фарқ қилсин.

Агар Сиз В фигурасини танлаган бўлсангиз, сизни табриклиймиз, қойил! Сиз тўғри жавобни топгансиз. У фақат тўғри чизиқлардан иборат бўлган ягона шаклларига тўғри.

Сиз бу топшириқни курсдош ўртоғингиз билан ҳам бажариб кўринг. Агар у С шаклини танлаб, у асимметрик учлари билан бошқалардан фарқ қиласди, деса, унга ҳам эътироз билдираманг. Агар кимдир А шаклни танлаган бўлса, бу ҳам хато эмас, чунки унда ҳам бирорта ўткир бурчак йўқ. Ва ҳоказо бошқаларда ҳам биттадан ўзига хос қирра мавжуд. Демак, ҳамма жавоб тўғри, бу Сизнинг ёндашувингизга боғлиқ экан.

Мактабда ўргатилмайдиган машқлар. Юқорида ечган машқга ўхшаш топшириқлар жуда кўп. Лекин шу вақтгача дарслар жараёнида Сизни кўпроқ битта, ягона тўғри жавобга эга бўлган машқлар билан банд қилиб келишган. Аввалги дарслардан биридаги арифметик қатордаги етишмаётган сонни топиш ҳам ана шундай ягона тўғри жавобни топишга мўлжалланган машқлардандир. Бу, албатта, ёмон эмас. Алгебра ва математика дарсларидағи барча масалалар айнан шунга қаратилган ва уларнинг Сиздаги ақлий камолотга фақат ижобий таъсири бор.

Лекин реал қундалик ҳаёт шундайки, ана шу ягона жавоб ҳар доим ҳам бизни қониқтирмайди. Тўғри жавоблар доимо бир қанча бўлади ва бу нимани қидираётганлигимиз ва нима ҳақида ўйлаётганимизга боғлиқ, холос. Айнан шу ҳолатлар янгиликлар, кашфиётлар ва буюк ўзгаришларнинг гаровидир.

Ижодий тафаккур нима? Конвергент ва дивергент фикр. Америкалик олим Гильфорд (Chilford, 1919) интеллект ҳақида ўз қарашларини илгари суриб, бу йўналишда яхшигина ишлар қилди. У икки тоифали тафаккурни фарқлади: конвергент ва дивергент. Биринчи тафаккур бизга агар бирор масаланинг фақат битта ечими бўлса, керак бўлади. Иккинчиси эса — ўзига хос, ноёб, оригинал ечим бўлишига сабаб бўлади.

Шундай қилиб, муаммонинг ечимини қидиришнинг икки йўли мавжуд экан. Айрим одамлар ҳар қандай масаланинг битта ечими бор холос, деб ҳисоблаб, ўзларида бор бўлган билимлар ҳамда мантиқий фикрлаш қобилиятларини ишлатадилар, бу — улардаги конвергент тафаккур ҳисобланади. Бошқалар эса аксинча, ҳар қандай муаммони турли томондан шарҳлаш ва

ечимни топишга ҳаракат қилиб, кўпинча ноёб фикрлар устидан чиқадилар. Бу — дивергент тафаккурдир.


Кўпчилик болалар мактаб йилларидан бошлаб, айнан конвергент тафаккур билан иш кўрганларки, бу ҳолат кўпчилик предметларнинг талаби ҳисобланган. Ижодий тафаккурли, оригинал фикрловчилар бундан фақат азият чекканлар, холос. Масалан, машхур Эйнштейн мактабда ўқиши ёқтиргмаган ва жуда ёмон ўқиган. Бунинг сабаби унинг хаёли паришонлиги ёки интизомсизлиги эмас эди, албатта. Ўқитувчиларнинг унга нисбатан эътиrozлари шу эдики, у саволларга кўпинча савол билан жавоб қайтарарди, масалан, учбурчакни кўрсатиб, «Бу нима?» деган саволга жавоб бериш ўрнига «Агар у тўнтирилиб кўйилса, нима бўларди?», «Агар вақт бўлмаганида нима бўларди?» каби ноўрин саволлар билан ўқитувчиларни қийнарди. Бунинг сабаби оддий эди: Эйнштейн ёшлиқданоқ дивергент — ностандарт тафаккурга эга бўлган.

Ижодкорлик хислатлари. Ижод аҳлини оддий одамлардан қандай фарқлаш мумкин? Биринчидан, масала ўртага ташланса, ижодкорлар унинг ечимиға алоқадор бир қанча таклифларни илгари сурсалар, оддий одамлар фақат битта ёки иккита таклиф билан чекланадилар.

Иккинчидан, ижодий тафаккурли инсон учун бир масаладан иккинчисига, ёки бир масаланинг бир томонидан иккинчи бир томонига ўтиб фикрлаш унчалик қийинчилик туғдирмайди, қолаверса, бу унга ёқади ҳам.

Ниҳоят, ижодкор одам оригинал, ўзига хос, ноёб тарзда фикр юритади, унинг фикрлари мустақил, тиник, биронкиига ўхшамаган бўлиб, кўпинча файри табиий ечимларни ҳам топа олади. Ижодий шахс осмондаги булутларга қараб, уларда ҳайвонлар ёки бирор бошқа нарсаларнинг аксини, силуэтини кўриши, тоғларга боқиб, уларда тимсоҳнинг калласини кўриши, тиш ювадиган шётка ёрдамида 20 хилдан ортиқ ишларни бажариши ёки газетадан турли-туман нарсалар ясаси мумкин.

МАШҚЛАР




Оригинал жавоб топинг: Бу нима?

Одатдаги жавоб: стол устида қандайдыр нарсалар.



Оригинал жавоб: оёқ панжалари.

Мана бу топшириққа қандай жавоб берган бўлардингиз?

Расмни тўлдиринг:



Оддий жавоб:



Оригинал жавоб:



Кўриб турганингиздай, оригинал жавоб доимо ҳам оддийдан кўра мураккаброқ ва ўзига хос бўлади.

Кўйидаги топшириқларга иложи борича кўп жавоблар қидиринг. Таклиф этилаётган предметларни қандай мақсадларда ишлатиш мумкинлиги хусусида кўплаб ўзига хос жавоблар қидиринг. Масалан, жундан тўқилган пайпоқчани нима мақсадларда ишлатиш мумкин:

- тўқилганини бузиб ташлаб, янгидан шарф қилиб тўқиш мумкин;
- илон чақиб олганда жгут қилиб тасма ўрнига ишлатиш;
- қўлқоп ёки бош кийим ўрнида кийиш;
- пул солиб юриш учун қопча;
- стол устини артиш учун латта;
- тешик-туйнукларни беркитиш учун, совуқ кирмаслиги учун;

- түқишигналари (спицаларни) солиб қўйиш учун қопча;
- узумларни қушлар еб кетмаслиги учун қопча;
- кир ювиш порошогини реклама қилиш учун ва ҳакозо.

Худди шунга ўхшатиб, қўйида бериладиган предметлар учун ҳам ишлатиш йўлларини топинг.

«Қофоз пуллар», «Эски газ плитаси», «Мева шарбати», «тиш ювиш чўткаси», «қалам».

Топшириқни бажариш пайтида қўлингизга соатни олинг-да, 1 минут давомида нечта фоя келганини қайд қилинг. Шуни ёдан чиқармангки, 1 минут мобайнида 6 та фоянинг мияга келиши — ўта иқтидорли ва ижодкор шахсларга тегишли.

Ўзгаришлар дунёси. Дунёни кимлар ва қандай қилиб ўзгартирадилар, деган савонни ўз олдингизга қўйиб қўрганмисиз? Албатта, кашфиётчи, ижодкор одамлар, уларнинг фикрлаш тарзлари бошқаларнидан фарқ қиласиди. Ижодкорнинг ижоди нима асосида курилади? Илгари таъкидлаганимиздек, бу ерда ҳам қизиқувчаликнинг роли катта. Ижодкор ва кашфиётчи ҳамма нарсани билгиси келади. Уни ҳамма нарса қизиқтиради: қадимги тарих, техника, мўйқалам, ўймакорлик, замонавий технологиялар, гуллар ва б. қ. Унинг ўзида бу қизиқишилар қачон, қаерда ва нима сабабдан уйғунлашади-ю, миясида янги фоя пайдо бўлади? Балки у ҳозир, мана шу дақиқада туғилар, балки бунга йиллар кетар, лекин у албатта қачондир туғилиши муқаррар. Менделеевнинг машхур жадвалининг туғилиш тарихини биласизми? Б. Кедровнинг ёзишича, олим бўлажак кашфиётини интуитив тарзда сезган. «Ҳаммаси калламда-ю, жадвалга туширолмаяпман» — дея ташвишланиб юрган кунларининг бирида унда бирдан «интуитив ойдинлашув» рўй берган, рўй берганда ҳам ўнгидаги эмас, балки тушида рўй берган экан. Чарчаб иш столи тустида ухлаб қолган кунларининг бирида у тушида ўша машхур даврий жадвалини қўрган. Уйғониб ўша заҳоти уни оқقا туширган. Туш билан ўнгини фарқи шу бўлганки, тушида енгил моддалар оғирларнинг тагида жойлашган бўлган, олим ўнгидаги уларни тўғрилаб, ўз ўрнига ёзиб чиқсан.

Кашфиёт ва билим. Лекин ҳар қандай кашфиёт ёки ихтиро учун фақатгина қизиқувчаликдан ташқари яна билим зарур. Мустақил фикрлаш ва ижод

қилиш учун жуда қўпгина билимлар керак. Бу ўринда яна бир нарсани унутмангки, билимларнинг бисёрлиги ва ниҳоятда қўплиги ҳам мустақил фикрлаш учун етарли эмас. Чунки, ҳаётда жуда кўп нарсани биладиган, китобларни тинмай ўқийдиганлар кўп, лекин уларни янгидан-янги фикрлар туғилиши учун етарли деб бўлмайди.

Мустақил фикрли ижодкор шахс ҳар қандай маълумотга онгли, бошқача бир янги ёндашув билан қарашга мойил бўлади. Демак, бир информацияга турли томондан ёндашиш, миядагиларни доимо «ковлаб» туришдан қўрқмаслик керак экан-да. Ҳар қандай маълумотга, муаммо ёки вазифага ҳар ёқлама қараб, тажрибангизни қўллашдан сира тортишманг.

Тўғри, бу йўлда айрим қийинчиликлар, хатоликлар бўлиши табиий. Ҳамма ҳам бу йўлни босиб ўтади. Лекин хатоликлар ва адашишлар ҳам — тажрибадан, ўзингиз учун тўғри хулосалар чиқаришга ўрганинг.

Шундай қилиб, ўзгарувчан ташқи оламга ихтиорчи, ижодкор кўзи билан қарашга ўргансангиз, Сиз ўзингиз учун янги имкониятлар ва ўзгаришлар оламини кашф этасиз.

Ижодий ёндашиш йўллари ва унга мисоллар.

Ҳар қандай кашфиёт оддийгина, кундалик ҳаётда одатий бўлиб қолган нарса ва ҳодисаларга бошқачароқ қараш орқали содир бўлади. Янгилик шундан иборатки, ҳамма назарида табиий, оддий бўлиб кўринган нарсага бироз бошқачароқ назар билан қарашдир. Қўйида берилаётган машқларда ҳам Сиз ҳар хил қараш билан турли нарсаларни «кашф» қилишга ҳаракат қилинг.

1-МАШҚ.

Кексайиб қолган подшоҳ таҳтни икки ўғлидан бирига беришга қарор қилди. У иккала ўғлига мурожаат қилиб, отда пойга қилишга ва кимнинг оти охирида келса, унга таҳтни бериш қарорини билдириди. Ҳар бир ўғил пойга пайтида шу нарсадан қўрқибдики, мабодо ҳийла ишлатса, отлардан бири секинроқ юрадиган бўлиб қолишидан. Шу қўрқув уларни саройдаги бир масхарабозга ўз дардларини айтишга мажбур қилибди. Масхарабоз атиги икки сўзни айтди, уни эшитган шаҳзодалар ўша заҳоти отларига миниб, пойгага отланибдилар. Масхарабоз нима деди экан?

2-МАШК.

Бу қандай шакл? Унда неча хил шаклни күряпсиз?



3-МАШК.

6 та гугурт чўпидан олиб, улардан 4 та томонлари тенг бўлган учбурчаклар ясанг, уларнинг ҳар бири ҳар бир учбурчакнинг бирор томони бўлиб хизмат қилсин.

Демак, юқоридаги масалаларни ечиш учун сизга тафаккурдаги стереотиплардан озод бўлиб, эркин фикрлаш керак бўлди.

Қуйидаги машқлар ҳам Сизни тафаккурдаги ўрнашиб қолган одатлар-стереотиплардан халос бўлишга ёрдам беради. Масалан, қуйида римчасига ёзилган етти сони берилган. Унга биргина чизиқча тортиш йўли билан саккиз сонига айлантиринг.

Жавоб жўнгина, тўғрими? VII олдига биргина вертикал I чизигини тортсангиз, VIII сони ҳосил бўлади. Эндиғи пастдаги мисолда римча тўққиз сони ёзилган — IX. Биргина чизиқ тортиш йўли билан уни VI сонига айлантириш керак.

Баъзилар бу масалани ечиш учун ўртадан битта горизонтал чизиқ тортиб, сўнгра расмни тескарисига ағдариб, VI сонини ҳосил қиласди. Бу мисолни бошқачароқ ўйлаб ҳам ечиш мумкин: узмасдан битта чизиқ билан лотинча S ҳарфини ёзсангиз, «SIX», яъни инглизча олти сўзи пайдо бўлади. Чунки битта чизиқ дегани албатта битта тўғри чизиқ дегани чизиқ дегани эмас-ку, чизиқ эгрироқ ҳам бўлиши мумкин.

Кўриб турганингиздек, битта мисолнинг ўзида бирданига иккита стереотипнинг гувоҳи бўлдик: биринчи — чизиқ албатта тўғри бўлади, деган фикрнинг ва иккинчи — бу сон албатта римча бўлиши керак, деган фикр. Бундай фикр ва онгга ўрнашиб қолган стереотипдан қутулиш унчалик осон ҳам эмас.

Келинг, айнан шу мисолда яна бошқа вариантларни ҳам ўйлаб кўрайлик. Агар 6 сонини IX нинг орқасига ёзсан, «1 X 6» ҳосил бўлади. Демак, ҳар бир белгига бироз бошқача қараш масалани ўзига хос тарзда ечишга

олиб келиши мүмкін экан. Шундай қилиб, билимлар түрлича шаклда ҳаммамизда бор, фақат ҳар бир алоҳида вазият ва ҳолатларда улардан омилкорона фойдалана олиш, фикрни әгилувчан қилишни билсак бас.

Ижодий фикрлаш ва хаёл. Юқоридаги машқуларни түғри ечишда Сизга катта ёрдам берган билиш жараёнларидан бири хаёлдир. Хаёл — ниманидир ёки кимнидир ўй-фикрда тиклаш жараёнидир. Хаёл бевосита фикрлаш билан боғлиқ бўлгани учун ҳам жуда катта аҳамиятга эга бўлган жараён ҳисобланади. Хаёл бизга қачон керак бўлади? Қачонки, бизнинг кўз ўнгимизда ноаниқлик, мавхумлик кўпайиб кетганда. Шунинг учун ҳам сизга аниқ фан предметлари доирасидан чиқиш ва янги, оригинал фикрлаш керак бўлганда хаёл — фантазия кучаяди. Фантазия қанчалик бой бўлса, шунча яхши. Биласизки, ёш болаларда хаёлпаратлик кучли, чунки уларда аниқ, конкрет билимлар етишмайди. Катталарга эса хаёлпаратлик ижод қилиш арафасида кўл келади. Лекин муҳим илмий ихтиrolарда хаёл жараёнлари аниқ билимлар ва илмий аргументлар билан қоришган бўлади. Шунинг учун ҳам қуйида берилган машқулар орқали сиз ўз хаёл — фантазиянгиз қандайлигини бир текшириб кўринг.

МАШҚЛАР

1. Ўзингиздаги ижодий тафаккурнинг ривожланганлик даражасини аниқланг ва бунинг учун қуйидағи машқуларни бажаринг:

а) Тасаввур қилингки, Сизда диаметри 30 мм бўлган ёғоч шар бор. Шу предмет воситасида имкон борича кўп предметларни қофозга чизинг ва уларнинг номларини ҳам ёзиб чиқинг. 5 минут мобайнила нечта предметни тасаввур қила олдингиз? Ўз расмларингизни ўртоқларингизни билан солиштиринг. Ҳар бир оригинал предмет учун ўзингизга 2 балл, ўртоқларингизни билан бир хилларига 1 балл қўйинг. Агар сиздаги предмет ниҳоятда оригинал ва ноёб деб топилса, 4 балл оласиз.

б) 5 минут ичida оддий қаламдан қандай мақсадларда фойдаланиш мүмкнлигини топиб, ёзинг. Жавобларингиз кулгили ҳам бўлиши мумкин, масалан, хамир ёйиш учун ўқлоғ, лекин «қофозга чизиш куроли» ёки «деворга расм чизиш куроли» десангиз, иккала жавоб бир хил ҳисобланади. Худди шу усулда сутдан бўшаган пакетни нима қилиш мүмкнлигини топинг.

Жавобларни бошқаларники билан солиштиринг: ҳар бир янги топилма — 1 балл, оригинал, ноёб топилма — 2 балл.

в) 20 минут давомида қуйида берилган учта сўзлардан имкон борича кўпроқ жумлалар тузишга ҳаракат қилинг:

- ◆ шамол, сув, велосипед;
- ◆ машина, кино, гилос;
- ◆ олма, ёнгин, ҳайрат;

Ҳар бир жумла ёки гап 2 баллдан баҳоланади. Агар гап жуда ноёб, ўзига хос бўлса, яна 2 балл қўшинг.

Ҳамма тўплаган балларни жамлаб, гуруҳдаги ўз рейтингизни аниқланг.

Демак, қандай хулосалар чиқариш мумкин?

1. Ўз фикрларини тўғри йўналтира оладиган одамини биз зиёли, интеллигент деб аташимиз мумкин. Интеллигентлилик — замонавий инсоннинг муҳим сифатидир.
2. Интеллект соҳиби албатта ижодкор ҳам бўлиши керак. Ижодий тафаккур ўз эгасини шаблонларсиз, стереотиплардан холи фикрлашга имкон беради. Йўқ сифатларни бор нарсада кўра олиш, ҳар бир предметда бир нечта хосса ва сифатларни кўра олиш — ижодий фикрлашнинг асоси бўлиб, бу сифат ҳаммага керак ва у ихтиrolар ва кашфиётларга олиб борувчи йўлдир.
3. Конвергент тафаккур яхши, лекин диверген тафаккур ноёб, оригинал фикрлашнинг асосидир. Фикрингизнинг ва ўз имкониятларингизнинг чегарасиз эканлигини унутманг.
4. Ижодий ёндашув йўлларини аниқланг ва Сизгагина хос бўлган ижодий тасаввур ва тафаккур хислатларини билишга интилинг.
5. Мустақил фикрлаш учун фантазиянинг ролини камситманг. Сиз қанчалик хаёлингиз имкониятларини тўғри фикрлашга йўналтира олсангиз, тафаккурингиз шунчалик ўткир ва ноёб бўлади.
6. Биз таклиф этган машқлар ижодий фикрлаш учун етарли эмас, Сиз ўртоқларингиз билан мустақил равишда машқ қилишга ўрганинг.
7. Мустақил, ижодий фикр ва тафаккур маҳсулотлари ўзгаларга билдирилганда, жамиятга манфат келтиргандагина аҳамиятли ва қадрли эканлигини унутманг. Бунинг учун ижодий тафаккур маҳсули бўлмиш фикрларингизни ўзгаларга изҳор этиш ва мустақил фикрни намоён этишга ҳам ўрганишингиз керак.

Цивилизациянинг муҳим вазифаси —
инсонларни фикрлашга ўргатишидир

Т. Эдисон

Тўртинчи қисм

МУСТАҚИЛ ФИКРНИ ИФОДАЛАШ

МУСТАҚИЛ СЎЗЛАШ МАҲОРАТИ

Тилимиз ва сўзларнинг тарбияловчи кучи. Тилимиз — дилимиздаги ўй-фикрларимизни ифодалаш воситасидир. Биз унинг ёрдамида ҳар куни, ҳар бир дақиқада амалга оширадиган ишларимиз, муаммоларимиз ҳамда қувонч-ташвишларимизнинг моҳиятини англаймиз. Жон Локкнинг тилни икки хил маънода ишлатиш мумкинлиги тўғрисидаги ушбу фикри диққатга сазовордир: «фуқаровий (civil)» ҳамда фалсафий маънода. «Фуқаровий маънода тил ва у орқали ифодаланадиган фикр ва ғоялар изҳорини мен шундай тушунаманки, у одатий, кундалик ташвишлар ва таниш маълумотларни, ҳар куни бўлиб ўтаётган ҳодисалар тўғрисидаги фикрлашни назарда тутади... Сўзларнинг фалсафий маънодаги ишлатилишини эса умумий жумлаларда аниқ текширилган ва ҳақиқаттага айланган маълумотларни етказиш воситасидаги шаклини тушунаман».

Демак, тил ва унда ифодаланадиган сўзларнинг амалий ва ижтимоий моҳиятини ажратиш мумкин экан. Амалий нутқ малакалари одамларнинг кундалик муомала ва мулоқот жараёнида шаклланиб, сайқал топади. Ижтимоий йўналтирилган нутқ малакаларига эса одамлар ўргатилади. Бунда Сиз мактабда, таълим масканларида ўзлаштирган турли-туман фанлар ва улар орқали онгга етиб бораётган маълумотларнинг ўрни ва аҳамияти беқиёсdir. Ўқимишли, зиёли ва фикрли инсон учун табиий фикрлашнинг аниқ сўзлар ва исбот талаб қилмайдиган, асосланган билимларни ўз ичига олган шакли зарур. Бунинг учун бола ўзидағи сўзлар заҳирасини оддийгина механик тарзда ошириб бориши эмас, балки англанган, мақсадга йўналтирилган заҳирасининг бойиб, кўпайиб бориши кўпроқ аҳамиятли ҳисобланади.

Буни чет тилларидан бири, масалан, инглиз тилини ўзлаштириш мисолида ҳам билиш мумкин. Сизга шу нарса маълумки, кундалик дарс жараёнида ҳар куни

инглиз тилидаги сўзлар захираси ортиб бораверади. Алоҳида-алоҳида сўраганда, кўпгина сўзларни ҳозир ҳам биласиз. Лекин кўпчиликдаги муаммо шуки, у шу сўзлар ёрдамида ўзидағи фикрларни эркин тарзда баён этиб кетавермайди. Чунки ўша сўзлар илмий, тажрибий, ҳақиқатга айланган билимларга айланмаган. Улар сиздаги фикрлар «активига» кирмаган, бунинг учун эса тажриба, илм, тинимсиз турлича адабиётларни ўқиш, уларни мулоқотда ишлатиш зарурлигини билсангиз керак. Оддий она тилимиз ҳам шундай.

Илк ёшлиқданоқ минглаб сўзларни эшишиб, улар орқали ўз ҳис-кечинмаларимизни ифода этиб юрган бўлсак ҳам, ҳаммамиз нотиқлик маҳорати ва санъатига эга эмасмиз. Бунинг учун ҳаммамизда бирдай сўзлар бойлиги етишмайди, чунки китоблар орқали ўзлаштирадиган ва оғзаки нутқимиз захирасида мустаҳкамланган сўзларимиз бойлиги унчалик катта эмас. Демак, сўзлар фикрий дунёмиз активида бўлиши керак.

Актив ва пассив лугатлар захираси. Шундай қилиб, ҳар куни бизга одатий бўлиб қолган сўзлар захирасига ишониб фикрларни баён этиш ўз қарашларини ишончли ва асосли тарзда баён этиш учун етарли эмас. Аниқ ва таъсирчан гапира олиш учун биринчидан, сиздаги сўз бойлигининг ўзи хилма-хил, кўп ва ранг-баранг бўлиши, иккинчидан, уларнинг аниқлик ва конкретлилик даражаси мукаммал бўлиши ва учинчидан, фикрларни мукаммал, мантиқли ва муҳтасар баён этиш малакаси бўлмоғи керак.

Сўзлар захирасининг бойиши нималарга боғлиқ? Энг аввало ўша биз ҳаётда тўқнашадиган нарса ва ҳодисаларнинг ўзи кўп бўлиши, улар бизнинг онгимиз ва шууримизга ижобий таъсир кўрсата олиши керак. Бу ўринда шуни ҳам қайд этиш лозимки, биз ҳаётда ўзимизга ниҳоятда ёқсан, таъсир кўрсатган ёки ниҳоятда нохуш таассурот қолдирган нарсаларни эслаб қолишга мойилмиз. Шундай бўлса ҳам бизнинг нарсалар дунёси билан бўладиган мулоқотимиз ва одамлар билан муоммалимиз жараёнида ўзлаштирадиган сўзларимиз мажмуи сўз бойлигимизнинг асосидир. Шунга кўра, инсон сўзларининг актив ва пассив захираси фарқланади. Масалан, американлик олим Ж. Дьюи актив захира деганда, биз ҳар куни кўрадиган ва эшигадиган нарсаларимиздан ҳосил бўладиган сўзлар мажмуини эмас, балки бевосита англаб, тушуниб, мулоҳаза қилиб эслаб қолиш натижасида ҳосил бўлган сўзлар захирасини

тушунишни таклиф этади. Кўриб, эшитиб туриб жойида мушоҳада қилганда ишлатадиган сўзлар пассив захирани ташкил этади.

Одатда, одамда пассив захира сўзлари кўпроқ ва салмоқлироқ бўлади. Шу йўл билан ҳосил бўлган билимларимиз онгимиз томонидан унчалик қаттиқ назорат қилинмайди. Шунинг учун катта ёшли, онгли ва зиёли инсон учун, ўз мустақил фикри ва қарашларига эга бўлишни хоҳлаган мутахассис учун актив захиранинг бой бўлиши муҳим аҳамиятга эга.

Демак, гапирадиган гапимиз доимо аниқ ва равшан бўлиши, у тасодифий маълумотларга асосланган бўлмаслиги лозим экан. Агар одамнинг сўз бойлиги чекланган бўлса, у билан кунда мулоқотда бўлаётган одамларнинг фикрлаш тарзига ҳам бу салбий таъсир кўрсатиши мумкин экан.

Актив захирани бойитиш йўли. Айтайлик, сиз ўзингиз учун янги бўлган бирор илмий манбага эга бўлдингиз. Масалан, қўлингизда «Психология» дарслиги бор. Сизда табиий фанлар бўйича билимлар заҳираси анча кам бўлгани сабабли, Сиз унинг мазмунини бир ўқишида ўзлаштириб ололмайсиз. Нима қиласиз? Аввал унинг умумий тузилишини бир ўрганиб чиқасиз — мундарижаси, кириш сўзи, асосий мавзулар ва умуман ҳажми тўғрисида тасаввурга эга бўласиз. Бу ориентировка — мослашув босқичидир. Кейин унинг мавзуларини алоҳида ўргана бошлайсиз. Ичингизда бир ўқишида уни тўла моҳиятини тушунишингиз қийин. Сиз кичкина болалар қўллайдиган усуслни қўлланг — яъни, ташки қаттиқ овоз билан алоҳида муҳим жойлари ва таърифларни ўқинг. Керак бўлса, қайта-қайта ўқинг. Миянгизда бир тизимга тушгач, материал ичингизда ўқисангиз ҳам бўлади. Лекин ҳар бир қонуниятни тўла англаб ўқиш шарт. Масалан, «Шахс» мавзуси бўлса, ўқиб тугатгач, иложи бўлса, ўша ерларни қаттиқ баланд овозда яна бир маротаба тақрорланг. Уялманг, энг катта нотиқлар ҳам ўз нотиқлик маҳоратларини ана шундай бошлаганлар. Керак бўлса, ойна олдида туриб, ўзингизга жуда ёқиб қолган жойларни ифодали айтинг. Бунда нафақат сўзларнинг маъноси ва қандай ифода этаётганингизга, балки товушингиз, қилиқларингиз, юз ифодаларингиз, кўз боқишига ҳам эътибор беринг. Чунки улар ҳам сиздаги фикрнинг қанчалик муҳимлиги ва яхшилигини аудиторияга уқтирувчи омиллардир. Ана шундан кейингина мавзуни синфдошларингиз ёки дўстларингиз ол-

дида ўз сўзларингиз билан моҳиятини ва мазмунини бузмаган ҳолда айтиб берсангиз, шу мазмун Сиздаги актив захирага ўтади.

Пассив захира ҳам керак, лекин мустақил тарзда ўз фикрларни баён этиш учун албатта актив захира бой бўлиши керак.

Босиқлик — ўзига ишончнинг белгиси. Фикрни баён этаётганингизда албатта, ўзингизни тўла босиб олишингиз, имкони борича ўзингиздаги ҳаяжонни бирорларга сездирмаслигингиз керак. Шунинг учун иложи борича босиқлик билан бир текисда гапиришга ўрганиш керак. Масалан, космонавтларнинг эмоционал ҳолатларини, тренировкалар жараёнида бўлғуси учишдан қўрқаётганлигини асосан уларнинг овози бўйича аниқлашади. Демак, товушимиз устида ишлаш ҳам ишончнинг ва дадилликнинг муҳим бўғини экан. Шунинг учун ҳам биз қуйида Сиздаги ишонч ва босиқликни тарбияловчи бир нечта машқларни ҳавола этмоқдамиз. Бу машқларни мустақил равишда алоҳида уйда ҳам бажариш мумкин ёки уни синфда ўртоқлар билан биргаликда ҳам бажариш мумкин.

1-МАШҚ.

Бу машқ маълум эмоционал ҳолатга «ҳозирланиш» деб аталади. Ҳаёлан ҳаяжонли ва ташвишли бирор ҳолатни бирор мусиқа, гул, пейзаж ёки яхши бир қилиқ билан боғлаш керак; босиқ, тинч ҳолатни эса яна бошқача бир нарсалар билан, ишончли, тетик ҳолатни яна бирор нарса билан боғлаб, ҳаяжонланган пайтингизда аввал биринчи нарсаларни кейин иккинчисини, сўнгра учинчисини бир неча марта қайтариб кўз олдингизга келтира олинг. Бу машқни бир неча марта қайтарсангиз, албатта натижа бўлади.

2-МАШҚ.

«Ёқимли таассурот» деб номланган машқда, шундай ҳолатни ёки вазиятни тасаввур қилингки, унда сиз ўзингизни жуда яхши ҳис қилган, тинчланган, бўшашган бўлинг. Бу ҳолатни иложи борича ёрқин бир тусда кўз ўнгингиздан ўтказолсангиз, янада яхши бўлади.

3-МАШҚ.

«Роль ижро этиш». Сиз учун оғир ва ҳаяжонли вазиятда шундай образга тақлид қилингки, у сизга жуда ёқсан инсонлар сиймосида гавдалансин, масалан, яқин кишинингиз, яхши кўрган фильм қаҳрамонингиз ва ҳ-зо. Ўша қаҳрамон

ўрнида ўзингизни тасаввур қилиб, унинг ҳаракатлари, қиликлари ва ҳатточи, төвшүларини ҳам ўхшатиб ижро этишга уриниб кўринг.

ТОПШИРИК.

Нотиклик маҳоратини оширишга оид тавсия этилган адабиётлардан бирини олиб, ундаги бир бобни тўла ўзлаштириб, актив захирага айлантирганингизни курсдошларингизга исбот қилиб, аудиторияда намойиш этинг.

Луғатнинг аниқлиги ва конкретлиги. Ҳар биримизда ҳаётимиз мобайнида сўз бойлигимиз ортиб, лугатимиз кенгайиб боради. Ўз фикрларимизни мустақил тарзда баён этиш учун эса ана шу луғатни ташкил этувчи сўзлар аниқ, равshan, англанган ва конкрет бўлиши муҳим. Масалан, кўпчилик болалар мультфильмларни жуда севиб томоша қилишади. Улардаги қаҳрамонларнинг кўпи ҳайвонлар бўлиб, улар ижобий персонажлар сифатида ҳам кўрсатилади. Масалан, Гена исмли тимсоҳ ҳақидағи фильмни ҳамма кўрган. Уни томоша қилган бола тасаввурида тимсоҳ ҳақиқатан ҳам меҳрибон, яхши бўлиб гавдаланади. Агар шу болани ҳайвонот боғига олиб бориб, тимсоҳни кўрсатсангиз, у бола силаб-суйишга ҳам тайёр бўлади. Нега? Чунки, нарсалар тўғрисидаги бизнинг таассуротларимиз одатда дастлаб юзакироқ бўлади, улар атрофида қўлланиладиган сўзлар ва тушунчалар ҳам шунга яраша юзаки, ноаникроқ бўлади. Улар билан бир неча марта тўқнаш келгач, одам унинг маъноси ва мазмунини аникроқ била бошлайди ва ўзича талқин қила бошлайди. Ана шунинг учун ҳам бир марта кўрган нарса ҳақида дадил гапиравериш ёки юзаки бир марта ўқиб чиққан китобдаги қонуниятлар ҳақида таваккал сўзлаш одамни нокулай аҳволга солиб қўйиши мумкин. Шунинг учун ҳар бир нарсанинг туб маъносига этиш зарур. Баъзан, ўқитувчилар ҳадеб мураккаб илмий терминлар ва жумлаларни айтиб дарс тушунтирсалар, ҳеч нарса хотирада қолмайди, нега? Чунки биринчидан, улар актив захирага ўтиш босқичини четлаб ўтди, иккинчидан, мавхум илмий тушунчаларни конкрет ҳаётий мисоллар билан тасдиқлаш рўй бермади. Натижада, кўпчилик дарснинг асл моҳиятини тушунмади.

Шундай қилиб, бирор нарса ёки муаммо хусусида ўз фикрингизни баён этмоқчи бўлсангиз, барча тушунган ёки ўзлаштирган билимларингизнинг қай даражада аниқ ва конкретлигини синааб кўринг. Бунинг энг маъқул

йўли — маъруза тайёрлаш ва унинг режасини мустақил тарзда тузишдир. Масалан, машҳур америкалик нотиқ ва психолог Дейл Карнеги минглаб тингловчилари ва муҳлислари олдига чиқиш олдидан шундай тайёргарлик кўрар эканки, у барча айтмоқчи бўлган гапларининг қисқа муҳтасар режасини кичик қаттиқ қоғозга, баъзан оддий гутурт қутичани устига ёзib олиб, шуни асос қилиб олган ҳолда 2—3 соат мобайнида ниҳоятда таъсирли ва қизиқарли маърузалар қиласкан.

Сиз ҳам кейинги дарсга маъруза тайёрланг. Унинг муҳтасар режасини тузинг ва 10 дақиқа мобайнида конкрет жумлаларда ўз фикр-қарашларингизни баён этинг.

Мантиқий узвийлик ва муҳтасарлик. Илгари таъкидлаганимиздек, бизнинг ҳар бир фикримиз тушунчалардан иборат. Тушунчалар бошқа бир тушунчалар билан уйғунлашса, конкрет жумлаларга бирлашади, улар ўз навбатида бошқа бир жумла ёки ҳукмларни келтириб чиқаради ва шу тариқа янги-янги фикрлар туғилаверади. Ўз фикрларини жумлаларда баён этиш бўйича ҳам одамлар ҳар хил бўлишади. Эътибор беринг-а, ўқитувчиларингиз узун ва бир қанча алоҳида тушунчалардан иборат бўлган жумлалар билан гапиришади, сиз бунга ўрганиб қолгансиз. Ўқувчилар эса ўқитувчи томонидан қўйилган ҳар қандай саволга жуда қисқа тарзда жавоб беришга ўрганиб қолишган. Ҳаттоқи, баъзан қўйилган саволга «Ҳа», «Йўқ», «Шундай бўлса керак» деб жавоб бериш билан чекланамиз. Энг қизиги шуки, шу қисқа жавоблардан ўқитувчи рози бўлади ҳам. Лекин аслида фикрлаш қандай бўлиши керак? Узоқ кириш сўзи билан бирор масаланинг моҳиятини мураккаб жумлаларда тушунтириш орқали ўқувчини ўйлантириш албатта, ўқитувчига керак. Қолаверса, бунинг учун унда етарли тажриба ва илмий салоҳият ҳам бор.

Лекин мунозара пайтида, айниқса, кўпчиликнинг фикри тингланаётган шароитда ҳар бир мунозара иштирокчиси қисқа, лўнда, жўнгина гапиришга ўрганиши керак. Лекин ўша қисқа жумлаларда ҳам мантиқ ва асос бўлиши шарт. Бу — муҳтасар фикр деб аталади. Ёзма ишларда ҳам, оғзаки гапирганда ҳам одам доимо энг керакли, асосли фикрни муҳтасар баён этишга эришиш унинг бошқалар олдидаги обрўини ҳам оширади, гапирилаётган ёки ёзилаётган фикр моҳиятини тезроқ тушунишга ҳам имкон беради. Айниқса, бундай фикр бирор мавзу юзасидан чиқиш қилиш олдидан, биринчи гапни бошлашда жуда муҳим ҳисобланади. «Душанбага-

ча омон бўлсак» фильмини эсланг. Унда «Бахт нима?» деган мавзуда иншо ёзиш топширигини ҳар ким ҳар хил бажаради. Бир ўқувчи унга учта сўз ва иккита тушунча орқали жавоб беради: «Бахт бу сени тушунишларидир». Лекин аслида бу ўқувчининг фикри ҳақиқатан ҳам тўғри ва унда бу тушунчани фалсафий тушуниш ётади. Агар сиз фикрингизни тушунмай қолишларидан қўрқиб, уни жуда майда бўлакчаларга бўлиб, батафсил тушунтиришга одатланиб қолсангиз, зерикарли сухбатдошга ва «майдалашиб» қолишга, «бачкана сухбатдошга» айланиб қолишингиз мумкин.

ТОПШИРИҚ:

«Ҳаётнинг маъноси нимада?» мавзусида аввал очиқ мунозара ўтказиб, унда ҳар бирингиз навбат билан қисқа, лўнда ва ҳамма учун тушунарли, жўн жумлаларда унга жавоб беринг. Бир киши бир неча марта фикр изҳор қилиши мумкин. Кейин уйда шу мавзуда иншо ёзиб келинг ва аудиторияда уни таҳтил қилиб, муҳтасар, лекин кучли фикрларни доскага ёзинг.

*Нотиқликда нима ҳақида эмас,
балки қандай гапиришнинг аҳамияти
каттароқ.*

Инглиз мақоли

РИТОРИКА ЁКИ НОТИҚЛИК САНЬАТИ

Инсоният пайдо бўлибдики, одамлар кўпинча тўпланиб, бир-бирларига нималарнидир уқтириш, ўргатишга эҳтиёж сезганлар. Кўпинча ана шундай пайтларда кимdir ўртага чиқиб, қолганларга мурожаат қилган. Ана шу ўртадаги одамни «гапга уста» деб ажратишиб, доимо унинг оғзига қарашга ҳам ўрганиб қолишган. Қадимги юонон ҳалқлари ана шундай ўртага чиқиб ўз фикрларини муҳтасар баён этишга одамларни атайлаб ўргатганлар ва бу санъат **риторика** деб аталган. Демак, **риторика** — нотиқлик маданияти ва санъати бўлиб, у одамда гапириш ва ўзгаларга мурожаат қила олиш маҳоратини шакллантиради.

Аслини олиб қараганда, ҳар бир инсонда яхши, чиройли, таъсирчан гапириш эҳтиёжи, истаги бўлса керак ва бу эҳтиёж фикрлаш каби табиий ва зарурдир. Чунки ҳаётда жуда кўп шундай ҳолатлар бўладики, айнан «айтилган гап — отилган ўқдай» инсон тақдирини, одамларнинг унга муносабатини белгилайди.

Инсоний муносабатлар соҳасида буюк мутахассис ва психолог Дэйл Карнегининг кучи ва машҳурлиги аввало унинг гапириш ва ўзгаларни тинглаш қобилияти туфайли қўлга киритилган. У бир вақтнинг ўзида минглаб одамларга мурожаат қила олар ва унинг тингловчилари вақт қандай ўтганлигини ҳам сезмай қолишар экан. Хўш, шундай ютуқقا қандай эришиш мумкин?

Фикрларингиз жуда бой ва ноёб бўлиши мумкин, лекин уларни муҳтасар ва ўзгалар қалбидан жой оладиган қилиб етказиш муҳимроқ экан-да. Шу ўринда инглизларнинг юқорида келтирган мақоли ўринлидир: «Нима ҳақида гапириш эмас, балки у ҳақда қандай гапириш муҳимроқ». Қандай гапириш эса ўзгалар устидан устунликнинг асосидир.

Нотиқлик қобилияти: тугма ёки орттирилган? Айрим одамлар нотиқлик — Олллоҳнинг инояти, одам шу қобилият билан туғилади, деб эътироф этишади. Бошқалар эса — бу одамнинг ҳаёти давомида, ўз устидан ишлаши, билимларини бойитиб бориши ва тажрибасини орттириб бориши оқибатидир, деб таъкидлайдилар. Хўш, қайси бир фикр ҳақиқатга яқин. Муҳтасар қилиб агар жавоб берадиган бўлсак, иккала ёндашувда ҳам жон бор. Чунки нотиқлик маҳорати энг аввало қуйидаги сифатларга боғлиқ:

- ◆ Оллоҳ берган **табиий қобилият**, яъни руҳан ўзгаларга ўз фикрларини баён этиш, уни чиройли ўринли қилиб етказишга мойиллик аслида бўлиши керак;
- ◆ **топқирлик**, бу сифат кейинчалик ривожланади ва унинг ривожи учун билим, билим яна билим ҳамда тажриба зарур;
- ◆ **чиdam, бардош**, бу иродага алоқадор сифат бўлиб, ўз устидан муттасил ишлаш, ўз қобилиятларини мукаммал ўстириб бориш ва меҳнат қилишдан чўчимаслик учун керак сифат;
- ◆ **жасорат**, бу ҳам ҳиссий-иродавий сифат, унда ҳам тугмалик, ҳам орттирилганлик белгилари бор. Кичкинагина, оддий бир фикр ҳам ўзингники бўлса, уни бирорвлар ўртасида айта олиш ва таъсир кўрсатиш учун одамда мардлик, таваккалчилик ва жасорат керак.

Ўз нутқи воситасида ўзгаларга фикрлари ва ўйларини етказиш жараёни қуйидагича тасаввур қилинади:

I. Ким гапиряпти? (фикр эгаси)

II. Нима ҳақида гапиряпти? (фикрнинг предмети)

III. Қандай гапирияпти? (фикрлаш маҳорати)

Охиргиси риторикадаги энг муҳим томон ҳисобла-
нади ва у мукаммалиги, тилнинг равонлиги, сўзлар
бойлиги ва уларнинг ўринли ишлатилишидан ташқари,
гапириш жараёнида нотиқнинг ўзини тутиши, мадани-
яти ва қилиқларини ҳам ўз ичига олади.

Демак, ана шу учинчи таркибий қисм тўғрисида ба-
тафсилоқ гаплашамиз, чунки яхши фикр изҳор қилиш
сирлари шахснинг камолотида катта аҳамиятта эгадир.

ТОПШИРИК

Шахс тестлари ёрдамида ўзингизда юқоридаги ҳиссий-
иродавий сифатларнинг қай даражада ривожланганлигини
ўрганинг ва курсдошларингиздан яна икки кишини синааб
кўринг.

Нотиқлик сирлари. Сизда бир фикр пайдо бўлди,
дейлик. Уни бутун ўртоқларингизга айтиб, ўз қарашла-
рингизни асослашингиз керак. Демак, Сиз кўпчиликка
мурожаат қилишдек масъулиятли ишга бел боғладингиз.
Сиздан нималар талаб қилинади?

Энг аввало табиийлик, эркинлик ва ақл керак. Бир
қарашда жўнгина туюлган ана шу учала сифатларга
эга бўлиш учун тайёргарлик кўрмасангиз бўлмайди.
Шу ўринда савол пайдо бўлиши мумкин: нега «ақл»
учинчи ўринда берилди, деган. Гап шундаки, одам
ўртага чиққанда ўзини биринчи навбатда эркин ва
табиий тута олмаса, у билган билимлар ҳам гўёки
қаергадир яширингандай, юзага чиқмайди, яъни
ҳаяжон ва тортиниш хавотирликни келтириб чиқара-
дики, бу ҳолатлар мияни худди «тормозлаб», ақдли
сўзларнинг мантиқий узвийликда баён этилишига ҳала-
қит беради. Демак, энг аввало ўзингизни эркин ва
табиий тутишга тайёрланинг!

Доска ёки минбар олдига чиққанда, ўзингизда яхши
эмocioнал ҳолатни ҳосил қилиш учун:

а) дадил ўртага чиқинг, гўёки бу иш Сизга ниҳоятда
таниш ва табиийдай;

б) ўтирганлар орасида ўзингизга таниш (агар бу
нотанишроқ аудитория бўлса) одамни ёки ўзингиз
ёқтирган чехрани, самимий боқиб турган кўзларни
қидириб топинг ва гўёки, шу кўзлар Сизга савол
берган-у, Сиз унга бажонидил жавоб беришга тайёр
эканлигинизни билдиринг;

в) чуқур нафас олиб, қисқа, лўнда жумлалар билан сўзингизни бошланг. Баъзан, ўзингиз савол бериб, ўзингиз унга жавоб беришдан ишни бошласангиз ҳам бўлади;

г) гапираётган пайтингизда муҳим сўзларни таъкидлаб, керак бўлса, қайтариб айтсангиз ҳам бўлаверади. Муҳими — тингловчилар айнан шу жумланинг муҳимлигини англасинлар, муҳим сўзларни доскага ёзиб қўйиш ёки слайдлар бўлса, уни графопроектор ёрдамида кўрсатишингиз ҳам мумкин;

д) овозингизга, товушлар оҳангига эътибор беринг, сўз ва жумлалар орасида қисқа тўхташлар қилишни унутманг, овоз оҳангини ўзгартириш тингловчилар диққатини бошқаришнинг муҳим омили эканлиги маълум. Айниқса, муҳим ва аҳамиятли фикрларингиз олдидан ҳам, кейин ҳам кичик паузалар қилишни унутманг.

Ўртacha чиққандা, ўзингизнинг бетакрор шахс эканлигинизни таъкидлашни унутманг. Сизда ўз мустақил қарашингиз ва ўз такрорланмас гапириш маҳоратингиз борлиги факти — сизнинг инсон ва шахс сифатида ҳам бетакрор эканлигинизни исботлайди. Шундай бўлса ҳам ўзингиздаги ноёб, ижобий хислатларни намоён этиш ва шу орқали мустақил фикрларингизни ифода этиш учун қуидагиларга эътибор беринг:

- ◆ Аудитория олдига чиқиб гапираётганингиздан сира оғринманг, акс ҳолда сиз тингловчилар назарида чарчаган одамдай туюласиз, ҳаттоқи, чарчаган бўлсангиз ҳам, буни бирорларга кўрсатманг ва сездирманг, акс ҳолда тингловчиларда ҳам сизни тинглаш истаги йўқолади ёки бўлмаса улар ҳам сизни оғриниб тинглай бошлайдилар;
- ◆ чиқиш олдидан кўп овқат еманг, чунки организатор жараёнлар ҳам ақлий жараёнлар ҳам бошмия орқали бошқарилишини биласиз. Тўқ ошқозон фаолиятини бошқараётган миянинг ақли сўзларни чиқаришга кучи етмай қолиши мумкин;
- ◆ ўртага чиқиб гапирадиган кунингиз ҳар доимгидан ҳам дид билан, ўзингизга ёққан, сиз учун кулай ва одатий бўлган кийимларингизни кийинг. Шунда сизда ортиқча тортиниш ҳисси бўлмайди;
- ◆ Оверстрит: «Ўхшаш нарса ўхшаш нарсани тудиради» деганда одамлар муносабатларини ҳам

назарда тутган эди. Агар Сиз тингловчиларга ишонч, ҳурмат ва қизиқиши билан қарасангиз, улар ҳам Сизга айнан шундай муносабат билдирадилар. Гапираётиб атрофга аланглаб ёки хонанинг шифтига қараб гапирсангиз, тингловчиларнинг ҳам хаёли шифтда бўлиб қолиши мумкинлигини унутманг. Очиқ чехра ва самимий меҳр билан ҳудди суҳбатлашаётгандай тенгдошлиарингиз юзига қарай олишдан сира кўркманг;

- ♦ гапираётган сўзларингиз, фикрингиз қандайдир мавхум фикрлар тўдасига айланиб қолмасин, у ҳаётий мисоллар ва шахсий кузатишларингизни ҳам қамраб олишига ҳаракат қилинг.

ТОПШИРИҚ

1. Қадимги грек файласуфи Цицероннинг «Шоир бўлиб туғилади, нотиқ бўлиб етишади» деган сўзларининг маъносини таҳлил қилинг ва ўртоқларингиз билан шу хусусда фикр алмашинг.

2. Ўқитувчингиз бошчилигига қўйидаги тренинг — ўйинни ўйнанг. Ўйин номи «Нотиқлик» бўлиб, унда барча гуруҳ аъзолари қатнашадилар. Гуруҳнинг ҳар бир аъзоси ўзи танлаган мавзу бўйича 2 минутлик чиқиш тайёрлайди. Бунда нимага эътибор бериш керак? 1) чиқиш ишончли бўлсин; 2) мавзу мазмунан қизиқарли бўлсин. Демак, тингловчилар ҳам сизнинг чиқишинингга қизиқсин, ҳам ҳар бир сўзингизга ишонсин. Шундай қилиб, ҳар бир ўйин иштирокчиси навбат билан нотиқ ролини ўйнайди. Бу вақтда бошқалар ҳар бир чиқишини юқоридаги икки мезон асосида 10 балли тизимда баҳолайдилар. Ўқитувчи ҳар бир иштирокчининг қанчалик вақт мезонига бўйсунганини ўзи ҳам баҳолайди, ҳам ҳар бир «нотиқдан» неча дақиқа кетганини сўраб солиштиради. Дарс охирида барча баҳолар тўплаб олинади, умумлаштирилади, «Энг маҳоратли нотиқлар» аниқланиб, холис фикр алмашинуви шароитида ҳар ким ўзидағи камчилик ва қийинчиликлар ва ёқсан томонлари хусусида мунозара қилинади.

Таъсирчан фикр баён этиш қоидалари. Ўз фикрингизни ўзгалар олдида баён этиш ва шу орқали ўз қарашларингизга нисбатан бошқаларда яхши, ижобий таассурот қолдиришни хоҳласангиз, аввало бу чиқишига тайёргарлик кўришингиз лозим.

Тайёргарлик босқичи. Энг аввало тингловчиларнинг ким эканлигини аниқлаб олинг. Агар тингловчилар

сизнинг курсдошларингиз бўлса, ишингиз анча енгил бўлади, тўғрими? Ахир сиз уларга қандай гап, қай тарзда баён этилган гап, қай ҳажмдаги ва ҳоказо барча талабларини биласиз-ку? Чунки, сиз ўзингиз уларнинг бирисиз. Демак, тенгқурларингизнинг кайфияти ва тинглаш қобилияти нима қилсангиз яхши бўлишини тасаввур қилишингиз керак.

Агар, тингловчилар курсдош-тенгдошлар эмас, балки сиз таълим олаётган маскандаги бошқа ёшлар бўлсади? Унда иш бироз қийинроқ бўлади, зеро, сиз уларнинг манфаатларини, қизиқишларини аниқлаб олишингиз керак. Агар сиз ўқув юритидаги ёшлар ташкилотининг лидери сифатида кўпчилик олдида ўз нуқтаи назарингизни ҳимоя қилишингиз керак бўлса, масъулляят яна ҳам ортиқроқ бўлади.

Шундай қилиб, ўз фикрлари ва нуқтаи назарини ўзгаларга етказиш учун тингловчилар аудиториясини таҳдил қилиш ва уларни айнан нима кўпроқ қизиқтиришини аниқлаб олиш зарур.

Асосий ғоя. Аудиториянинг қизиқишларини аниқлаб олгандан сўнг, тингловчилар олдига олиб чиқиладиган асосий, муҳим ғояни ажратиб олишингиз лозим. Бу ғоя тайёргарликни бошлаган онлардан бошлаб, токи нутқ сўзлашни бошлаган дақиқангизгача миянгизда доминанта шаклида доимо хотира майдонингизда бўлмоғи, қолган барча асослар, фикрлар ва мисоллар ўша ғояга бўйсундирилган бўлиши керак. Аудитория олдида сўзлашни бошлаган дақиқадаёқ ўша ғояни тингловчилар онгига ҳам етказиш керакки, токи улар бутун мулоқот жараёнида Сиз билан ҳамнафас бўлишсин. Ана шундай асосий ғоя нечта бўлиши мумкин, деган саволга шундай жавоб бериш мумкин: агар вақтингиз чекланган, оз бўлса, у биттадан ошмайди, агар вақт мўлроқ бўлса, учтадан ошмасин. Чунки ундан ортиғига тингловчилар дикқатини бирдан тортолмайсиз.

Гапириш тони ва оҳангни танлаш. Қаерда, қачон ва кимлар олдида ўз фикрингизни баён этишни аниқлаб олганингиздан сўнг, уларга боғлиқ ҳолда гапириш оҳангига ёки тонни ҳам тахминан белгилаб олишингиз керак. Сизда ўртага чиқиб гапириш эҳтиёжи турли сабабларга кўра пайдо бўлган бўлиши мумкин. Масалан, кеча бир ўртоғингизнинг сўзларида сиз ўзингизга тўғри келмайдиган, балки келган тақдирда ҳам тўлиғича сизни қаноатлантирмайдиган фикрни эшитдингиз, дейлик. Демак, эртага Сиз маълум манбааларни кўриб,

танишиб чиқиб, уни түлдирмоқчисиз. Демак, чиқишиңгиз жиддий ва маъсулиятли: сиз жиддий тонда гапиришга тайёргарлик кўрасиз, шу билан биргаликда ўша шахс сизнинг тенгдошиңгиз ва аълочи курсдошиңгиз бўлгани учун сиз самимий оҳангларни ҳам олдиндан танлай билишиңгиз керак. Ёки сизнинг кўпчиликка мурожаатингиз курсдошиңгизнинг туғилган куни муносабати билан бўлса, олдиндан ҳазил-мутойибани ўз ичига олган, юморга бой тонни танласангиз айни муддао. Демак, гапиришнинг тони юмористик, самимий, жиддий, зардали, қайгули, тантанавор, хушёрликка даъват этувчи, илтижоли ва шунга ўхшаш бўлиши мумкин, ва ҳар бир алоҳида вазиятда у ёки бу тоннинг аниқ белгиланиши чиқишиңгиз самарали ва таъсиричанлигини таъминлайди.

Давомийлик ёки матн ҳажми. Бу омиллар ҳам муҳим бўлиб, Сиз олдиндан таҳминан қанча вақт гапиришиңгиз ва бунинг учун нималар хусусида материал тўплашиңгизни аниқ белгилаб олишиңгиз зарур. Ҳеч қачон «Бирор нима дерман», деб ўртага чиқманг. Шекспир ўз вақтида шундай ёзган экан: «Қаерда сўзлар кам бўлса, ўша ерда улар қийматга эга». У бу билан том маънода энг керакли, фойдали фикрни лўнда, жўн ва равон тарзда баён этишни назарда тутган эди. Демак, Сиз ҳам фикрингиздаги энг муҳим ва аҳамиятлиларини таъкидлаб, қолган фикрларни қисқа тарзда айта олишга ўрганишиңгиз керак. Баъзилар қанча кўп гапирсан, шунча ақыли, гапга устадай туюламан, деб гапираверишади, ваҳоланки, тингловчиilar аллақачон зерикишган ва фикри тушунарли бўлмаганлигини сезмайди. Шунинг учун баҳс ёки мунозара пайтларида ҳам «Озгина-ю созгина» қабилида иш тутсангиз, ҳамма сиздан кейин ҳам яхши, лўнда фикр кутадиган бўлади.

Ҳажм масаласида шуни айтиш мумкинки, агар Сиз реферат ёки маъруза шаклида чиқишиңга тайёргарлик кўрган бўлсангиз, унумтмангки, компьютерда ёки ёзув машинкасида 2 интервалда терилган текстни ўқиб беришиңгиз учун 2 минут кетади (агар орада яна ўзингиздан мисоллар, қўшимча шарҳлар қўшмасангиз). Демак, агар сизга 10 минут гапиришга рухсат берилган бўлса, 5 бетли материал тайёрлашиңгиз мумкин.

Эркин импровизация орқали гапиришни эса соатга қараб машқ қилишиңга тўғри келади. Бунинг учун аввал

Ўз фикрларингизни қоғозга туширасиз, сўнгра уни қайта-қайта ўқийсиз. Материални тўлиқ ўзлаштириб бўлгач, ўзингизча уни оғзаки импровизация қиласиз. Соатда вақтни аниқ хронометраж қилиш ёдингиздан чиқмасин. Бунда ҳар ким гапириш қобилияти, нутқининг темпига боғлиқ тарзда ҳар хил вақтни сарфлаши мумкин.

Таянч сўзлар. Вақтни тежаш, тингловчиларни зериктириб қўймаслик, нутқининг равон, ишончли ва таъсирчан бўлиши учун сиз яна бир нарсага эътибор беринг. Сўзламоқчи бўлган нутқингиздаги асосий, муҳим foяга алоқадор таянч сўзларни ажратиб олинг, уларни ўзингиз учун қулай тарзда ёзиб олинг ва сўнгра нутқни машқ қилинг. Масалан, «Мантиқийлик» мавзусидаги дарсга тайёргарлик кўриш учун «Мантиқ формалари» мавзуси сизга берилган бўлса, «мантиқ», «тушунча», «хукм», «умумлаштириш», «хуласа чиқариш», «силлогизм» каби тушунчаларнинг моҳиятини очиб беролсангиз, демак, мантиқ формаларини ёритган бўласиз, айнан шу тушунчалар таянч сўзлар ролини ўйнайди.

Мавзуни номлаш. Сиз чиқиб гапирмоқчи бўлган нутқингиз, табиий маълум мавзуга бағишлиланган бўлади. Лекин айнан Сизнинг мустақил фикрингизни ифодаловчи қисми-чи? Ана шу қисмни аниқ номлаб олсангиз, биринчидан, хотирангизда яхши сақланади, иккинчидан, сизнинг лўнда фикрлай олишингизни билдиради, учинчидан, айнан бир нарса атрофида билимларингизнинг тўпланишига туртки бўлади. Шунинг учун доимо ўз чиқишингизнинг мавзусини топинг, уни номланг. Номи қисқа, ифодали, жозибадор ва қизиқарли бўлсин. Агар яхлит фикрни ифодаловчи номга қўшимча яна номлар топиш эҳтиёжи бўлса, масалан, агар бир неча фикр ёки foялар хусусида гап кетса, ўша бўлакларни яна кичик жумлаларда номланг, токи, улар мантиқан ҳам ўзаро, ҳам катта мавзу билан боғланган бўлсин. Гапингизни бошлашдан аввал, мавзуни билдиринг ва ҳаттоқи, унинг таркибиға кирувчи бўлаклар номларини ҳам баён этсангиз бўлади.

Машқ қилиши. Бошқача айтганда, репетиция ҳам деб юритиладиган бу тайёргарлик босқичини ҳар ким ҳар хил ўтказади. Чет эллардаги машҳур нотиклар, ёки ўта жиддий чиқиш арафасида турғанлар репетиция босқичига жуда катта аҳамият беришади. Масалан,

мавзу танланган, матн тайёрланган, таянч сўзлар ажратилган, янги фикрлар бир неча марта асослангандан сўнг, машқ қилиш мумкин. Баъзилар юқорида таъкидлаганимиздек, ёлғиз уйга кириб, қаттиқ овоз чиқариб, ўзини ўзи эшишиб машқ қилади, бошқалар ойна олдида туриб ҳам машқ қилишади. Жиддий чиқишларда эса аудиокассеталар ёки видеокассеталарга ёзиб, тайёрланиш ҳам мумкин. Масалан, магнитофонга ўзингиз гапириб туриб, сўзларингизни ёзиб олдингиз дейлик. Уни қайта-қайта кўйиб, эшишиб орқали овозингиз, товуш оҳангингиз, гапириш тезлиги, темпи, ортиқча сўзлар (паразит сўзлар) бор-йўқлигини аниқлаб, янаги сафар уларни имкон борича тартибга келтириш, ортиқча нарсаларни чиқариб юбориш, ҳаяжонланган бўлсангиз, ўша қисмини қайта-қайта қайтариб кўришингиз мумкин бўлди. Ўртоғингиз ёрдамида видео тасмага ёзиб олиб, кўрсангиз, ўзингизга ташқаридан назар ташлаб, барча нуқсонларингизни дарров илғаб оласиз.

Шуни ёдингиздан чиқармангки, ҳеч қачон матнни ўқиб туриб машқ қилманг, чунки унда ҳам вақтдан адашасиз, ҳам аудитория олдида ҳар қандай тўсиқ сизни ҷағитиб, ҳаяжон босади ва адашиб кетишингиз мумкин. Қолаверса, агар фикрларингизни қоғозга тушириб айтиб бераётган бўлсангиз, унда билингки, сиз 50 фойзга аудиториянинг ишончини йўқотдингиз.

Фикрни баён этиш босқичи. Демак, тайёргарлик босқичи тугаб, Сиз аудитория олдидасиз. Шу пайтда амал қилишингиз керак бўлган айрим қоидаларга эътибор беринг. Ўз гапингизни бошлашдан аввал бир оз пауза — тўхташ қилинг. Бу пауза ёки тўхташ аудиториянинг бир оз тинчланиб олиши ва диққатини Сизга қаратиши ҳамда сизнинг аудиторияга фикран ҳамда ҳиссан мослашиб олишингиз учун керак. Рўпаратангиздагилар ўз курсдошларингиз бўлишса ҳам барибир, қандайдир, ёқимсиз ҳис сизга ҳамроҳ бўладики, ана шу ҳисни тезроқ енгиш учун ҳам сизга бир дақиқа зарур. Агар аудитория нотанишроқ ва улар олдига сизнинг биринчи чиқишингиз бўлса, албатта улар билан саломлашинг ва бирма-бир ҳаммага кўз юргутиринг. Агар тингловчилар тарқоқ ўтиришган бўлса, бир ерга тўп бўлиб ўтиришларини сўранг.

Паузадан сўнг, рўпаратага чиқишингиз мақсадини баён этинг. Буни мавзуни ҳамда унга киритилган масалаларни муҳтасар баён этиш орқали ҳам амалга

оширишингиз мумкин, лекин бу қисм жуда қисқа бўлади, чунки сиз тингловчиларга аванс тарзида янги, мустақил равишда каллангизда пайдо бўлган фикрнинг энг аҳамиятли жиҳатларини айтасиз. Шуни унутмангки, аҳамиятлилик ва зарурат ҳақидаги тасаввур тингловчилар манфаатларига мос келиши керак.

Асосий қисм. Ана энди фикрларни бирин-кетин, мантиқан тузилган занжирлар каби етказа бошлайсиз. Шуни ёдингиздан чиқармангки, тайёргарлик жараёнида танланган таянч сўзлар ва асосий ғоя сизга к о м - п а с каби йўлни кўрсатиб туриши керак, яъни сизнинг асосий муҳим ғоядан чалғиб кетишга ҳаққингиз йўқ. Буни тингловчилар сезиб қолишса, уларнинг сизга ва фикрнинг бўлган хурматлари кескин камаяди ва улар сизни тингламай қўйишади.

Якунлаш. Фикрни баён этиб бўлдингиз дейлик. Энди якунлаш керак. Якунлашнинг аҳамияти шундаки, тингловчиларга «Сўзимнинг якунида...» ёки «Ниҳоят...» каби сўзлар билан мурожаат қилган заҳотингиз уларнинг диққатлари яна бир жонланиб «Охирида нима демоқчи?» маъносида тинглай бошлашади. Шунинг учун сўз якунида яна бир марта асосий, муҳим ғояга қайтиш, тингловчиларга ёқсан муҳим жойларга яна бир қайтиб, уларга мухтасар шарҳ бериш фойдадан холи бўлмайди. Лекин сиз нутқингизни «Менда бошқа гап йўқ», «Тамом, тугатдим» деб тўмтоқ қилиб, тугатманг. Нутқ якуни маълум ҳаракатларга даъват, фикрлашишга чақириқ, ҳамкорликда ўйлашга даъват тарзида бўлса, янада яхши бўлади. Шунинг учун сўз бошида қандай ўзингизга ишончли, манфаатдор ва қизиқиш билан гап бошлаган бўлеангиз, сўз якунида ҳам тахминан шундай фидоийлик, чақириқ ва яхши кайфият билан ўзингизни тутсангиз, тингловчилар сиздан рози бўлишади. Кўпинча «Келинглар, ... қилайлик!» тарзидаги сўзлар тингловчилар диққатини сақлаб қолишига ёрдам беради.

Жадваллар ва рақамлар. Агар сўзингиз давомида айрим фикрларингизни асослаш ва таҳтил қилиш учун сизга рақамлар зарур бўлган бўлса, уларни иложи борича олдиндан тайёрлаб қўйилган жадваллар воситасида беринг. Лекин, узундан-узоқ рақамларни ўқиб бериш тингловчиларни зериктиради. Агар сиз у ёки бу рақам ўша сиздаги асосий ғояга бевосита алоқадор бўлса, уларнинг бир нечасини доскага ўзин-

гиз ёзиб, уларни бир-бирига солиштиришингиз ҳам мумкин. Лекин рақамларни ва жадвалларни сустествомол қилманг.

Сиз ишлатадиган сўзлар. Биз кўпинча у ёки бу китобларни ўқиши оқибатида у ерда ишлатилган сўзларни эслаб қоламиз ва ўз нутқимизда ҳам ўрни келганда уларни ўзимизнидай bemalol ишлатамиз.

Лекин таъсиричан нутқ учун ҳамма учун таниш ва сизнинг тилингизга ҳам ўрнашиб қолган таниш сўзлардан фойдаланган маъкулроқ. Чунки агар сиз аудиторияда ўзингиз ҳақингизда ўзига хос таассурот қолдириш мақсадида ёдлаб олган илмий, мураккаб терминлардан ҳадеб фойдаланаверсангиз, тингловчиларда «ҳимоя рефлекси» шаклланиб, улар сизни умуман тингламай қўйишлари мумкин.

Ҳазиллар, мисоллар. Кўпинча, дарс жараёнида ёки ўзгалар нутқида ҳазил ёки ҳаётий мисоллар эшитганимда, бу бизга жуда ёқади. Дарҳақиқат, ҳазиллар, баъзан ҳаётдан олинган латифадай бўлиб қолган мисоллар тингловчиларнинг чарчоини босади, дикқатини сиз томонга йўналтиради. Лекин бундай ҳазиллар нутқнинг бошидаёқ берила бошланса, у мақсадга мувофиқ бўлмайди. Ҳазиллар ва мисоллар иложи бўлса, охирида, ёки нутқ узоқ бўлса, гап ўртасида берилиши, қўйидагиларга амал қилинган ҳолда берилиши керак:

- ◆ гайритабиий ҳолатларга алоқадор ҳазил бўлмасин;
- ◆ ҳазил ёки латифани қофозга қараб ўқиб берманг;
- ◆ ҳазилнинг моҳиятини батафсил тушунтирманг;
- ◆ ноўрин, кўпол сўзларни ишлатиб ҳазиллашманг;
- ◆ агар аудиториядагилар кулишмаса, хафа бўлманг.

Демак, ҳазил ўринли ва тарбияловчи характерга эга бўлсин. Агар ҳазил учун мавзу ёки ҳаётдан мисол ўзингизда бўлмаса, ўзгалар тажрибасига ишонманг. Чунки, сиздан олдинги нотиқ ёки ўқитувчи айтган латифа ёки ҳазил-мутойиба сизнинг оғзингиздан чиққанда, умуман кулгили бўлмаслиги мумкин. Ҳаётий мисолларни доимо ўринли ишлатинг.

Нутқингизга боғлиқ бўлмаган омиллар. Агар сизнинг фикрингизни тасдиқловчи макет, расмлар, кўргазмали материалга зарурат бўлса, уларни бевосита кўрсатиб, асослаш ҳам ижобий омил ҳисобланади. Чунки, «Юз марта эшитгандан, бир марта кўрган афзал» дейишади-ку? Эшлиш органларимиз орқали

миямизга етиб келган маълумотнинг 10 фоизигина хотирамизда муҳрланса, кўриб идрок қилган нарсаларнинг 50 фоизигача эсда қолади. Лекин уларнинг кўп бўлиши ҳам ҳар доим ижобий қудратга эга бўлавермайди, чунки Сиз учун асосий нарса — бу ўз фикрингизни ўзгалар онгига етказа олиш маҳорати ҳисобланади. Сўз бойлиги ва нутқ сўзлаш санъатига кўпроқ эътибор беринг.

Кийим-бош. Жамоатчилик жойларида, жиддий фикрлар алмашинуви шароитида, қолаверса, ўз қарашларингизни ўзгаларга баён этишда сиз кийган кийим-бошнинг ҳам аҳамияти катта бўлади. Кийим шундай бўлсинки, у ўзининг ранго-ранглиги билан диққатни жалб этмасин, қизлар агар ҳеч қачон киймаган уст-бошларини бугунги мательзуза учун кийиб келсалар, биринчидан, ўзлари бироз тортинишлари, янги кийимга бошқалар қандай қарашяпти экан, деган маънода тортинишлари мумкин, иккинчидан, тингловчилар, биринчи навбатда қизларнинг диққатлари ана шу «янги кийимда» бўлиб қолади. Шунинг учун агар сизни масъулиятли учрашув ёки чиқиш кутаётган бўлса, яхшиси ўзингиз ёқтирган, сизга одатий бўлиб қолган бежирим кийим кийилса яхши бўлади. У шундай бўлсинки, сиз нутқ сўзлаётган вақтингизда уни тўғрилаш, у ер-бу ерини текислашга ҳожат бўлмасин. Камтарлик бу ўринда ҳам фақат фойда келтиради.

Қўллар. Биз кўпинча ўз нутқимизни қўл ва тана ҳаракатлари билан уйғунлаштирамиз. Тўгри, қўлларнинг умуман ҳаракатсиз қолиши мумкин эмас, лекин улар кўпроқ эркин икки ёнда бўлиши муҳим, лекин гапларингизнинг энг муҳим, аҳамиятли қисмлари келганда уларни таъкидлашда қўлларингиз ҳаракатидан фойдаланиш керак. Агар қўллар аудиторияга қаратилган ва эркин ҳаракатлари билан фикрни қувватласа, демак, Сиз ўртоқларингизга нисбатан очиқсиз ва ҳаяжонланмаяпсиз. Агар қўлларни қовуштириб, кўкрак қафаси олдида ушлаб турган бўлсангиз ёки орқага яширсангиз, демак, сиз аслида гапиргингиз келмаяпти. Ҳадеб, кўрсаткич бармоқ билан аудиторияга ниқттайвериш, сиздаги манманлик белгисига ўхшаб қолади.

Йигитлар шим чўнтакларига, қизлар костюмлари чўнтағига қўлларини солиб олиб гапиришлари ҳам одобдан эмас, қолаверса, қўлга бирор буюмча ёки

қоғозни ушлаб олиб, ҳадеб уни манипуляция қиласе-риш асабийлашиш белгиси сифатида идрок қилинади. Демак, күл ҳаракатлари тартибга солинган, маромида бўлиши керак.

Кўз қараашлар. Психологларнинг таъкидлашларича, кўз қараашлари орқали одам ўзидағи барча яширин ни-ятлари, муносабатлари ва ҳиссиётларини ўзгаларга ет-казар экан. Суҳбат бошида тингловчи қабул қиладиган маълумотларнинг 58% игача нутққа алоқаси бўлмаган қараашлар, юз ифодаси орқали етказилар экан (Магре-бян). Шунинг 35—38%и кўз ифодасига тўғри келади.

Демак, қараашларимиз бизнинг асл ниятларимизни етказувчи канал ролини ўйнайди. Шундай экан, ўзи-мизнинг ўз фикримиз, тингловчиларимизга нисбатан муносабатимиз самимий эканлигини билдириш учун очиқ юзли, самимий қараашли бўлишимиз, керак бўлса, шуни ҳам уйда машқ қилиб олиш керак. Баъзилар гапираётган пайтда қаергадир, ёки кимларгадир қараб гапирадилар. Бу одат яхши фикр баён этиш ва аудито-рия диққатини ушлаб туришига ёрдам бермайди. Шу-нинг учун иложи борича ҳар бир тингловчига шахсан қараб чиқилса ва суҳбат мобайнинда уларга бевосита мурожаат қилаётганингизни билдирсангиз, мақсадга тезроқ эришасиз.

Савол ва луқмалар. Сизнинг нутқингиздан келиб чиқадиган омиллардан яна бири тингловчиларда ҳосил бўладиган саволлар ва луқмалардир. Уларнинг туғилишига сиз фақат хурсанд бўлишингиз керак. Уларнинг умуман бўлмаслиги, демак, аудиториянинг сизнинг қараашларингизга нисбатан бефарқлигини билдиради. Демак, савол берилди. Сиздан нима талаб қилинади? Аввало, диққат билан тинглашингиз керак. Эшитиш қобилияти ҳам умумий мулоқот жараёнининг муҳим қисми эканлигини унутманг. Саволни самимият ва миннатдорчилик билан тинглаётганлигингизни суҳ-батдош сезиб турсин. Бунда сиз яна ўша самимий қараашдан ташқари, бош чайқаш ҳамда бошқа тана ўзгаришлари билан уни бажонидил қабул қилаётга-нингизни билдира олинг. Саволни жуда диққат билан аввал эшитинг ва жавоб беришга жуда ошиқманг.

Агар берилган савол сизга жуда тушунарли ва унга жавоб аниқ бўлса, миннатдорчилик билдириб, унга жавоб беришга киришинг.

Агар саволнинг айrim қисмлари тушунарли бўлмай қолса ўша ерларини яна бир қайтариш ёки аниқлик

киритишни сўранг. Шу орада ўзингиз қандай жавоб қайтариш мумкинлиги хусусида бирор тўхтамга келиб бўласиз.

Агар савол умуман сизнинг мавзуингизга тўғри келмаса, унда саволнинг муҳимлигини таъкидлаб, унга сизда ҳозираник ва асосли жавоб йўқлигини тан олганингиз маъқул. Агар «олиб қочмоқчи» бўлсангиз, барibir беобрў бўлиб қолишингиз мумкин, чунки ўша савол берганнинг ўзида аниқ жавоб бўлиши мумкин.

Агар саволлар жуда кўпайиб кетса-чи? Бунда сиз ўз қарашларингизни охиригача баён этишдан маҳрум бўлиб қолишингиз мумкин. Шунинг учун аудиторияда саволларга шайланиш ортиб бораётганлигини сезсангиз, кечирим сўраб, одоб билан, аввал ўз қарашларингизни айтиб олиш, кейин эркин фикр алмашинуви шароитида савол-жавобларга ўтиш нияtingиз борлигини уларга билдиринг.

Агар гапираётган пайтингизда пастдан луқма ташлашса, ўзингизни йўқотманг. Ўша луқма эгасига қараб, гўёки, у билан гаплашаётгандек, гапингизни нуқтасига олиб боринг ва сўнг луқманинг моҳиятига қараб, жавоб беринг. Лекин уни беэътибор қолдирманг, чунки бу ҳолат бошқаларга ҳам салбий таъсир кўрсатиши ва ўша бола яна сизга халақит бериши мумкин.

ТОПШИРИҚ ВА МАШҚЛАР

А. Сиз қизиқиб гапираётган пайтда кимдир, «Вақтингиз тугади», деб луқма ташлади. Нима қиласиз? Куйида берилган жавобларнинг қайси бири Сизга маъқул, ҳар бирини алоҳида шарҳланг.

- а) «Тугатяпман», дейсиз.
- б) «Шундай қилиб,...» деб давом эттирасиз.
- в). Яна бироз вақт оласиз.
- г) «Ниҳоят, охирги асосий фикрим...» деб давом эттирасиз.
- д) «Сўзим сўнгида... ҳақида гапирмоқчийдим», деб тугатасиз.

В. Ҳамма учун қизиқ ва аҳамиятли савол берилди, лекин Сизда ушбу савол юзасидан аниқ жавоб йўқ. Нима қиласиз?

- а) «Билмайман», деб жавоб бераман.
- б) «Олиб қочаман».
- в). «Жавоб беришга интиламан...»
- г) «Кейинги сафар шу ҳақда гаплашмоқчи эдим»
- д) Савол берганнинг ўзидан жавобни талаб қиласман.

Ҳар бир жавоб вариантидаги ўринли ва ўринсиз жойларини аниқлаб, ўртоқларингиз билан муҳокама қилинг.

Энг яхши сұхбатдош — гапға
чечан одам әмас, балқи тинг-
лашни биладигандир.

Дейл Карнеги.

МУСТАҚИЛ ФИКРЛАШНИНГ ЯНА БИР ОМИЛИ

Биз юқорида инсоний муносабатлар борасида жуда иирик мутахассис ҳисобланған машхур америкалиқ олим Дейл Карнегининг фикрини бежиз келтирмасдик. Зоро, әркін, мустақил фикрлаш мұхитининг бош омилларидан бири сұхбатдошларнинг бир-бирлари учун яратған шароитлари, яни, ўзаро бир-бирларининг фикрларыга нисбатан ҳурматларидир. Тасаввур қилинг, Сиз ўз фикрненизни ўртоқларингизга баён этмоқчисиз, лекин улар негадир, Сизни тинглашмаяпты, бундай муносабат Сизде пайдо бўлган фикрни нафақат ривожлантируйди, балки кейинчалик ҳам ана шундай шароит бўлганда, умуман гапирмаслик, фикр баён этмаслик хоҳишини уйғотади. Психолог олимлар ва мутахассисларнинг аниқлашича, одам ўз иш вақтининг қарийб 45% ини кимларни дар көбайында гапларини эшлиши билан ўтказаркан. Касблар орасида шундайлари ҳам борки, унинг эгалари асосан одамлар билан мулоқот қылғанликлари учун маош оладилар, масалан, идоралардаги иш юритувчи котибалар, раҳбарлар, ўқитувчилар, докторлар — шифокорлар ва шунга ўхшаш. Улар ўз маошларининг деярли ярмини — 35—40 фоизини ўзгаларни яхши эшигендегінде өткөрдилер. Демак, маданиятли ва соғлом фикрли инсон учун тинглаш маданияти ҳам жуда зарур.

Тинглаш малакаси нима? Донолардан бири «Агар одамлар Сиз түғрингизда яхши тассуротда бўлиб, яхши фикрда бўлишини хоҳласангиз, уларнинг ҳар бир сўзини диққат билан тингланг», деган экан. Дарҳақиқат, биздаги кўплаб малака ва кўникмалар орасида тинглаш малакаси ҳам шахсий тажриба орттиришимиз ва яхши инсон бўлишимизнинг мұхим омилларидан биридир.

Бир қараашда одамларни тинглаш, ўзгалар фикрига нисбатан сабр-тоқатли бўлиш осон ишдай туюлса-да, мутахассисларнинг таъкидлашларича, касб-корлари бевосита одамлар билан мулоқотга қаратилган педагог-

лар, раҳбарлар, менеджерлар ва бошқаларда ҳам баъзан айнан шу малаканинг йўқлиги туфайли муаммолар пайдо бўларкан. Масалан, Сиз синф раҳбарининг олдига кириб, ўз фикр-мулоҳазаларингизни баён этмоқчисиз, лекин у шошиб турган бўлиши ёки диққатини дафтаридан ёки иш қофозидан олмаган ҳолда Сизни «тинглаши»ни тасаввур қилинг. Бундай мулоқот, табиий, самарасиз бўлади. Аксинча, ўқитувчи жуда қизиқ мавзуни ёритмоқда, синфдагиларнинг кўпчилиги эса уни тингламаяпти, бу ҳам самарасиз, натижасиз мулоқот ҳисобланади. Шунинг учун ҳам эркин ва мустақил фикрлашнинг омили ва мезони сифатида тинглаш маҳорати ва малакаси сирларини ҳам билиб олинг.

Ўзгалар фикрига сабр-бардошли бўлиш маданияти ёки тинглаш малакаси қуидагиларда ифодаланади:

— сўзловчи фикрини маъқуллашни ифодаловчи, бош ҳаракатлари, кўз қарашларида мужассамлашувчи ҳолат;

— суҳбатдошнинг фикрларини янада ривожланишига сабаб бўлувчи самимий, тасдиқловчи юз ифодаси;

— бошқа томонга ёки ўзгалар фикрига чалғимаслик.

Агар юқоридаги ҳолатларни кўз олдингизга келтириб, уларни тасаввур қилолган бўлсангиз, демак, Сиз суҳбатдошингиз нима демоқчи бўлганини аниқ била оласиз, Бундан ташқари, тинглаш малакаси, бошқалардаги янги foялар моҳиятини тезроқ англаш, уларга эргашиш ва ўз фикр-мулоҳазаларингизни мустаҳкамлашга имкон беради. Тинглаш малакасининг зарурати яна шундаки, агар Сиз яхши суҳбатдош-тингловчи бўла олсангиз, баъзан шахслараро келиб чиқадиган зиддиятлар, англашилмовчиликларнинг олди олинади. Тинглаш маданияти одамлар ўртасидаги ўзаро ишонч ва хурматга асос бўлади. Демак, биргаликда фикр юритиш, бирор иш — фаолиятни муваффақиятли амалга ошириш учун шароит яратади.

Агар тингловчи маданиятли ва «малакали» бўлса, гапираётган суҳбатдошнинг кайфияти яхшиланади, фикрлари янада тиниқлашади, суҳбатдошдан розилигини ўзининг самимий юзи ва кўтаринки кайфияти билан тасдиқлайди, кейинги сафар яна ана шундай шароит туғилганда, у бажонидил Сиз билан суҳбатлашади ва у ҳам сизнинг ҳар бир сўзингиз ва фикрингизни охиригача тинглайдиган бўлади.

Тинглаш маҳорати: эҳтиёж ва иқтидор. Психологларнинг қайд этишларича, тинглаш — инсонга илк ёшлик-

дан ато этилган қобилият эканки, унинг асосида табиий эҳтиёж ётаркан. Яъни, ўзгаларни (онани, отани, катталарни, яқинларни, ўртоқларни) тинглаш — инсон дикқати жараёнининг муҳим қисми бўлиб, «Бу нима?» ёки ориентировка рефлекси бу жараённинг табиий асосидир. «Бу нима?» рефлекси кейинчалик қизиқувчанлик, кузатувчанлик, интилувчанлик каби муҳим шахс сифатларига айланиб, улар бизни бошқа одамлар фикрларига муносабат муносабат билдиришимизни таъминлади.

Тинглаш усуллари ва воситалари. Амалий мулоқот сирлари билан шуғулланадиган олимлар тинглашнинг оддий (норефлексив) ҳамда мураккаб (рефлексив) усулларини фарқлашади.

Оддий тинглашни кўз олдингизга келтиришни хоҳласангиз, ўқитувчингиз янги дарсни тушунтираётган пайтда ёнингизда ўтирган ўртоғингизга қаранг, у айтилган сўзларни ёзгани ҳам йўқ, фикрларга эътиroz ҳам билдиргани йўқ, у фақат дикқат билан тингламоқда, чунки у гап нимада эканлигини англамоқчи, ва ўқитувчига умуман ҳалақит бериш фикридан йироқ. Энди, мураккаб, фаол тинглаш нима эканлиги тўғрисида сўз юритамиз, чунки бундай тинглаш турининг ўзига хос воситалари мавжуд.

1. *Аввало, тинглаши ҳолати ўзига хос бўлиб, у тингловчининг ҳам фаоллигини билдиради.* Тингловчи йиғинчоқ ҳолатда бўлади, Масалан, суҳбат давомида баъзан суҳбатдош «Энди гапни бүёғини эшит», деса, тингловчи юзини яна ҳам очиб, кўз қарашлари билан қизиқаётганлигини билдиради, шу пайтда пешоналари ҳам бироз тиришади, бошлари чайқалади, ҳаттоки, суҳбатдошига яна ҳам яқинроқ келиб олиши ҳам мумкин.

2. *Суҳбатдошга самимий муносабат ва эътибор билдириш.* Суҳбатдош фикрларининг мазмунига кўра, **жиддий дикқат** (пешоналар тиришган, ияклар бироз қўтарилигандан, тананинг бош қисми бироз олдинда бўлган ҳолат) ёки **самимий дикқат** (юз ва кўзлардан самимий кулгу тарагиб турган, маъқулловчи бош ҳаракатлари) турлари намоён бўлиши мумкин.

3. *Жиддий сукут сақлаш.* Баъзилар тинглаш пайтида айрим луқмалар ёки қўллаб-қувватловчи сўзларни ишлатишга одатланган бўлади. Масалан, «Ҳа-я», «қаранг-а?», «Наҳотки», «Йўғ-э?» каби. Тўғри, бундай луқмалар оддий тинглаш жараённада мулоқотни кучайтирувчи омил сифатида ўз ўрнига эга. Лекин баъзи шароитларда

жиддий қиёфада сукут сақлаш, индамаслик күпроқ самара беради, чунки айнан жимлик ва сукут сақлаш суҳбатдошни мустақил, әркін фикрлашига имкон яратып, мантиқий фикрлашига ёрдам беради.

4. Суҳбатдош фикрини ўз қарашича қайта шарҳлаш ҳам мураккаб — рефлексив тинглашнинг усулларидан ҳисобланади. Масалан, суҳбатдошингиз Сизга ўз ҳиссиётларини, фикр-ўйларини иззор қылмоқда, агар Сиз уни диққат билан тинглаётган бўлсангиз, ўша фикрни ўзингизча қисқача қайтариб, шарҳлашингиз уни янада илҳомлантириши ва Сиздаги ҳурмат ва эътиборни ҳис қилишига имкон яратиши мумкин. Бунда Сиз, «Демак, сен бу гапнинг билан демоқчисан, кейинчи?», «Сизнингча,...» каби ибораларни ишлатасиз.

5. Якунлаш — тинглашнинг яна бир воситаси бўлиб, кўпинча суҳбатдош сизнинг диққат билан тинглаганли-гингизни гап охирида ҳам билиши мумкин. Шунда Сиз: «Демак, сизни тўғри тушунган бўлсам...» ёки «Гапингизни умумлаштириб айтиш мумкин эканки,...» деб, айтилган фикрга қисқа якун ясаш йўли билан ташаббусни ўз қўлингизга олишингиз ва шу тариқа уни ҳам диққат билан тинглашга мажбур қилишингиз мумкин.

Шундай қилиб, агар Сиз ўз фикрларингизни әркін баён этиш учун муҳит зарур эканлигини тушунган бўлсангиз, демак, ўзгалар фикрига ҳам сабр-тоқатли, эътиборли бўлиш маҳоратини ҳам машқ қилиб кўринг. Агар ўзингиздаги тинглаш малакасининг қай даражада эканлигини синааб кўрмоқчи бўлсангиз, қуйидаги берилган саволларни диққат билан ўқиб, ҳар бирига берилган жавоблардан ўз фикрингизга монандини белгиланг. Демак, бошладик!

1. Сизнингча, суҳбат ёки гаплашишнинг мақсади нимада?

- а) суҳбатдошни яхшироқ билиб олиш;
- б) айни масала юзасидан ўз қарашини баён этиш;
- в) фикр алмашиниш ва уни муҳокама қилиш.

2. Сизга ёш болалар турли-туман саволлар беришадими?

- а) тез-тез;
- б) ҳеч қачон;
- в) баъзан.

3. Ўқишига ёки ишга кетаётib, ўзингизча хиргойи қиласизми?

- а) ҳа, доимо бир хил мусиқа ёки ашулани;
- б) ҳа, ҳар куни ҳар хил ашулани;
- в) йўқ, ҳеч қачон бундай бўлмайди.

4. Сизнинг қаршингизда маъруза қилган ёки ўз фикрини баён этган кимсага саволлар бериш одатингиз борми?

- а) ҳа, доимо нимадир сўрагим келади;
- б) баъзан, билдирилган фикрга кўшила олмаганимда;
- в) йўқ, чунки менимча, битта савол билан унинг фикри ни ўзгартириб бўлмайди.

5. Ўртогингиз ёки оддий суҳбатдош билан гаплашгандан сўнг, ўз фикрингиздан қайтган пайтларингиз бўлганми?

- а) ҳа, деярли ҳар сафар;
- б), баъзан;
- в) ҳеч қачон бундай бўлмаган.

6. Бошқа кимса билан гаплашаётганда:

- а) кўпроқ Сиз гапирасиз;
- б), кўпроқ суҳбатдошингиз гапиради;
- в) иккалангиз тенг гапирасиз.

7. Нархи бир хил бўлганида нимани биринчи харид қилган бўлардингиз?

- а), китоб;
- б) аудиокасета;
- в) кинога патта

8. Шеригингиз ўз шахсий муаммосини гапириб, вақтин-гизни олса нима деб ўйлайсиз?

- а), қимматли вақтни бой бердим, деб ўйлайман;
- б) энди у доимо менинг таъсиримда бўлади;
- в) албатта унга ёрдам беришим керак.

9. Қайси жумла Сизнинг нуқтаи назарингизга мос келади?

- а) бирор муаммо бўйича фақат мутахассисгина аниқ фикр айта олади;
- б).агар одам ўз фикрларини яхши баён этолса, у ҳар нарса тўғрисида гапиришга ҳақди;
- в) мутахассислар ҳар доим ҳам ўз соҳалари бўйича маҳорат билан сўзлай олмайдилар.

10. Суҳбат давомида чалғиб кетган бўлсангиз нима қила-сиз?

- а) гапираётган одамни тўхтатиб, айтилган фикрни тушун-тиришини сўрайсиз;
- б). тушунмаган жойни эслаб қолиб, суҳбат охирида сўрайсиз;
- в) умуман фикр тушунарли эканлиги билан чекланасиз.

11. Эрталаб радио орқали этишган маълумот ёки қўшиқчи аниқ қайтариб бера оласизми?

- а) ҳа, ҳар доим;
- б)-ҳа, лекин эслаш учун вақт керак бўлади;
- в) йўқ, одатда эслай олмайман.

12. Эстрада қўшиқчисидаги нима кўпроқ сизга ёқади?

- а) овози;
- б). ташқи кўринниши;
- в) саҳнада ўзини тутиши.

13. Концертларга бориш сиз учун:

- а), жуда ёқимли ва унупилмас ҳодиса;
- б) барча маданиятли одамлар қаторида бўлиш имконияти;

в) фақат менга ёққан ашулалар бўлгандагина ёқадиган ҳодиса.

14. 5—6 кишилик даврада гапира бошладингиз дейлик. Одатда:

а) сизни деярли ҳеч ким эшитмайди;

б) барча тўпланганлар диққат билан фақат сизни тинглашади;

в), Сиз сўзлаш учун ташаббус кўрсатмайсиз.

15. Сиз атрофда бўлаётган барча ҳодисалардан хабардорсиз. Чунки:

а) сиз телекўрсатувларни мунтазам кўрасиз;

б) радио тинглайсиз;

в) газеталар ўқиб юрасиз.

Энди тўплаган балларингизни қуидаги жадвал ёрдамида ҳисобланг.

Савол	Жавоб			Савол	Жавоб		
	а	б	в		а	б	в
1	2	1	3	9	1	2	3
2	3	1	2	10	3	3	1
3	2	3	1	11	3	2	1
4	2	3	1	12	3	1	2
5	2	3	1	13	3	1	2
6	1	2	3	14	2	3	1
7	3	1	2	15	3	3	1
8	1	2	3				

Балларингизни ҳисобланг.

15—20 балл. Сиз анча бетоқат тингловчисиз. Балки Сиз ўзгаларни тинглаш ҳисобига ортириадиган шахсий тажриба ёки билимларнинг аҳамиятини билмасангиз керак.

25—30 балл. Сиздаги тинглаш маданиятини анча шаклланған дейиш мумкин, лекин сиз учун сұхбат маълумотлар тўплашнинг ягона манбай эмас. Сиздан кўп нарса ўрганиш мумкин, лекин сиз бунга берилиб кетманг, баъзан сизга қаратилган танқид ёки фойдали кўрсатмаларга ҳам амал қилинг. Ҳозиргига нисбатан кўпроқ ўзгаларни тинглашга ўзингизни ўргатинг.

35—45 балл. Сизда ўта ноёб фазилат бор экан: Сиз тинглаш малакасига эгасиз, ва гапиришингиз меъёри яхши. Сиз билан гаплашганлар доимо сиздан мамнун бўлишади, чунки улар сиздан доимо фойдали маълумотлар олишади. Сиз ўзгаларни тушуниш ва уларга ҳамдардлик билдира олиш каби ноёб сифат соҳибисиз.

ТАВСИЯ ЭТИЛАДИГАН АДАБИЁТЛАР

1. Каримов И. А. Баркамол авлод орзуси. — Т.: Ўзбекистон, 1998.
2. Каримов И. А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. — Т.: Ўзбекистон, 1997.
3. Ахлоқ-одобга оид Ҳадис намуналари. — Т.: Фан, 1990.
4. Вуджек Т. Тренировка ума. — Изд-во «Питер», С-Петербург, 1997.
5. Грановская Р. М. Элементы практической психологии. — Л.: ЛГУ, 1988.
6. Годфруа Ж. Что такое psychology? — М., «Мир», 1991 г.
7. Дьюи Д. Психология и педагогика мышления. Пер. с анг. — М.: Совершенство, 1997.
8. Иброҳимов А. ва бошқ. Ватан туйғуси. — Т.: Ўзбекистон, 1996.
9. Ивин А. А. Искусство правильно мыслить: Кн. для уч-ся.— М.: Просвещение, 1986.
10. Карнеги Д. Как завоевывать друзей и оказывать влияние на людей: Пер. с анг. М.: Прогресс, 1989.
11. Комилов Н. Тасаввуф ёки комил инсон ахлоқи. 1-к.-Т.: Ёзувчи, 1996.
12. Маҳкамов У. Ўқувчиларнинг ахлоқий маданиятини шакллантириш муаммолари. — Т.: Фан, 1995.
13. Машриқзамин — ҳикмат бўстони. — Т.: Шарқ, 1997.
14. Муомала сирлари. — Тузувчилар: Сафоев Н., Фаффоров Б. — Т.: Наврӯз, 1992.
15. Маънавият ва комиллик. — Тўпловчи З. Фаффорова, — Т., 1997.
16. Немов Р. С. Психология. В 2-х кн. Кн. I. Общие основы психологии. — М.: Просвещение, 1994.
17. Одаренные дети. — М., «Прогресс», 1991.
18. Развитие творческой активности школьников. — М., «Педагогика», 1991.
19. Рогов Е. И. Настольная книга практического психолога в образовании. Учебное пос. — М.: ВЛАДОС, 1996.
20. Пономарев Я. Психология творчества.— М.: Наука, 1976.
21. Прошицкая Е. Н. Выбирайте профессию. Учебное пособие. — М.: Просвещение, 1991.
22. Рахимов И. Мантиқ. — Т.: Университет, 1994.
23. Сафо Очил. Мустақиллик маънавияти ва тарбия асослари. — Т.: Ўқитувчи, 1995. — 208 б.
24. Чистякова М. И. Психогимнастика. — М., 1990.
25. Юсупов Э., Исмоилов Ф. Инсон баркамоллиги. — Ўзбекистон, 1989.

ИЛОВАЛАР

1-тестнинг калити

- 1) 12 9; 2) 25 36; 3) 13 20; 4) 36 38;
5) 13 ; 6) 44 46; 7) 10 4;

2-тестнинг калити

1. ўсимликлар, тупроқ; 7. диаметр, айлана;
2. қирғоқ, сув; 8. кўзлар, мухр;
3. бино, кўча; 9. қофоз, муҳаррир;
4. том, деворлар; 10. ўйинчилар, қоидалар;
5. бурчаклар, томонлар; 11. жант, солдатлар.
6. бўлувчи, бўлинма;

3-тестнинг калити


- | | |
|-------|-------|
| 1) 5 | 11) 5 |
| 2) 2 | 12) 2 |
| 3) 6 | 13) 6 |
| 4) 1 | 14) 1 |
| 5) 6 | 15) 4 |
| 6) 1 | 16) 6 |
| 7) 4 | 17) 3 |
| 8) 6 | 18) 5 |
| 9) 3 | 19) 2 |
| 10) 4 | 20) 3 |

1—3-машқларнинг жавоблари

1-м а ш қ. «Отларни алмашинглар».

2-м а ш қ. Расмга бир томондан қарасангиз у қушга ўхшайди. Бошқачасига — сўроқ белгиси; тескари томондан, оёғини осмондан келтириб қарасангиз — тўп ўйнаётган тюленни кўрасиз.

3- м а ш қ. Масалани счиш учун фазони бир текисликда ётадиган фигураналар сифатида тасаввур қилиш ярамайди. Уни пирамида сифатида тасаввур қилсангиз қўйидаги тасвир чиқади:



Каримова В. М.

Каримова В. М.,

Суннатова Р. И.,

Тожибоева Р. Н.

МУСТАКИЛ ФИКРЛАШ

(Академик лицейлар ва касб-хунар коллежлари
үқувчилари учун үқув құлланмасы)

«Шарқ» нашриёт-матбаа концерни
Бош таҳририяти
Ташкент — 2000

Мұхаррір З. *Мирзоҳакимова*
Бадий мұхаррір Ф. *Башарова*
Техник мұхаррір Л. *Хижсова*
Мусаххиқ Н. *Мұхамедиева*

Теришга берилди 16.12.1999 й. Босишига рухсат этилди 09.03.2000 й. Бичими $84 \times 108 \frac{1}{32}$. Таймс гарнитураси. Оффсет босма. Шартли босма табоги 5,88. Нашриёт ҳисоб табоги 5,96. Адади 5000 нусха. Буюртма № 4988. Баҳоси шартнома асосида.

«Шарқ» нашриёт-матбаа концернининг босмахонаси, 700083,
Тошкент шаҳри, «Буюк Турон» кўчаси, 41.

1000

TUM.

